



Handwritten text, possibly a signature or name, appearing in cursive script. The text is faint and difficult to decipher, but appears to consist of several lines of writing.

Handwritten text, possibly a signature or name, appearing in cursive script. The text is faint and difficult to decipher, but appears to consist of several lines of writing.

Aut 27


10-15-20





218963808





LILII GRE GORII GYRALDI

FERRARIENSIS, DE RE
nautica libellus, admiranda quadam
& recondita eruditione refer-
tus, nunc primum & ma-
tus & æditus.



Cum privilegio Cæsareo.

Basileæ, apud Mich. Isingrinium,

M. D. XL.

HERCVLI DVGI
MAXIMO.

*Iam classis bene nauibus referta est,
Instructi simul ordines, & ipsa
Armamenta parata, machinæq;
Ut fluctus ferat impetumq; uenti.
Adbuc sed tamen artifex ueretur,
Ignem ne patiatur & procellas,
Quod nondum datus imperator illi.
Si DVX magne uoles nouæ præesse
Instructæ simul & fauere classi,
Non ignem patietur & procellas.*

LILII GREGORII
GYRALDI FERRARIEN.
ad D. HERCVLEM II. Estenſem, Fer
rarienſium principem, in librum
de re nautica

P R A E F A T I O.



*Collegeram Illuſtriſſ. Princeps
annis ſuperiorib. quandã quaſi
uaſorum congeriem, & ex iſ
confuſum incompoſitumq; uelut aceruum
accumulaueram; uiſum mihi poſtea eſt non
ingratũ ſtudioſis fore, ſi in proprias par
tes & in uolumina diſtinguerem, hoc eſt,
ut ſuis quæq; miniſterijs redderem, idq; in
primis feceram de uaſis, quæ ad deorum
ſacrificia, eorumq; ceremonias pertinere
uidebantur: tum de iſ quæ ſepulchralia
nuncupauit. Nunc nõ diuerſa modò totius
rei nauticæ & nauigtorum uocabula, ſed
& eorum membra ac ſymmetrias, arma
mentaque omnia quantum in me fuit ſum*

P R A E F A T I O.

executus, idq; summorum uirorum autori-
tate & exemplo, & in primis Apollo-
dori, qui apud Græcos eam rem diligen-
tissimè pertractauit, & nonnihil Iulius
Pollux in Onomastico: autores itè qui de
Architeclura, quiq; de re militari per-
scripserunt, ut historicos mittã. Extat &
Alberti Leonis nauis. Audio & non-
nullos hodie idem conari, sed, quo ego mo-
do, neminem. Ardua profectò prouincia,
& quæ minimè fuerat imbecilli ac parum
firmo tentanda. Sed cum collegissem, quid
facerem? fuerat ne, quæ tanto labore &
studio fuerat comparata, tineis & blattis
mittenda? aut igne aquisiue abolenda? mi-
nime. Præstandum quod possumus. Be-
ne quoquo modo merendum. Etenim si nõ
coryphæos, & emeritos, candidatos sal-
tem demerebimus: nec talentum ingratus
infodiam. Quare te Princeps opt. max.

oro, ut

P R A E F A T I O.

*oro, ut oram soluenti adsis, & tuo favore
protegas, quæ tuo nixi præsidio in lucem
damus. Sed iam instituti operis initia pau-
lò altius repetam, ut in re tam humili ua-
ria saltem lectione te, uel per te potius le-
ctorem detineam, atque in primis, quæ de
inuentoribus diuersa traduntur,
quambreuisime poterò in
medium pro-
feram.*

A 3



LILII GRE GORII GYRALDI

FERRARIENSIS, DE
re nautica libellus.

Varia de nauium earumq; armamento-
rum inuentione, & qui primū in re nau-
tica, sydera, Magnetisq; pyxidem exco-
gitauere. Caput 1.



Igitur, ut ab hoc incipiã,
Neptunus nauigãdi artē
inuenisse, classemq; insti-
tuisse à Cretenfib. dictus
est; quin, ut ait Diodor. à Saturno pa-
tre classi maritimæ præfectus est, eaq;
in primis ratione maris deus habitus
est. Alij Mineruã primã nauem moli-
tam esse tradunt, quod cū poëtis Ter-
tullianus, in eo qui est de coronã mili-
tis, prodidit. Ethicus tamē Hister, qui
in latinum sermonē ab Hieronymo
conuersus creditur, Pyrrhonum in-
quit magum antiquissimū ratem pri-
mam in Lydia fabricasse. Idem & Isi-

dorus, sed Pyrrhoni nō meminuit. Eusebius Pamphili ex Phœnicum theologia, Vsonem ait arboribus amputatis ambutisque primum mare ingressum, Subiungit idem, Samothracas primos naues construxisse. Clemens uero Alexandreus, Atlantem in Libya naues excogitasse scribit. Pomponius Mela, Phœnicas ait maria adire instituisse, quod & Tibullus eo uersiculo testat, Prima ratem uentis credere docta Tyros. Dionysius Punicus, Ægyptiorum inuentū naues arbitrat. Nam & ex Ægypto Danaum in Græciam uenisse legimus, cum Ægyptum fratrem fugeret, unde & nauis ab eius nomine *Δαναΐς* nuncupata est. Sunt inter Græcos qui eā pentecontoron fuisse affirmant, sic à numero filiarum appellatam. Hesiodus poeta Myrmidonas in Ægina insula primos nauigasse putauit. Thucydides Corinthios ait naues ad eam formā

formã excogitasse, qua suo tẽpore Athenienses utebantur, quo loco idem scriptor colligit, qui in tota Gręcia primi nauigare cœperunt. Sed & Plinij hac de re uerba meo arbitratu interpolata subscribã: Primus, inquit, nauem in Gręciam ex Ægypto Danaus aduexit, antè ratibus nauigabat, inuentis in mari rubro inter insulas ab Erythra rege. Reperiuntur qui Myfos & Troianos priores excogitasse in Hellesponto putent, cum transirēt aduersus Thracas. Paulò mox subdit: Longa naue Iasonẽ primũ nauigasse, Philostephanus autor est. Charax uero nõ una solũ naue, sed classe Iasonem nauigasse scriptum reliquit. Diodorus tamen Siculus, Sesostrin Ægyptiorum regem longa naue primum nauigasse prodidit. Idem et Herodotus, qui ait Erythræos ab eo rege longis nauibus ad deditiõnẽ redactos. Celebratur & illa eiusdem regis

*navis & LX
cubitorum*

Navis ex cedro CC. & LXXX. cubi-
torum, quæ exterius undiq; inaurata,
intus uero deargentata fuit, deoq; ma-
ximo Thebarū oblata. Egeſias Par-
rhalum longæ navis inuentorem ſcri-
bit, Cteſias Samyram, Saphanus Se-
miramin, Archimachus Ægeonem.
Biremem Erythræos feciſſe Dema-
ſthenes ſcribit. Triremem Amoclem
Corinthium Thucydides, ni potius
Aminoclen ex græco Thucydidis co-
dice legamus. Quadriremem Cartha-
ginenſes feciſſe Ariſtoteles prodidit,
autore, ut ait Clemens, Voſporo.
Quinqueremē inſtituit Neſichthon
Salaminius. Sex ordinum nauim Ze-
nazoras Syracuſius. Ab eo numero
ad deciremē Neſigeton. Alexādrum
magnum ferunt inſtituiſſe ad XII. or-
dines. Demetriū Antigoni ad XXX.
Ptolemæum Philadelphum ad XL.
Ptolemæum Philopatorē, qui & Try-
phon cognominatus eſt, ad L. Onera-
riam

galans of

riam nauim Hippus Tyrius inuenit, lembum Cyrenenses, cymbam Phœnices, celocem Rhodij, cercyram Cyprij, quæ & cercuros uocatur, alia licet sit opinio, eam scilicet à Corcyreis inuentam, Scaphā Illyrici excogitarūt. Ventorum uero rationē *Æolus Helæolus* Æolus Helenis, ut Plinius; ut poëtæ, Hippotæ filius inuenit. Syderum obseruationē in nauigādo Phœnices, nōnulli Thaletæ Milesium unum ex septem inuenisse prodiderunt. Diogen. Laërtius Phœcium Samium ait, Callimachus suo quodā iambico minoris urſæ inuentionem illi attribuit, qua Tyrij nauigationem suam dirigunt. Nuper quidem Lusitaniæ & Hispaniæ classis gubernatores Itali, australis poli stellis cōspectis, nauigationes regere cœperunt, quibus tot iam regiones parū antiquis scriptoribus cognitæ subinde aduent nostri, ut nouum iam orbē uulgò inuenisse dicantur. Sed & non

multis retro seculis Amalphis in Cā-
 pania oppido, antiquis nauigādi usus
 incognitus per magnetem & chaly-
 bem, quorum indicio nauē ad polos
 diriguntur, à Flauio quodam excogi-
 tatus traditur, quæ res nunc uulgari
 uoce, nautarum pyxis, seu pyxicula
 magnetis appellat̃, qua cum tabula,
 in qua orbis descriptio est, nauæ cur-
 sus metiuntur, et facillime quantū na-
 uigationis peractū sit, intelligūt. Qua
 re cum carerēt antiqui, difficillime na-
 uium cursum metiri poterāt. Longe
 em̃ difficilior eius nauis ratio est, quā
 tradit Vitruuius in suæ architectoni-
 cæ decimo: sint licet qui apud Plautū
 uersoriam existiment nauticū esse in-
 strumentum, haud fermè huic pyxi-
 diculæ magnetis ab simile, ex quo so-
 luturi nauæ cognoscerent, unde fla-
 rent uēti, & an mare nauigationē ad-
 mitteret. Sed nos iam reliqua prose-
 quamur. Remi latitudinē inuenere,
 inquit

inquit Plinius, Plataeæ, atq; ob id ego
 puto Plataensium navigationē à Stra-
 bone celebrari, Remum Copæ, *vela*
 Icarus inuenit, ait Plin., ut uero Dio-
 dorus, Æolus. Sunt qui Isin putent,
 ut latius cum de uelis agemus doce-
 bimus. Malum & antennam Dæda-
 lus. Hippagū Salaminij, aut Pericles *Malus*
 Atheniēsis. Tectas naues longas, hoc *antenna*
 est, cataphractas, Thasi; *navis tectas*
antea ex pro
ra tantum & puppi pugnabatur. Ro-
stra nauis addidit Pisæus, & Tyrreni *Rostra*
anchora. Eupalamius eandem biden-
tem, uel ut Strabo scribit, Anacharsis *navis*
 Scytha. Idē Anacharsis harpagonas,
 & manus ferreas Pericles Athenien-
 sis, adminicula gubernandi Tiphys *harpagonas*
 adinuenisse fert. Classe princeps de-
 pugnavit Minos. Ethicus uero His-
 ter rostratas naues ait in oceano se-
 ptentrionali à Gryphone quodam fa-
 bricatas, qui apud Scythas artifex ex-
 ortus, multarum artium, et præcipuè
*prope fabrica-
 tionem naturam*

naualiū & fornacum fuit, atq; ideo ab indigenis magus ipse Grypho in deorum fuorum numerum relatus est.

Haëtenus de nauium inuentoribus, earumq; armamentis, de quibus etiã nonnullis latius suis locis agemus. In præsentia mittam quæ de naue Nochi in sacra hïstoria traduntur, qua ex aquarum alluione, non humanum modo, sed animantium genus omne reparatum legimus.

Quæ ex navigatione uel commoda uel incommoda habeantur. Cap. 11.



Quum satis multa, ut opinor, de nauigandi & nauium inuentione attulerim, priusq; ad cætera me conferã, non nihil etiam de nauigationis cõmodis & incõmodis, tibi quàm potero breuius subiungere par uisum est, ne quod potissimum in re qualibet censerì solet, præterisse tibi uideri possim. Illa igit nauigationis præcipua utilitas, illud est

cōmodum, quod uix sine ipsa posset hominū uita subsistere. Neq̄ em̄ ulla regio, non prouincia, nedum ciuitas sibi sola ad omnia sufficit, sed altera alterius & ope & auxilio indiget, hæc tritico & fruge, illa uino, alia pastione, hæc auro & argento ceterisq̄ metallis, alia materijs alijsq̄ rebus abundat: contrā, alia frugibus, uino, opibus uacat, uel horum aliquib. At nō omnia hæc per nauigantiū commercia cōmunia fiunt: non omnib. quantumuis longinquis nationibus nauigijs important̄. Quanti ergo momenti est in uita nauigatio, quantæq̄ utilitatis, cum tot cōmoda ex ea comparentur: cum nulla uel regio uel prouincia, nec quidē ciuitas, alterius opibus nō indigeat. Existimauit philosophus Aristoteles, urbibus ac regnis expedire, ut promptam paratāque haberent nauigationis cōmoditatē, si libera esse uelint, alijsq̄ præesse. Il-

las nos certe uidemus cum in præsentia, tum apud antiquos etiam urbes excelluisse, quæ nauigationē paratiorē habuere, ut Alexandria, Carthago, Athenę, Byzantium, Genua, Venetiæ, & cæteræ. Adde quod ex nauigatione, uentorum, turbinum, & tempestatū signa certissima colliguntur. Adde et illud, quod nauigatio multis morbis medetur, ut docent Medici: nam & affectis phthisi succurrit, & egerentibus sanguinem, sicuti Anneo Gallioni post consulatū, ut se meminisse in xxxi. prodit Plinius. Alij addunt & multa alia, quæ fortassis ipse omitto. Iam uero tibi quæ ex nauigatione incōmoda proueniāt uel insint, ex plurimis pauca proferam. Sunt in primis pericula, quæ tot sunt & tanta ut uix enumerari queāt, naufragia, latrocinia, prædones, piratæ, tempestates, cæca saxa, Scyllæ, Charybdes, breuia, Syrtes, scopuli, belluæ, & marina ipsa

ipsa mōstra humani sanguinis avidis-
 sima, & eorum pleraq; nauigantibus
 & nauibus insidiantia. Quid? si cæte-
 ra desint, nōne tribus tantum, aut ad
 summū quatuor digitis, ut ait poëta sa-
 tyricus, si sit latissima teda, sunt à mor-
 tis discrimine remoti qui nauigant: ut
 rectè Bias, qui inter sapientes numera-
 tur, nauigantes, nec inter uiuos, nec
 inter mortuos reponendos censuerit.
 Sunt & qui uentorū & nauium quibus
 imperant nauigantes seruos putent.
 Plautus certè non minus uerè quàm
 false illud ait, Negocij sibi qui uolet
 uim cōparare, Nauim & mulierē, hæc
 duo cōparato. Nullæ em̄ res negociū
 maius habent, & ut Phocylides ait,
ἐπει πλεῖς ὄντι ἀδύλος, quoniā, inquit, nau-
 gatio est inmanifesta. Scribit in Phæ-
 dro Plato, quod qui in nauibus uersan-
 tur, rudes sunt, & à moribus alieni: ne
 tibi nunc recitem nautas infames à le-
 gibus taxatos. Denicq; ut semel finiā,

qui mare nauigant, ut ait Sapiens, pericula narrant. Mitto quæ Plinius, & quæ à poëtis traduntur: ipsam em̄ nauigationem, & qui primus nauigare cœperit, detestantur; ut ad alia cōmodum me conferam.

Cur nauis inuenta, & quæ oneri aut cursui aptior, de quæ earum symmetria non nihil. Caput III.



Ratum usum primū fuisse diximus: deinde maior hominum industria naues excogitauit, quibus nos nostræque transueheremus: hinc ad uarios usus, piscandi, peregrinandi, bellandi, ludendi, transfatæ sunt. Nauibus quidam se uti dixerere quasi aquatico quodam elephanto, quæ suis frenis moderentur, et quò uelint agant. Alij cōtrà, nauim affirmant esse haud aliud quidpiam, quàm arcem quandam per maris æquora ambulantem. At nos ista mittamus. Nauis fabricandæ exempla ueteres à piscibus

scibus duxisse legimus: nam ab illorū dorso carinam, à capite proram, à cauda temonē, à branchijs remos formarunt. Quidā non à piscibus, sed potius ab auibus id factū arbitrati sunt, unde & poëta, uelorum alas uocat, id quod & Hesiodus, *υαὸς ἄερα*, ubi & Proclus id ab auibus desumptum ait. Temonem quidem in nauī ab auium cauda formatū pleriq; credidere: sed & ab auibus nunc quoque seruant rostra uocabulum. Nauium uero in primis duo genera traduntur, onerariæ & cursoriæ: sic em̄ potius quàm fugaces, ut quidam bene docti, quæ cursui aptæ sunt appellarim. His longitudo aptior, illis latitudo. Hæ minus temonis imperio, illæ magis parent. Onerariæ longitudo ad latitudinē non minus tripla proportione esse debet. Cursoriæ non plus nona parte. Illud tamen utiq; obseruatū, ut quò latior onerariæ carina fuerit, eò firmiorem

fore sustinendis ponderibus. Ita Curforiæ, quo arctior carina, eo cursui agiliorem esse: quæ tamē ni saburra compleat̃, minus stabilis ut sit necesse est, magisq̃ fluctib, uacillabit. Carina ampla uadosis locis, gracilis alto mari tutior. Cui naui fuerint latera & prora celsa & sublata, aduersus quidem impetentes fluctus magis peruiçax, uerū est magis uentis obnoxia. Proræ ductus quo fuerit argutior, eo cursui promptior expeditiorq̃. Puppis uerò quo gracilior, eo sulcādo mari aptior: quo uero latior, eo pigrior. Nauium umbones ac pectora, ualida & robusta, pauloq̃ promptiora esse oportet, ut remorum uelorumue appulsu fluctus propellant, subinde tamē ad puppim paulatim gracilis cōstruenda nauis est, ut ueluti spōte sua lubrico cursu elabi uideatur. Temonū numerus nauigio firmitatē roburq̃ auget, cursu uero & uelocitatē minuit. Malo

nauis,

navis, quæ arborē quotidiano sermone uocamus, æqua ac naui longitudo dari conuenit. Scribit Corn. Tacitus, breues naues à Germanico constructas, angusta puppi, proraq̃, et lato utero, quo facilius fluctus tolerarent: quasdam planas carinis, ut sine noxa siderent: alias appositis utrinque gubernaculis, conuerso ut repente nauigio, hinc uel illinc appellerent: multæ pontibus stratae, super quas tormenta ueherentur, simulq̃ aptæ ferendis equis. Sedem huiusmodi conficiendarum nauium artificium ac symmetriam planius percipies ex libello Leonis Alberti Florētini, qui *Nauis* inscribitur. Nos nostrum institutū exequamur.

Ex qua materia naues confici, & quo tempore caedi debeat, utq̃ ea non incendatur. Caput IIII.



Nunc ex qua materia conficiendæ naues sint expediã, non ignarus ex multiplici et

uaria eas construi solere, unde & pro-
 uerbiū inoleuit apud antiquos, Nec
 in nauī cadentem lignum attingere,
 cum in ea omnia fermè sint ex ligno.
 de ijs uidelicet, quæ passim & ubique
 occurrāt, cuius & Lucianus meminit.
 Qui igitur de re nautica præcepta tra-
 diderūt, has præcipuè arbores proba-
 uere. Cupressum, ex qua apud Assy-
 rios naues fabricari testis est Aristobo-
 lus, & ab eo Arrianus. Theophrastus
 quoq; hanc diuturniorē cæteris arbo-
 ribus tradit, id quod ex ualuīs Dianæ
 Ephesig cōprobat. Eius autē diuturni-
 tatis rationē Vitruuius in secundo li-
 bro ostendit. Pinus etiam domestica
 siue syluestris commendatur adeò, ut
 plerunq; pro naue ipsa pinus à poëtis
 accipiatur. Notissimū est Catullianū
 illud, Peliaco quondā prognatæ uer-
 ticē pinus Dicunt liquidas Neptuni
 nasse per undas. Sed & Artemidorus
 libro Onirocriticōn secundo, ipsam et
 strobi-

strobilos, hoc est, eius nucleos in som-
 niorū interpretatione capiendos esse,
 & nauigantibus omnibus ad naues,
 quod ad ipsas præparandas pinus ido-
 neæ sint, & pix & resina, quæ ex ijs ar-
 boribus proueniant. Picea quoq; ad
 nauium usum apta est, sed putrescere
 celeriter incipit. Illud hoc loco mone-
 re par est, quod *πίτυς* à Gaza & Her-
 molao picea transfert, & *πίκκη* pinus,
 cum alij pleriq; confundant: id quod
 diligentius examinaui ex capite Dio-
 scoridis de picea lib. 1. quo loco Mar-
 cellus hallucinari ipse uidet, cum alios
 taxare uelit. Laudat̃ item abies, quæ
 ad plurima usum præstat, quippe quæ
 operib. omnibus, ut ita dixerim, ædifi-
 catorijs aptissima est: sed nauibus qui-
 dem propter flexum humidior capia-
 tur necesse est, nam ad conglutinatio-
 nem siccior aptior est. Nauis em̃ com-
 pacta ut extra mare fidelior cōstat, ita
 & in mare pertracta, humore imbibi-

to se undiq; protinus comprimit, atq; rimis coniunctis omnibus continuat, nisi quicq; penitus exaruerit: tunc em̄ gluten aut omnino aspernat, aut non æquè recipit. Hæc Theophrastus, sed plura Vitruuius. Abies quoq; ut pinus, à poëtis interdū pro naue sumit. Robur etiã ad fluuiatiles naues & lacustres utile, quod in eiusmodi aquis sit à putredine immune: sed in maritimis minus est idoneum, quod facile in mari putrescat. Probat & Theophrastus spinam nigram ad costas & uentris compages, quod ea robusta sit & incorrupta. Sed cur non hoc loco græcam diligentia adscribam: ita em̄ hanc partē est executus Theophrast. ut iure illum agnoscas Aristotelis & scholæ & doctrinæ meritò successorē. Abies, inquit, pinus, cedrus, ut summatim agam, nauib, aptissimæ sunt: triremes em̄ & longa nauigia leuitatis gratia faciunt: rotundas uero naues ex pinu, quo-

ni, quoniã non putrescit. Sunt & qui
 ex eadem triremes faciunt, quod scili-
 cet abite carent. Qui autẽ Phœniciam
 Syriamq; colunt, cedro magis utuntur,
 quod pino egent. Cyprii picea naues
 construunt, ea enim est in ipsa insula fre-
 quens, uideturq; etiam pino præstan-
 tior: & cæteras quidẽ partes ex his con-
 ficiunt, carinã uero triremib. ex quer-
 cu subdunt, ea ratione, ut cum subdu-
 citur in terrã, queat resistere. Nauib.
 onerarijs pineam atque etiam quernã
 subiiciunt, minoribus scissimã, quam
 ὀξύρυ uocãt, attribuunt: atq; in totum
 ex hac testudinẽ condere solent. Scissi-
 mam tanta proceritate apud Latinos
 prouenisse ferunt, ut cæsa pro carina
 Hetruscis nauibus sufficeret. Sanẽ pi-
 no atque abieti quercus conglutinari
 non ualet: altera enim spissa, altera rara,
 & altera similis, & altera minus. Affe-
 ctus autẽ similes esse eis oportet, quæ
 sociari conflariq; debeãt, non cõtrarij:

ceu si ligno lapidem cōiungere uelis:
 Tornatus nauib. rotundis ex moro,
 fraxino, ulmo, platano: lentitiam em̄
 firmitatemq̄ adesse oportet. Sed deter-
 rimus qui ex platano fuerit, celeriter
 em̄ putrescit. Sunt qui triremibus uel
 ex picea leuitatis causa tornandum sta-
 tuunt firmamentū, testudinem & au-
 riculas ex fraxino, moro, ulmoq̄ fabri-
 cant: ualida hæc em̄ esse oportet. Sed
 utiq̄ quod ab initio de cupresso & pi-
 nu diximus cōprobat Traiani nauis,
 quæ demum superiorib. annis inuēta
 est; & eruta ex Nemorensi lacu, cuius
 alio iam loco memini. At uero ficus ui-
 detur minus idonea nauigijs, atq̄ in-
 de emanauit uetus adagium, Nauis
 ficulna, quod in contemptū & irrisio-
 nem dicitur, qualis fuisse fertur Man-
 dronis nauis, qui cum nauta esset Im-
 perator euasit: uel sic dicta, quod ficul-
 na, quæcunq̄ uilia & inutilia sunt, ap-
 pellantur, ut ἀσθενὴς οὐκίον, & ἐπικρίσια

Arboribus, et alia, ut Theocriti et Aristophanis interpretes obseruāt: uel quod potius existimo, quod ex eius arboris ligno minus naues ædificantur. Alij ad hoc opus parandarū nauium omnem materiē probant, id quod & Claudianus poëta quadam sua comparatione ostendit, cuius uersus quoniam lepidi sunt, adscribere placuit. Sic qui uenturus lōginqua per æquora merces, Molitur tellure ratem, uitamq; procelis. Obiectare parat, fagos metitur & álnos, Et uariū rudibus syluis accōmodat usum. Quæ lōga est, tumidis præbebit cornua uelis: Quæ fortis clauo potior, quæ lēta fauebit Remigio, stagni patiens aptanda carinæ. Hæc quidē ille cecinit. Sed autores eam uideo omnino probare materiē, quæ nec fissilis sit, nec fragilis, nec putredini obnoxia, tum eam etiā quæ minus siccatur. Verum enim uero certo & statō anni tempore plerique omnes cæden

dam materiē autumant, quorum omnium rationes hic tibi complecti si uouissem, iustum uolumē confecissem: quædam tantū afferam, quæ mihi potiora uisâ sunt. Heron græcus scriptor diligens, ut qui ex utriusq; linguæ autoribus libros xx. de re Rustica scripsit, & quē est imitatus, ut puto, Constantinus ille Imperator, qui locupletius eandē rem rusticā totidem libris, & totidē pleruncq; uerbis, isdemq; ferme ex autoribus complexus est, ambob; lib. tertio, materiã ad ædificationē cædi præcipiunt, in primis mense Decembri & Ianuario, luna senescente & sub terra existente. Lunæ em̄ lumen ligna molliora facit, quæ uero tunc cæsa sunt minus putrescunt. Vegetius cum de nauigijs præcepta tradit, à solstitio æstiuâli ad Calend. Ianuarias, & à xv. ad xxiii. lunam cædi præcipit. Columella uero à xx. ad xxx. lunam prodidit. Idem, ut paulò post

osten-

ostendemus, C. Plinius. At Pollio Vitruuius cum de eadem re scribit, materies, inquit, cædenda est à primo autumno ad id tempus, quod erit anteq̃ flare incipiat fauonius. Eius rei reddit & causam, quod ueluti prægnantes sint & foetæ arbores. Tum & subdit: Ergo si ea ratione & eo tēpore, quod suprâ scriptum est, cæditur materies, erit tēpestiua. Quibus uerbis liquet, cur in Georg. poëta dixerit, Aut tēpestiuam in syluis euertere pinum. Idem & M. Cato: Materies, inquit, ubi solstitium fuerit ad brumam semper tempestiua est. Hesiodus quoq̃ poëta eadem penè in *ἔργων* docet, atq̃ eo etiam darius, si diligentius obserues, quæ eo loci à Proclo interprete scribuntur. Alia tamen esse uidetur Theophrasti præceptio, quæ tamen si rectè examinetur, conueniat cum Plinij & aliorū sententia: qui lib. xvi. rem totā hanc est executus, cuius quantum ad hanc

rem pertinent uerba subscribam. Infinitum, inquit, refert lunaris ratio, nec nisi à XX. in XXX. cædi uolunt. Inter omnes cōuenit utilissimè in coitu sterni, quem diem, alij interlunium, alij silentis lunæ appellant. Sic certè Tiberius Cæsar cōcremato pontenaumachiaro, larices ad restituendum cædi ex Rhetia præfinit. Quidam dicunt, ut in coitu & sub terra sit luna, quod fieri non potest, nisi noctu. At si computant coitus in nouissimum diem brumæ, illa æterna sit materies proximè cum supradictis syderibus. Quidam & canis ortum addunt, & sic cæsas materies in forum Augusti. Nec nouellæ autem ad materiem, nec ueteres utilissimæ. Circuncisas quoq; ad medullam alij non inutiliter relinquunt, ut omnis humor stantibus defluat. Mirum apud antiquos primo Punico bello classe Duiliij Imperatoris ab arbore excisa LX. die na

die nauigasse. Contra uerò Hieronem regē ducentas uiginti naues effectas diebus quadragintaquinque, tradit L. Piso. Secundo quoque Punico bello Scipionis classis quadragesimo die à securi nauigauit. Tempestiuitas etiā in rapida celeritate pollet. Hactenus Plinius. Sed nec illud hoc loco omiserim, quod est à Theophrasto proditum, uisco illitam materiem non ardere. Quod etiam Claudius in annalibus, quod & Gellius repetit, turrim ligneā ad Piræum Atheniensium portum, quam Archelaus Mithridatis præfectus multo alumine obleuisset, Sylla oppugnante minime arsisse. Vetus quoque opinio fuit laricem igni non cedere, & propè contra eum illæsam persistere, quin & asseres obijciendos aduersus ignis pericula, antiquorum quidam iussere. Verum enim uero hoc tempore usu comprobatū est uri quidem, ita tamen ut ab se discutere

& repellere illum uelle uideatur, flammam enim non recipit, nec carbonem remittit, sed spatio longiore uix comburitur, quod minima sit ignis & aeris temperatura. Cognitum id summa Caesaris admiratione apud Larignum oppidum ex arboris copia nuncupatum, quando ignibus obuallata turris superfuit citra nocentum. Totam hanc historiam pluribus lib. secundo recitat Vitruuius. Laricem utique Plin. in maritimis nauibus teredini obnoxiam existimatam. Sed de huiusmodi iam sit modus, ad alia properemus.

Pisces quosdam esse qui naves imitant, & qui nauigia remorentur: de qua gemma Agada, seu potius Sagda: quae item aedificiorum naues. Caput v.



Sunt etiam quaedam inter piscium auiumque genera, quae nauigia imitari uidentur, si non potius nos ab illis nauigandi rationem didicisse uideri possimus, ut quae de pisce Nautilo produntur, à qua re nomen ha-

men habere creditur. Huius quidem Aelianus & Oppianus historiam in ἀλιευτικῶν ingeniose describunt, & utroque prior Plin. in nono nat. hist. cuius uerba ea tibi ratione recitabo, quod Pliniū secutus uidetur Oppianus, nisi quod ipse poëtice illud addidit, quod ego totidem uersibus exprimere tentavi, ne te, quod multi hodie faciunt ad ostentationē, ut puto, græcis identidem allegationibus fastidiam.

*Plaustra maris naues qui primus repperit, ille
Sive Deus, seu mortali de semine natus,
Audax orauit fluctus transire marinos,
Nauigium spectans piscis: dum robora nescit
Fecit opus simile, hinc & uentis uela tetendit
Fumibus, aptauit retro dehinc frena carinae.*

Plinij uero uerba hæc sunt: Inter præcipua autem miracula est, qui uocatur Nautilus, ab alijs Pompilus: supinus in summa æquorū peruenit, ita se paulatim subrigens, ut emissa omni per fistulam aqua, uelut exoneratus sentina, facilè nauiget. Postea duo prima

brachia retorquens, membranā inter illa miræ tenuitatis extendit, qua uelificante, in auras cæteris subremigans brachijs, media cauda ut gubernaculo se regit: ita uadit alto liburnicarum gaudens imagine. Si quid pauoris interueniat, hausta se mergens aqua. Et quidem sic Plinius. Nec multo ab his diuersa in septimo Athenæus. Extat & græcum epigramma Callimachi de hoc eodem Nautilo deæ Veneri oblato, quæ in Zephyrio colebat, in quo & ipsius piscis historia perscribit. Sed aliqui hoc quod ex Plinio de Nautilo recitauimus, diuersum existimant ab eo quod Aristoteles in nono de animalium historia tradit: uidelicet quia Plinius Nautilum, Pompilum ait ab aliquibus uocari, cum & ipse Plinius, ut Aristoteles & Ælianus, in polyporum genere Nautilum reponat, nisi quod hoc amplius addit, ab alijs Pompilus uocitatur, Neque enim hoc loco de

co de Pompilo intelligit, de quo in thynnorum historia agit, & de quo Ælianus & Oppianus multa, & plura ex uarijs scriptoribus Athenæus, qui & facer piscis uocatus est.

Sedenim iam ad nauigeram aliam similitudinem, peneq̄ eandem trans-
eamus, quam in Propontide à se ui-
sam prodidit Mutianus. Concham
esse ait Achatae, seu ut castigat Her-
molaus, Acati modo carinatam, in-
flexa puppe, prora rostrata: in hanc
condi Nauplium animal sepiæ simi-
le, ludendi societate sola, duobus hęc
fieri generibus: tranquillo enim ue-
ctorem demissis palmulis ferre ut re-
mis. Si uero flatus inuitent, easdem
in usu gubernaculi porrigi, pandique
concharum sinus aura. Huius uolu-
ptatem esse ut ferat, illius ut regat: si-
mulq̄ eandem descendere incluso si-
nu, fluctu hausto, territam uisu forte
tisti; id em̄ constat rumore nauigan-

tium. Et hæc quidem de Nautilo & Nauplio legimus. Nautilum quidē, hirundines, aliasq̃ nonnullas aues in maris transitu imitari didicimus. Neritas quoq̃ quas uocant, in concharū genere nauigare scribit Plinius, testarum quidem alteram uento pandere, ipsam uero in altera residere. Narratur & de draconibus Afachæorū Æthiopum, qui maximi sunt in maritimis eorum, quaternos quinósue inter se cratium modo implexos, erectis capitibus uelificantes, ad meliora pabula Arabiæ uehi per medios fluctus. At nō etiā illud est miraculi simile, quod de echeneide tradit, pisciculo illo quidem, qui ingentes tamen naues in medio mari sistere ac remorari dicūt: unde & illi nomen latinē remora, ut græcē, *παρα τὸ ἔχει τὸ ναῦν*, à retinenda scilicet naue. Audi quæso de eo ita Pliniū lib. xxxij, elegantis. differentē. Quid, inquit, uiolentius mari, uētis uē, & turbinibus

binibus ac procellis : quo maiore hominum ingenio in ulla sui parte adiuta est, quàm uelis remisq̃ addatur his & reciproci æstus inenarrabilis uis, uersumq̃ totum mare in flumen : tamen omnia hæc pariterq̃ eòdem impellentia, unus ac paruulus admodum pisciculus Echeneis appellatus in se tenet. Ruant uenti licet, & sæuiant procellæ, imperat furori, uirésque tantas cõpescit, & cogit stare nauigia, quod nõ uincula ulla, nõ anchoræ pondere irreuocabili iactæ. Infrenat impetus, & domat mundi rabiem nullo suo labore, non retinendo, aut alio modo quàm adhærendo. Hæc tantilla satis est contra tot impetus, ut uetet ire nauigia. Sed armatę classes imponunt sibi turrium propugnacula, ut in mari quoque pugnetur, uelut è muris. heu uanitas humana, cum rostra illa ære ferróque ad ictus armata, semipedalis inhibere possit ac tenere deuincta pi-

sciculus. Fertur Actiaco marte tenuisse prætoriã nauim Antonij properantis circuire & exhortari suos, donec transfiret in aliam: ideoque Cæsariana classis impetu maiore protinus uenit. Tenuit & nostra memoria Caij principis ab Astura Antium remigantis, (ut res est, etiam auspicalis pisciculus, siquidem nouissimè tum in urbem reuersus ille Imperator, suis telis confossus est) nec longa fuit illius moræ admiratio, statim causã intellecta, cum è tota classe quinquere mis sola non proficeret, & exilientibus protinus qui id quærerent circa nauim, inuenere adhærentem gubernaculo, ostenderuntq; Caio, indignanti hoc fuisse quod se reuocaret, quadringentorũque remigum obsequio contra se intercederet. Constabat etiam peculiariter miratum, quo modo adhærens tenuisset, nec idem polleret in nauigium receptus, qui tunc, postea

que

que uidere eum, limaci magnæ simi-
lem esse dicunt. Atque hæc quidem
totidem uerbis Plinius, qui & libr. ix.
qua forma esset prodidit, quod idem
& Ælianus & Oppianus, Aristote-
lesq; secundo de historia animalium li-
bro meminit, & in sexto Lucanus:

Non puppim retinens Euro tenden-
te rudentes

In medijs Echeneis aquis.

Meminit & in Symposiacis Plu-
tarchus, Mutianus quoque muricem
esse latiore purpura, neque aspero
neque rotundo ore, neque in angu-
los prodeunte rostro, simplice con-
cha, utroque latere se colligente, qui-
bus inhærentibus plenam uentis ste-
tisse nauem portantem nuncios à Pe-
riandro, ut castrarentur nobiles pue-
ri, conchasque quæ id præstiterunt,
apud Gnidiorū Venerem coli. Idem
& Plinius xxxij. Huius etiam conchæ
Cassiodorus lib. primo uariarum, his

uerbis meminit: Meatus, inquit, nauium Echeneis morsus inter undas liquidas alligauit: aut Indici maris conchæ simili potentia labris suis nauium dorſa fixerunt, quorū quietus tactus plus dicitur retinere, quàm exagitata poſſint elementa compellere: ſtat pigra ratis tumentibus altè uelis, & curſum nō habet cui uentus arridet, ſine anchoris figitur, ſine rudentibus alligatur. & reliqua. Qui tamen ad hanc diem Echeneida, uel cōcham hanc uiderint, neminē comperi uel nautam uel piſcatorem. Nauem etiam tardius incedere quidam prodiderunt, in qua fortè teſtudinis pes dexter uehañ. Sed nā miraculoſum æque illud uideri poſſe, quod à Solino eſt traditum, Agadan lapillum eſſe, qui ſpiritū habeat, nauibusq; qui ita adhæreat, ut niſi ſuccidatur auelli nequeat. Hæc ſunt Solini uerba: Agada lapillus à Chaldæis ad nos uſq; fluit, haud facilis repertu,

niſi,

nisi, ut perhibent, ipsa se capessendam daret: namque ingenita spiritus efficacia supermeantes naues à profundo petit, & carinis ita tenaciter adcorporatur, ut nisi abrafa parte ligni separetur. Ea Agada apud Chaldaeos propter effectus, quos ex ea sciunt, habetur in loco principe, cæteris propter gratiam magis complacet iucundissimè uirens.

Hæc quidem Solini uerba. Sed si Plinium & emendatos codices attendere malumus, Sagdam, non Agadam legemus. Sagdam, inquit Plin. in ultimo, Chaldaei adhærescentem nauibus habent, inuenitur prasini coloris. Hæc ille. Sed huiusmodi miracula minus mihi rata, ergo notiora alia attende, et in primis quod de agrestium ædificijs Numidarum, quæ Mapalia, Magaliæue illi uocant, ut est apud Sallustium: Oblonga, inquit, sunt, incuruisque lateribus tecta, ut quasi carinæ nauium uideantur. Cum enim illuc Persæ na-

uibus appulissent, incultaq̄ foret regio, nauium illi carinis sibi domicilia struxerunt: unde & eorum usus apud illos ita seruatus est. Meminit & Probus Valerius, in Vergilium, & Seruius, grammatici. Est & hodie in uernaculo quotidianoq̄ sermone, ut maiorum templorum, sacrarumque ædium partes nauium nomine nuncupentur. Fuit & Romæ locus Carinæ dictus, ut in nauium partibus planius ostendemus. Fuere itē rostra in curia, à nauium rostris dicta: & Vellabrum Romæ locus, à uehendis nauibus.

Miraculosa quædam in re nautica uideri, quæ naturalia cum sint, à philosophis anxie quærantur: tum de nauigijs ex arida uiridiq̄ materia confectis.

Caput VI.



Illud in re nauali diligenter accurateq̄ iam pridem à philosophis obseruatum est, tardius pigriusque naues hyeme per flumina procedere, & grauiora defer-

ra deferre onera, per mare uero pari cursu: quam rem in aërem referunt ij qui physici appellantur, quod eo scilicet tempore fluuiorum aqua crassescat, & densior ideo fiat: qua de re & Plutarchus in causis naturalib. Sunt & in nauium ratione quaedam quæ naturali quadam obscuritate recte percipi non possunt, ut illud, Remum uideri inflexum in aqua. Item, nauem in alto uideri stare ijs qui sunt in litore: qui autem in mari uehuntur, uideri moueri eos qui in litore consistunt, cum tamē contrarium id sit. Quam uero naturali ratione id accidat, multis quidem difficillimum uidetur, atq; idcirco philosophorum pleriq; super hoc laborarunt. Ridiculum illud à plerisq; existimatur, quod est à Plinio lib. xxviij. nat. hist. proditū, in nauigando tēpestates abigi muliere denudata, etiam sine menstruis: cum eis uero, grandines turbinésque auerti.

Quærit & anxie Aristot. causam, cur nauigia interdum dum cursum agunt in quieto & tranquillo mari, repente absorbent, in præcepsq; trahuntur, totaq; ita pereunt, ut ne naufragij quicq; fluitans usq; appareat: id ille pluribus in quæstionibus absoluit. Sed & hoc experientia cognoscitur, ut quæ ex humida materia nauigia construuntur, non eundem celeritatis usum habere, quàm quæ ex arida fiunt, id quod contra Cæsarianos milites Malsiliensib. beneficio fuisse, in 1. bellorū civil. Cæsar ipse prodidit. Sanè & illud diligenter obseruarunt rerū naturæ studiosi, uacuū nauis corpus tantum ponderis sustinere, quantum sit aquæ pondus, qua possit ad iustū impleri. Vnde & tot amphorarū naues nō antiquis modò, sed & nostris tēporibus appellantur. Verum hæc tibi in præsentia significasse satis fuerit. Nunc quæ miraculosa sunt reliqua, his subsignabo.

Miracu-

Miraculosa multa de nauigijs, necnon de diuersis eorum generibus, deq̄ uitilibus, & quæ uitilia dicuntur. Cap. VII.



Nauium uel admirandas amplitudines, uel portentosas species mihi tradere uolenti, longiore orationis filo opus foret: quamobrem, si pauca tantum è multis, quæ cogitanti mihi succurrunt, adscripsero, hac tibi parte fecisse satis uideri potero, atq̄ adeò in primis fabulosa quædam recensebo. Argo græci poëtæ fabulantur uocalem fuisse, idq̄ ex tabula Dodonæa, eius à Pallade carinæ affixa: dictam uero ab artifice Argo, testis est Apollonius; tametsi non ab Argo, sed à Glauco fabricatam, Popsis Magnes apud Athenæū prodidit. Dictā aliq̄ à celeritate, quæ ἀργὸς interdum græcè dicitur. Noster M. Cicero ab Argiuis innuit denominatam, quia Argiui in ea delecti uiri uicti petebāt pellem inauratam arietis. Pherecydes ab Argo Phrixi filio di-

etiam existimauit, primamq̄ hancip-
 sam Argon longam nauem fuisse, at-
 que de Argo satis. Phæacum naues
 Homerus cecinit nullis instrumentis
 & nautis indiguisse: ex se enim & ho-
 minum mentes, & locorum situs co-
 gnouisse. Quid; nõne & idem Ho-
 merus ab Alcinoõ rege Vlysi datam
 nauem ait, quæ mox in scopulum à
 Neptuno mutata sit; Idem Ouidius
 & Procopius, idem & Solinus testati
 sunt. Sed & apud Athenæum scribit
 Apollonius Rhodius uel Naucrati-
 tes, cum Ocyroën puellam ab Apolli-
 ne amatam Pompilus rapuisset, eius
 nauis in lapidem cõuersa est, & raptor
 ipse in piscem mutatus est: à quarum
 fabularum similitudine potuit cõmo-
 dè Vergilio præstari occasio, ut Æneg
 naues Berecynthiæ matris beneficio
 in Nymphas mutatas finxerit. quod
 est à Criticis improbè Vergilio obie-
 ctum, ut impossibile: cum ea in poëtis
 damnare

damnare non soleamus, quæ etsi supra naturæ vires, arcano tamen quodam sensu aliud innuunt, uel lectorē in miraculum impellunt: eoque magis si id antiquorum exemplo fiat, & eo præcipue Homeri. Sed quàm non damnabile sit quod Maro finxit, poetarum ingeniosissimus Naso dedarat, qui ab eo in sua Metamorphosi totam hanc fabulam desumpsit, dignam scilicet ratus ut suo carmini infereret. Subit hoc loco memoriæ, miraculosa de nauigijs cogitanti, quod est à Plinio proditum: Nauem à Myrmecide tam subtiliter fabricatam, ut ab apicula pennis absconderetur. Sed hæc mitamus, ad ea quæ ab historicis produntur, accedamus. Ptolemæi Philopatoris nauem Plutarchus tantæ magnitudinis & apparatus fuisse scribit, non ad ostentationē potius quàm ad aliquem usum esset. De eadē nauī & longe plura ex Callixeno historico Rho-

dio Athenæus lib. v. dipposoph. com-
 memorat, quo simul loco & eiusdem
 regis fluuiatilem nauem, Thalame-
 gon uocatam, celebrat, quam cum in
 Nilo nauigaret in delicijs habuit: lon-
 gitude eius DC. pedū, latitudo quinque
 & XL. Reliqua idem Athenæus exe-
 quitur, qui & Hieronis regis nauem
 eò mirabili artificio constructam de-
 scribit, ut nihil in ea deesset, quod ad
 rationē & proportionis & cōmensus
 conueniret, atq; adeò de ea Archime-
 des Syracusius, tantus eius ætatis arti-
 fex, librum scriptum reliquit. Nauis
 quidem artifex fuit Archias Corin-
 thius, intra uero annum fabricata est.
 Materies ad eam cōficiendā ex Ætna
 cæsa tanta, ut LX. triremibus constru-
 endis satis esse potuisset. Fabri CCC.
 præter ministros. Verum cum tanta
 esset moles, Archimedes eā, ut in rã-
 re facillimè deduceretur, curauit. Cla-
 uis in ea ærei denarum librarum, XX.
 fuerunt

fuerūt remigij ordines, triplici fuit ædificij contignatione. Infima pars oneri & mercibus data, ad quam multis scalis descensus: media pars XXX. Cęnationes habebat ad utrunq; latus cōstructę, in his lecti quaterni: item nauclericum cōclauę quinq; lectorum capax: ad hæc thalamitas, & culina, tum pauimentum structum opere uermiculato omnis generis lapidum, in eo pauimento bellum Troianū depictū. In summa parte nauis gymnasiū, ambulationes, cum omnis generis stirpium & arborum hortis, tum Aphrodisium conclauę stratū Achate, alijsq; ex Sicilia lapillis. Parietes nauis ex cupresso, fores ex ebore, & odorata materia. Fuit & exedra & bibliotheca, insuper & balineum, ut reliqua mittā, quę potius ad stabile ædificiū, quàm ad nauigiū pertinere uiderent. Nam & in ea etiam equorum stabula, & militū habitationes, & præterea turres,

octo, & militaria instrumenta, & machinæ Archimedis opera, tum demū ad armamenti omne genus loca idonea, quæ exequi nimis longū. In hanc nauim cū Archimelus poëta X X. uersuum epigramma condidisset, ab ipso rege donatus est mille frumenti medimnis, quos ex Sicilia in Pinæum usque deduci iussit. Extat & hodie epigramma ipsum: quod si emendatius nactus essem, his adscripsissem. Sed quanquā miranda & insolita arte Hieronis hæc nauis fuit, ipsam tamē cum magnificentia, tum reliquo omni apparatu Thalamegus, cuius modo meminimus, Ptolemæi Philopatoris excessit. Celebrantur quoque Poliorcætæ Demetrii naues duæ, quæ & machinis ac tormentis ad expugnandas urbes magnificè instructę fuerunt, ut Lysimachus rex, Demetrii licet hostis, cum eas uidisset, maxima sit admiratione affectus. Lege in ipsius Demetrii

trij uita Plutarchum, De Sesostris Ægyptij regis nauis iam ab ipso libri initio locuti sumus. Id uero quod de Caij Cæsaris naue à Plinio scribitur, hoc loco non est omittendum. Abies, inquit, admirationis præcipuæ in nauis, quæ ex Ægypto Caij principis iussu obeliscum in Vaticano circo statutum, quatuorq; truncos lapidis eiusdem ad eum sustinendum adduxit: qua naue nihil admirabilius uisum in mari certum est. CXX. modij tunc lentis pro saburra ei fuere. Longitudo spatium obtinuit magna ex parte Ostiësis portus latere læuo: ibi nanque demersa à Claudio principe, cum tribus molibus turrium altitudine in ea exædificatis, obiter Puteolano puluere aduectis, quæ arboris crassitudo quatuor hominum ulnas complectentium implebat. Atq; hæc quidem Plinius, qui & alio loco de eadem nauis meminuit. Et Suetonius, qui de eiusdem Caij Cali-

gulae liburnicis ita ferme scribit, adeo ut uideatur imitatus esse Hieronis nauem. Fabricauit, inquit, & de cedris liburnicas gemmatis puppibus, uersicoloribus uelis, magna thermanu, & porticum, & triclinioru laxitate, magnaq; etiam uitium & pomiferaru arborum uarietate, quibus discumbens de die inter choros ac symphonias, litora Campaniae peragraret. Nec nauis eius descriptionem omiserim, quae a Max. Tyrio sermone xxxi. descripta est, regis cuiusdam supra Phoenicem (neq; enim ille nomen apponit) qui ex Aegypto soluens, nauigaturus ad Troiam, latissimam nauem comparauit, quae amplitudine sua satis esset ad uniuersas simul uoluptates deportandas. Eius enim una pars assurgebat in regiam, in qua conspicui thalami lectis instratis, & gestationes pulcherrimae uisebantur. Egressis aut ad limen, pomaria occurrebant longe lateq; porrecta,

cta, malis consita punicis, pyris, uitib.
 pomiferisq̄ plantarijs. Aliam uero na
 uis partem balnea cum gymnasio oc
 cupabant. Erat præterea hic popinam
 cernere, illic cōcubinarum lustra, illic
 cocnacula. Nullas præterea deesse lu
 xuriosæ urbis turpissimas officinas.
 Sed & eadem ipsa nauis iucundis co
 loribus undiq̄ depicta, gratissimum
 aspectum præfererat, aurum atq̄ ar
 gentum permultū ostendebat. Sub
 dit mox idem; Cum portum nauis il
 la tam uasta egrederetur, insulæ flui
 tantis speciem præ se tulisse, & nidore
 ac odoris, tum simul tibiæ ac celeuma
 tis concentu omnia compleffe. Et pau
 lò post urbem uocauit. His & ea sub
 iungã, quæ de Traiani naue scriptū le
 gi. Hæc paucis ante annis, quibus hæc
 ego prodebam, reperta fuit atq̄ eru
 ta ex lacu Nemorēsi in Latio, quo lo
 co annos plus MCCC, demersa iacue

rat, ut coniectari potuimus. Qui uero ædificandarū huiusmodi nauium peritiam habent, se eam ita constructam compactāq̄ animaduertisse prædicabant, pini uidelicet materiā & cupressi in ea egregiè uetustatem uicisse, idq̄ extrinsecus pice atra & tela lino agglutinata, superq̄ id chartā, uel lamellas potius plumbeas clauis quibusdā æneis cōfixas cōperisse. Est enim usu cōprobatū æs multo q̄ ferrū ad uetustatē magis durare, quod & Vitruuius & Vegetius affirmāt. Hanc Traiani nauem Græci scriptores triremis longitudine fuisse prodiderunt, latitudine uero holcadis, quod & ex eruta cognitum est. Cleopatrem luxuriosam admodum classē, potius quā rectē instructā, rudentibusq̄ & uelis sericis, hoc loco non plus quā cæteri auctores recēsebo. Locupletissimi enim scriptores, ut alios mittam, Plutarchus, Dion, & Appianus eam describunt;

Vitiles quoque naues fieri ex corio circumfutas, Plinius autor est: ita enim scribit in iij. Timæus, inquit, historicus à Britannia introrsus sex dierū nauigatione abesse dicit insulam Metterin, in qua candidum plumbum proueniat: ad eam Britannos uutilibus nauigijs corio circumfuta nauigare. Idem in septimo: Etiam nunc in oceano Britannico uitiles corio circumfuta fiunt, in Nilo ex papyro & scirpo, & arundine, Hæc ille. Festus quoq; Auienus in iambico ad Probum:

Sed rei, inquit, ad miraculum

Nauigia iunctis semper aptant pellibus,

Corioq; uastum semper percurrunt fretum.

Arrianus etiā in Alexandro de istiusmodi nauibus meminit, ut alios mittam. Græcè uero ex corio naues *Βυζομαγῆς* uocantur, quales & nos nonnullas uidimus à Gallis cōfectas, dum in Italia cum Venetis bellum gererent. Vitilia autem appellantur, quæcunq; ita lenta sunt, ut commodè in uolucrū

Recti possint, à uinciendo, ut quidam
 arbitrantur, appellata: unde & naues
 ipsæ nitiles sic dictæ, & uitiles uaginæ.
 Easdem & plicatiles idem Plinius di-
 cere uidetur, cum de Æthiopiæ nauib-
 us agit. Nanq; eas, inquit, plicatiles
 humeris transferunt, quoties ad cata-
 ractas uentum est. Plicatiles etiã apud
 Strabonem uertit Tiphernas Grego-
 rius, quæ *διὰ λυτὰ* græcè *πλοῖα* ille scripse-
 rat. Sutiles etiam naues ab antiquis fa-
 ctitatas, cum Homerus & Vergilius
 canunt, tum Plinius lib. xxiiij. lino
 confutas, non sparto testatur. Quo lo-
 co dubitat, cum Homerus ait, *καὶ σπάρ-
 τα δέλωται*: hoc est, ut ipse interpretat;
 & nauium sparta dissoluta, an de geni-
 sta intelligendum sit, de qua lineã pi-
 scatoriam apud Græcos fieri alio quo-
 dam loco ostendit. Super hac re tamẽ
 est Gellij ex Varrone disputatio: eõ
 enim tempore spartí usum non fuisse,
 præter hos, & Plinius nõ semel decla-
 rauit.

rauit. Atque ideo *σπάρτα*, id est, sata interpretantur. Ex cannabe nanque & lino quæ feruntur, Græci suas naues consuere soliti fuerāt. Vnde Verrius homo eruditissimus appellari existimauit hístrica & liburnica nauigia serilla, propterea quod lino & sparto cōserta essent. Meminit uero de serillis, bus ita in nuptijs Pacuuius: Nec ulla subtus cohibet & cōpageni aluei, sed suta lino & sparteis serilibus. Sextus tamen Pompeius funiculis interpretatur. Illud utique Homeri quod diximus, ita enarrat non indoctus Euripidis scholiastes, ut *σπάρτος* neutro & fœminino genere funē significare asseueret, ex quo & prouerbum illud doricum, cuius à magno Basilio fit mētio, *κὴ λίθον ποτὶ τὰν σπάρταν ἄγουσιν*: dirigēdum uidelicet lapidem ad filum. Vel, ut alij uerterūt, ad amussim, quod ita Chrysostomus in priore ad Corinth. epist. enūciat, *πρὸς τὴν σπάρτην ἔρ' λίθον ἄγει*. Nō

plura attinet me hoc loco de scirpo spartoq̄ afferre, cū de funib; agā reliqua dicemus. Naues insuper & scaphas testaceas factas in Ægypto, testis est Strabo, hoc est, ὀσπίκινα πλοῦμα. Matteas quoque; hoc est, iunceas & sparteas, & ex papyro legimus. Quin & ex libro papyri uela & tegetes factas noster prodidit Plinius, & Anæus canit Lucanus, ut pòst ostendemus. Theophrastus de hist. plantarū lib. iiii. Papyrus, inquit, ad plurima utilis; ex eo em̄ nauigia faciūt, & è libro uela tegetesq̄ texunt; funes insuper ac stragula, & uestes, atq̄ alia, quæ eadē uerba repetit Plinius lib. xii. qui & ait Antigonū regē eo in naualibus usum rebus, nondum in Syria sparto cōmunicato. Nunc demū hac nostra etiam tempestate compertum est à Lusitanis & Hispanis nautis, qui diuersas ac incognitas orbis partes nauigando lustrarunt, populos esse Indiç, qui nauibus

bus nullo ferramento compactis, sed palmarū folijs confutis utantur, quorum uela rotūda sint, & hæc etiam ex palmarum uimine contexta, quod genus nauium nunc iuncas appellant. Verum & apud antiquos ex uimine factas naues compertū habemus, quales à se factas prodit O. Cæsar in commentarijs, cum apud Iberdam fluuijs intercluderetur, quarum usum bello Britannico ipse percēperat. Idem & scribit poëta Lucantus in iij. suæ Pharsaliæ, cuius uersus apponam.

Primum (inquit) cana salix madefacto uimine, paruum

Texitur in puppim, caesoq; induta iuuenco,

Vectoris patiens tumidum superenatat annem.

Sic Venetus stagnante Pado, fusoq; Britannus

Nauigat oceano: sic cum tenet omnia Nilus

Conseritur bibula Memphis cymba papyro.

Sed quoniā miraculosa cōscribimus, addendum & hoc loco quod de arundinibus agens scribit Plinius, deq; earum panniculis. Aut enim, inquit, pro pluma strata cauponarum replet, aut

ubi limosiore callo induruit, sicut in Belgis contusa & interiecta nauium commissuris ferruminat, textus glutino tenacior, rimisque explendis fidelior pice. Hæc Plinius. Herodotus quoque in hunc propè modum: Babyloniorum, inquit, nauigia quæ per flumen commeant, orbiculata sunt omnia, atque coriacea, quæ pecuarij Armenij, qui supra Assyrios incolunt, ex cæsis salicibus faciunt instruuntque pellibus, nudo illarum extrinsecus posito in modum soli seu pavimenti: neque puppe discreta, neque prora acuminata, sed in specie clypei magis orbiculata. Tale nauigiū stipula refertū fluuio deferendum permittunt cum alijs rebus, tum uero dolijs è palmularū uino onustum, & cætera quæ in primo, hoc est, in Clio auctor ipse exequitur. Quo loco cum aliamalè, ut mihi quidè uidetur, tum illud Valla interpretaç, dolijs è palmularū uino: ita enim græcè Herodotus, *μάρσι-*

εα δὲ Βίκους φοινικίως κατὰ γασσι οἴνου πλείους: hoc
 est, præcipuè uero bicos palmaceos ui
 no plenos. Sunt autem bici inter uaso
 rum genera, ut planè in uasis retuli
 mus. Erant igitur bici, quæ Valla est
 dolia interpretatus, uasa ex palma cõ
 fecta, non uinum ex palma, nisi fortas
 sis ipse aliam lectionē habuerit. Nam
 non me præterit & uinum ex palmis
 confici solere, cum in India, tum alijs
 præterea regionibus, ipso uel Plinio
 non semel referente. Rotundas etiam
 naues Alexandrum Macedonem ha
 buisse ab Arriano proditum est in vi.
 hist. quas quidem naues minus quàm
 longas passas esse discrimen ait, ea Hy
 daspis fluminis parte qua cum Acesi
 ne coniungitur: propterea quod eo lo
 co maximi fiant aquarum uortices, ex
 multarum aquarum concurrentium
 collisione. Sed nos nostrū sequamur
 de nauium miraculis institutum. Scri
 bit Ethicus Hister scaphas uimine cõ

textas undiq; bitumine perlitas . Celebrat & portentosa nauigia Strabo patonas in Ægypto uiminibus contextas, de quibus suo loco agemus. Sede nim quod ex uiminib, salignis, alijsq; eiusmodi nauigia cōtexantur, etiam prouerbio inde ducto patere potest, quod est, *ὡς ἐν πλοῖς ἀναπνεύουσαι*: hoc est, in uimine nauigare, id est, in naue uiminibus contexta. Meminit Aristophanes & Lucianus, & Suidas . Est autē rhips uirgulti genus flexibile, uel salignum uimen, ad cōsuenda contexendaq; aptum nauigia . Vnde nos adulescentes in monosyllabis ita lusimus:

Et qui nauigiū connectit flexibilis rhips. Naucs etiam Indicas autores pleriq; tradunt ex arundinū internodijs, quę nōnunquam hominum XII. capaces perhibentur, quarum ad quatuor millia Semiramis reginā habuisse in expeditione cōtra Indos, proditū est. Quæ uero tradātur hoc tempore

Indorū nauigia, cum magnitudine penē incredibili, earūue structura, tum de glutine ad ea picāda cōfecto miraculosa, legito eos qui nō multo antea orbis itineraria cōscripserūt. Illud quoq; à Strab. tradit̄ de nauiculis, quas ille calaminas uocat schedias, hoc est, rates, quo loco de asphalto agit. Idem & Diodor. lib. suæ bibliothecæ undeuigesimo: Calamorū hic, inquit, fascibus homines per asphalti lacum nauigare ad effodiendum bitumen, idq; nō sine discrimine fieri. Vnde, inquit, duo ex uectoribus nauigant alligatis fascibus remis, & eorum tertius arcu & sagittis armatus ad hostes propulsandos intendit: itaq; securibus effosso bitumine, complent arūdineos fasces. Hanc rem pluribus ille enarrat. Ad hæc & naues ex testudinum conchis fieri solitas legimus, ab ijs in primis populis, qui, quod testudinibus uescantur, Chelonophagi uocati sunt, quarum nauium

etiã Plinius noster in nono meminit, qui & Germaniæ prædones ait naues ex singulis arboribus construxisse, triginta interdum hominũ capaces. Scribit et Liuius Gallos ex singulis arboribus cauasse. Deinde, inquit, & ipsi milites simul copia materiæ, simul facilitate operis inducti, alueos informes, nihil, dummodo innare aquæ, & capere onera possent, curantes raptim faciebant. Vocantur quidem huiusmodi nauigia monoxyla, de quibus agemus. Relatũ est à Plinio in Thylo maris rubri insula, ab Alexandri comitibus naues tali materia factas, quæ C C. annis & amplius perseuerarent: & si mergerẽtur, incorruptas manere. Idẽ scribit & Theophrastus, qui et hoc ait, easdem naues extra aquam diuturnas quidem esse, sed nõ tantundem. Suionum, qui Germaniæ populi sunt, naues hoc modo describit Cor. Tacitus: Forma, inquit, nauium eo differt, quod

utrinq;

utrinque prora paratā semper appulsui frontē agit, nec uelis ministratur, nec remos in ordinē lateribus adiungunt, solutum, ut in quibusdam fluminum, & mutabile, ut res poscit, hinc uel illinc remigium. Hæc Tacitus. Fuerūt & naues quædam turritæ, quæ machinationibus quibusdam in maritimas urbes arcesque armatos milites inferre solebant. His autē in naualibus prælijs usi sunt antiqui, quas describit Heron in libro de machinis bellicis, & Athenæus antiquissimus earum machinarum scriptor, in libro quem ad M. Marcellum dedit, earumque nauium unā cum descriptione schematicum effingunt. Sunt & apud Vegetiū Renatum, sed non tales, & ab illis ualde dissimiles. De turritis huiusmodi nauibus extat & apud historicos nō modo mentio, sed & apud poëtas. Cæsar in iij. bellorum ciuiliū, naues, ait, in quibus ad librā fecerat turretes. Plinius

lib. xxxij. cum de echencide agit. Sed armatae, inquit, classes imponunt sibi turrium propugnacula. Vergilius de Aetiaca pugna: Credas innare reuulsas Cycladas, aut montes cōcurrere montibus altos; Tanta mole uiri turritis puppibus instant. Dion historicus eadem de re: Hi quidē inquit, turres & armamēta in mare proiecerunt. Appianus Alexandreus de bello ciuili: Et turres, inquit, in nauib. habebant, & ad prorā & ad puppim. Certe & Pollux quoq; in descriptione rerum nauticarum, & turres & turriculas commemorat, ut suo loco ostendemus. atque de his haecenus. Nunc ad sacra nauigia accedemus.

De nauigijs sacris, deque Saturni, & caelesti nonnihil, quodq; in sepulchris etiam in scalptis naues, & quod crux Christi in re nautica sit.

Caput VIII.



Ed nec illud tibi praetereundum, quod & in sacris nauium usus apud antiquos fuit, uarietq;

uarietate & ad superstitionem usque, afferimus in primisque quod de naui Ægyptia legimus, quam *Βάρη* illi & *ἑπιβαλλεῶν* nuncupant, licet in Diodoro perperam nomina hæclegantur. Fuit autem baris nauigij genus, quod Isidi sacerdotes quotannis dicabant. Nam cum mare uerna temperie tranquillū esset, Charon (sic enim nauis portitorē uocant) per paludem Acherusiam transfuebat, obolum, quem danacem Græci uocant, à uectoribus accipiens, unde est à Vergilio & Apuleio aliisque imitatio sumpta: quam rem in sepulchralibus diligentius tractauimus. Herodotus quoque autor est bares ab Ægyptiis naues appellatas, quæ ex spino & iunco sint circumfutæ, quas & describit. Isidis etiã nauē Lactānius Firmianus in primo sic celebrat: Certus, inquit, dies habetur in fastis, quò Isidis nauigiū celebratur: is uero dies in mense Martio cōmemoratur, ut ex uetusta mensium

ratione collegimus, in eo quem de annis & mensibus libro composuimus. Huius navis Lucianus in dialogo cui est titulus *πλοῖον ἢ ὄρχαι*, meminit. At simul ipsa, inquit, puppis paulatim affurgit inflexa, aureo chenisco imposito, e regione uero proportionē quadā prora in longum producta eminet, habens hinc inde signum deæ Isidis nauis cognomētum. Eiusdem meminit Apuleius in hunc propè modum, inueniens & ipse hunc mensis Martij diē, quem modo diximus, quo nauigabile sedatis tempestatibus fit mare, quā de re mox planius. Apul. ergo: Diem, ait, qui dies ex ista nocte nascetur, æterna mihi nuncupauit religio, quo sedatis hybernīs tempestatibus, & lenitis maris procellosis fluctibus, nauigabili iam pelago rudem dedicantes carinam, primitias commeatus libant mei sacerdotes. Idem ibidē, inquit, simulachris rite dispositis, nauem faberrimē factam,

factam, picturis miris Ægyptiorū circumseptus uariiegatam, summus sacerdos teda lucida, & ouo & sulphure sollemnissimas preces de casto præfatus ore, quàm purissimè purificatā deæ nūcupauit dedicauitq̃, & cætera. Meminit & huius Isidis nauis Placiades Fulgētius in mythologico his uerbis: Europam Iupiter in tauro rapuisse fertur, hoc est, in naue tauri picturam habente, & Isidem in uacca similiter nauim huiusmodi picturę: deniq̃ ut hoc certius esse cognoscas, nauigiū Isidis Ægyptus colit. Solis præterea imaginem, ut Porphyrius scribit, theologi Ægyptiorū in nauī collocabant, quæ crocodilo ferebatur, id scilicet significantes, ut per nauim motum in humido, per crocodilum potabilem aquā, in qua solem ferri contendunt, intelligerent. Sed hæc mittamus. Athenienses & ipsi nauē sacrā habebant, quam Thesei fuisse credebāt, & quotannis

in Delon insulam mittere solebāt, atq; ideo Deliam uocabant : eam Suidas aliq; theorida appellāt, quæ quo tempore Delum mittebatur, nullus interca capitali supplicio afficiebat, donec ea redisset: qua causa factū est, ut diutius in carcere Socrates sit detentus, ut Plato in Phædone & Suidas tradunt. Hanc eandem nauem celebrat Pausanias, nullamq; illi similem scribit fuisse. Laudat & quam in Panathenæorū pompā idem Athenienses habebant seruatā in Areopago. Vlpianus Demosthenis enarrator duas Atheniensium sacras naues ait fuisse, Salaminia uidelicet & Deliam uocatam, & Paralon, quæ ad ea tantum quæ ad religionem pertinebant ferenda mittebatur, de qua suo loco agemus. Hac eadem, quam Salaminiam diximus, usi sunt Athenienses ad eos uehendos qui in iudicium citabantur. Hanc ad Alcibiaden agendum missam prodidit Thucydides.

cydides. Hinc & prouerbum factum, Salaminia nauis, in eos qui summa celeritate aliquid conficiunt. Meminit triremis Salaminiae Plutarchus in Pericle, ut eius in qua ultimum esset praesidium, idem etiam Critolai astruit auctoritate. Scribit idem Vlpianus alias tres naues ab eiusdem Atheniensibus factas, Antigonida, Ptolemaida, & Ammoniada. Plutarchus uero quam Thesei nauem antea diximus, ait usque ad Demetrii Phalerei tempora ab Atheniensibus conseruatam, eique senescenti uetera subinde ligna ablata, & robusta & ualida adiecta fuisse. Narrat & Triptolemi nauis à Philochoro. Longa, inquit, nauis Triptolemium ad urbem accedentem frumenta distribuisse, & ob id suspicionem dedisse quod nauis esset eius serpens pennatus, unde est poetarum figmentum. Fuit & theoris sacra Lemniorum, qua Lemnus ipsa quotannis expiabatur ob sceleratum fa-

cinus in uiros cōmissum à mulieribus, & in nonum diem ignis qui in ea erat extinguebat, delatus ex insula Delo: & si priusquam insula expiata esset accessisset, nulli insulæ regioni appellebat, sed suspendebatur, donec fas esset adnauigare, quo tempore terrestres deos & arcanos inuocabant, ignemq̃ qui in naui fuerat custodiebant. Cum autem nauis accessisset, ignem distribuebant, omniaq̃ sua in melius mutabant, reliquaq̃ peragebāt, quæ Philostratus in heroicis exequitur. Suidas tamen, ut antè dixi, Deliam nauē hoc nomine *θεωπις* nuncupare uidetur. Romani præterea usque adeo Saturni nauim, qua ad Italiam delatus est, colere, ut ea nummos signarent. Hinc Lactantius, Saturnum, inquit, errantem atq̃ inopem Ianus excepit, cuius rei argumenta sunt nummi ueteres, in quibus est cum duplici fronte Ianus, & in altera parte nauis, sicut poëta Ouidius canit:

canit: At bona posteritas puppin
 formauit in gre, Hospitis aduentum
 testificata dei. Idem & Plutarchus,
 & Plinius, & Probus in Persium. Et
 Macrobius in primo Sat. his uerbis:
 Hicigitur Ianus cum Saturnum classe
 peruectum excepisset hospitio, & ab
 eo edoctus peritiã ruris, ferum illum
 & rudem, ante fruges cognitã, uictũ
 in melius redegisset, regni eum socie-
 tate munerauit. Cum primus quoque
 æra signaret, seruauit & in hoc Satur-
 ni reuerentiam, ut quoniã ille nauis fue-
 rat aduectus, ex una quidem parte sui
 capitis effigies, ex altera uero nauis ex-
 primeret, quo Saturni memoriã etiam
 in posteros propagaret. Æs ita fuisse si-
 gnatũ, hodieq; intelligit, in alegg lusum,
 cum pueri denarios in sublime iactan-
 tes, capita aut nauim, lusũ teste uetu-
 statis, exclamãt. Et hæc quidẽ Macro-
 bius, alijsq;. Extant uetusta huiuscemo-
 di nomismata pleraque rudibus im.

pressa imaginibus. Iidem Romani, auctore Sexto Pomp. & Plinio, trientes ac quadrātes rate signare soliti fuerūt, unde & raticī nominati sunt: asses uero naue. Ne hoc præterierim, sepulchra etiam nonnunquam nauibus insculpta fuisse, ut est apud Philostratū in hist. Tyanei Apollonij. Cum enim Erythræos quosdam Cissiam Mediæ regionem habitare tradat, subiungit, sepulchra etiā Græcis literis inscripta, & nauibus insculpta fuisse, ut quisque eam artem exercuisset. At uero quod in sepulchris quam quisq; artē in manus haberet, effingeretur, ne in renota laborem, sit satis Vergiliū attulisse, qui de sepulchro Miseni ita canit in vi.

At pius Aëneas ingenti mole sepulchrum
 Imposuit, suaq; arma uiro, re
 mumq; tubamq; Monte sub aërio.
 &c. ne tibi grāmaticos, tótue nunc
 marmora sepulchrorū nostratium &
 peregrinorum commemorem: sed &

ipse

ipse in sepulchralibus aliàs plura. At uero nec cœlũ ipsum nauigijs uacat: quippe opinio est, Argo in cœleste sy-
 dus conuersam, unde & Flaccus cecinit: Et ituram in sydera puppim.
 quam & loquacem, ut diximus, & fatidicam poëtæ uocant. Huius quidem nauis effigies nō integra inter astra cer-
 nitur: à puppi enim usq; ad malum di-
 uisa est, hominib. uidelicet significans,
 ne fractis nauibus nauigantes penitus desperent, deinceps etiam sperādum.
 Lucere uero XXIII. stellarum splendore Higinius putat, alij XXVI. Sed de hac cœlesti naue Aratus & expōsi-
 tores, astrologiq; scriptores plura: nos ideo satis superq;, id tantũ tibi afferen-
 tes, quod in libro de Iside & Osiri Plu-
 tarchus scribit, nauim hanc cœlestem ab Ægyptijs, non Iasonis, sed Osiridis uocatã. Est & apud T. Liuium inter prodigia secundi belli Punici, nauium speciem de cœlo affulsisse. Nec id te la

teat uelim, morem Romanis fuisse sacrum expiandi ac purgandi classem, cum quid aduersi uel p̄elio, uel tempestate clasi accidisset, aut immineret, id quod Appianus Alexandrinus libro bel. ciuil. v. hoc fermè modo declarat: In littore, inquit, maris altaria posita marinis undis alluuntur, omnisq̄ circumstat multitudo de nauibus linguis fauens: tum sacerdotes in mari stantes sacra faciunt, terq̄ per classem scaphis circumuecti sacra piamina ferunt, ducibus unà annauigantibus, ipsaq̄ piamina attollētib. ut ab exercitu totaq̄ classe infelicia cuncta auectātur depellanturq̄. Diuidētes deinde ea, partem in mare porriciunt, partē altarib. impositā flammis adolent, ac protinus multitudo omnis ea benedicit, & bene precatur. Sic Romani classem expiare & purgare soliti. Hæc fermè ille. Quam religionem & poëta secutus Maro.

Sed age, nūquid fas minus fuerit homini

mini Christiano de re nautica agēti illud adscribere, quod à uiro sanctissimo Ambrosio est traditū; in re uidelicet nautica crucis signū inueniri, quo à labe primorū parentū omne genus humanum expiatū est. Ambrosij hæc sunt uerba ex oratione de cruce secunda. Grāde ergo, inquit, crucis est sacramentum, & si intelligamus, per hoc signum etiā mundus ipse saluatur: nam cum à nautis scinditur mare, prius ab ipsis arbor erigitur, uelum distendit, ut cruce domini facta, aquarum fluenta rumpantur, & hoc dominico securi signo portū salutis petunt, periculum mortis euadūt: figura enim sacramenti quædam est, uelum suspensum in arbore. Hęc quidem diuus Ambrosius. Eadem penè à Septimio Tertulliano in libro aduersus Marcionem scribuntur: Nam, inquit, & in antenna, quæ crucis pars est, extremitates cornua uocantur, unicornis autem medius sti

pitis palus &c. quæ ille ait. Nos iam
ad nauium tutelâs & picturas acceda-
mus, missam hoc loco facientes penè
nunc fluctibus obrutâ Petri cymbâ.

Nauium tutelæ deis attributæ, quæ navi-
gationi sydera secunda, quæue aduersa, deçy
pictura & rubrica nauium, & de augurijs.

Caput I X.



Navigationis & nauium tute-
lam suis numinibus gētes at-
tribuebāt, unde illud Poëtæ:

Et aurato fulgebat Apolline pupis.
Et illud Nasonis: Est mihi, sitq; pre-
cor flauæ tutela Mineruæ. Nauis, &
à picta casside nomē habet. Itē Per-
sius: Et unâ Ingentes de puppe dei.
Et alius: Tritonia nauis, quod eius Pal-
las esset præses. Alij Neptuno, alij Ne-
reo, alij Palæmoni nymphisq; attribue-
runt. Nota nauis illa Alexandrina in
Actis apost. cui erat insigne Castorū.
Sed illud obseruādum, quod felix Ca-
storum navigationi sydus antiqui exi-
stima-

stimauere, quos πολυθευκία Græci uocant, & ἀνέμων & ἀνέμωνες, & cum afflatu ἐνάχες, quod tempestates è sublimi propellant, πρὸς τὸ ἄνω ἡέκας, ἢ ἔχω. Vel ut Suidas ait & grāmatici, πρὸς τὸ ἀγείρω ἀγακοί, uti est ἀφυλάεω φυλακοί. Alij alias horū nominū interpretationes afferūt, quas aliàs commodius retulimus, & in Numā Plutarchus recenset. Ab his utiq; celebritas illa quæ τὰ ἀνέμια dicebatur, quasi depulsoria dicas. Scribit Annæus Seneca in natural. quæst. libro primo de Castore & Polluce; Argumentum, inquit, tempestatis nautæ putāt, cum multæ transuolant stellæ: quod si signum uentorum est, ibi uenti sunt, id est, in aëre, qui medius inter lunam & terram est. In magna tempestate apparent quasi stellæ uelo insidentes, adiuuari se tunc periclitantes existimant Pollucis & Castoris numine. Causa autem melioris spei est, quod iam apparet frangi tempestatem & desinere

uentos. Hęc quidē Seneca. At Plinius
 ij. nat. hist. libro : Vidi, inquit, in no-
 cturnis militum uigilijs inhærere pilis
 pro uallo fulgurum effigies, eæ & an-
 tennis nauigantium alijsq; nauium par-
 tibus, ceu uocali quodam sono, infi-
 stunt, ut uolucres sedē ex sede mutan-
 tes. Graues cum solitarię uenere, mer-
 gentesq; nauigia: & si in carię ima de-
 ciderint, exurentes. Geminæ autem sa-
 lutares, & prosperi cursus prænuncię:
 quarum aduētū fugari diram illam ac
 minacē appellatamq; Helenam ferūt:
 & ob id Polluci & Castori id numen
 assignāt, eosq; in mari deos inuocant.
 Hęc Plinius. Xenophanes Colopho-
 nius huiusmodi splēdores naturales,
 ut etiam Seneca existimauit, non stel-
 las, sed uideri ait, esse autem paruulas
 nubes, quæ nescio quo modo splende-
 scant. Metrodorus uero & ipse splē-
 dorem esse dixit spectantium oculorū
 cum timore & percussione quadam.

Sedenim & hoc tempore hoc luminis
 uel splendoris nautis etiam apparere
 tempestatis deprensas audiuius in-
 ter procellas, quo cōspecto incipiunt
 nauē bene sperare, idēq; uel diuo Nico-
 lao, uel diuæ Hermig, uel alij ccelitum
 adscribere consueuere, diuinum id ra-
 ti auxiliantis numinis p̄sagium. Sed
 utcunq; hoc, Fulgētius tamen quod
 de Castorum sydere diximus, secus ac
 alij existimare uidetur: nam eos peri-
 culum creare ait, non eruere. Artemi-
 dorus quoq; libro ij. Onirocriticō:
 In somnijs, inquit, Dioscuros (sic em̄
 Castores Græci uocāt) nauigantibus
 hyemes ac tēpestates significare, quæ
 citò tamen in melius mutantur: nam
 σωτήρες, hoc est, seruatores dei sunt. Scri-
 bit & Porphyrius in Horatiij carmi-
 nē. Constat autem, inquit, hodie inter
 nautas Castoris & Pollucis stellas ple-
 runq; nauibus infestas esse. At uero il-
 lam quam Plinius diram & minacem

Helenam uocat, Statius Papinius illo carmine innuit, cum canit in Thebaide: Cum iam damnata fororis Igne therapnæi fugerunt carbasa fratres.

Quo loco Lactantius grammaticus Helenam Vraniam uocari ait: cui quidem tanta uis inest incēdij, ut malum & nauis ima pertundat, ut etiam si æs sit eius calore soluat. Ergo si hæc stella naui infederit, sciunt se nauæ sine dubio perituros. Hactenus Lactantius seu Lutatius, ut uocatur ab aliquibus. Meminit & huius stellæ Solinus his uerbis agēs de muliebri mēstruo. Habet, inquit, planè id salutare solum in se, quod auertit sydus Helenæ perniciosissimum nauigantibus. Nec illud hoc loco de typhone, id est, uortice, ut interpretat Plinius, reticuerim, qui præcipua nauigantium pestis est, non antemnas modo, uerum ipsa nauigia contorquens rapida uertigine frangit, tenue illi remedium, acetū in adue-

aduenientem effusum. Reliqua de typhone Plinius in secundo, qui etiam typhonis nomine cometæ speciem uocat uisam Æthiopiæ & Ægypto, à regis nomine sic nuncupatam. Sunt qui coralia typhonibus remedio esse prodant. Sed de typhone, hoc est uortice, & alia in Meteoris Aristoteles, & in lib. de mundo ad Alexandrū, si modo is est legitimus Aristotelis liber, ut uideo plerosque dubitare. Typhonum meminit & Gellius cap. primo xix. libri his uerbis: Qui turbines etiam crebriores, & cœlum atrum, & fumigantes globi, & figuræ quædam nubium metuendæ, quas *τυφῶνας* uocabant, impendere imminereq̄, ac depressurę nauem uidebantur. Meminit & in xvij. Marcellinus. Alia sunt & multo plura quæ de Typhone à Græcis scribuntur. Mythica enim physicis coniungere, multaq̄ de centum capitū Gigante ab Ioue fulminato cum scribant, tum

& subiungunt inter cætera, procello-
 fos quoque uentos typhonas uocant,
 quibus nigrum agnum iugulari præ-
 cipiūt (unde etiã fortè Vergilius: Ni-
 gram hyemi pecudem.) ut is spiritus
 desinat: & hoc in Æschylum referūt.
 Quare cum de typhonib. apud Græ-
 cos tam multa legantur, miror in com-
 mentarijs in Aratum, qui Theoni ad-
 scribuntur, cum de tempestatū signis
 ageret, mendum pertinax irreplisse,
 cum de typhonib. mentio, & quidem
 locuples fiat, *σιφωνας* semper legi pro
τυφῶνας. A typhonē quidem typhoni-
 cum uentum Lucas in Actis apost.
 dixit, qui uocatur *εὐροκλίδας*, quem lati-
 nus interpretis uertit Euroaquilo. Por-
 rò nec illud te lateat uolo, Apollinē di-
 uersis cognominibus nūcupatum ex
 re nautica fuisse: nam *εμβασις* dictus
 est ab ingressu, cui Iason cum nauem
 esset cōscensurus rem sacram fecit, ut
 plurib. in primo cecinit Apollonius.
 Idem

Idem quod & in littore coleretur, ἐκ-
 νη & ἐπὶ ἀκτῆσι, hoc est, littoralis dictus
 est. Eidem quoque cum è naui exirent
 sacrificabant, qua ex re ἐκβασις est co-
 gnominatus, ut idem docet Apollo-
 nius. Nam cum Argonautè è naui de-
 scendissent apud Cium Mysiæ urbē,
 & Arganthonium montem, ut neces-
 saria nauigationi è continenti accipe-
 rent, cibaria, oues, uina, ligna &c. ἐκβα-
 σίω Apollini, hoc est, egressori rem sa-
 cram fecerunt. Sed & à deorum nomi-
 nibus, in quorū tutela nauigia essent,
 plerunq; nuncupabātur, quiq; in illis
 depicti essent, ut est illud Ouidij:

Est mihi, sitq; precor &c. Item illud,

Pictos uerberat unda deos. Que
 res cum notissima sit, non est cur alio-
 rum autoritatibus cōprobem. Nam
 & quod uarijs picturarū imaginibus
 pingerentur, clarissimum est, unde &
 fabulandi multiplex poëtis est occasio
 præstita, ueluti Europæi tauri, & ut

nō do dicebamus, Iſiacæ uaccæ, Dæ-
daleiꝫ uolatus . Et ſi uſu etiam indiēs
id fieri cernimus, plurimorumꝫ auto-
ritate eſt notum, unius tamen Valer.
Flacci ex primo Argonauticōn ſuper
hac re carmina, ne rem penitus omiſiſ-
ſe uideamur, citabimus : is em̄ ubi Ar-
go arte Palladia fabricatam ceciniffet,
ita mox de eius pīctura ſubiunxit :

*Conſtitit ut longo moles non peruia ponto
Puppis, & ut tenues ſubiēre latentia ceræ
Lumina, pīcturæ uarios ſuperaddit honores:
Hic ſperata ſedens Tyrribeni tergore piſcis
Peleos in thalamum uehitur Thetis, æquora Delphin
Corripuit, ſilet hæc deiecta in lumina palla,
Nec Ioue maiorem naſci ſuſpirat Achillem.
Hanc Panope, Dotoꝫ ſoror, iaſtataꝫ; fluctu
Proſequitur nudis pariter Galatea lacertis,
Antra petens Siculo reuocat de littore Cyclops.
Contra ignis, uiridꝫ; torus de fronde, dapesꝫ;
Vinaꝫ; & æquoreos inter cum coniuge diuos
Accidet, pulſatꝫ; chelyn poſt pocula Chiron.
Parte alia Pholoē, multoꝫ; inſanus Iaccho
Rhoetus, & Athracia ſubita de uirgine pugna,
Crateres menſæꝫ; uolant, aræꝫ; deorum,
Poculaꝫ; inſignis ueterum labor, optimus haſta*

Hic Pelcus, hic ense furens agnoscitur Aeson.

Fert grauis inuito uictorem Nestora tergo

Monycus, ardenti peragit clarus Antora querqu,

Nigro Nefus e quo fugit, accliuisq; tapetis

In medijs uacuo condit caput Hippasus auro.

Hæc quanquam miranda uiris stupet Aesone natus.

Atq; hæc tenus quidem Flaccus. Sed quoniam de pictura nauium egimus, non incongruum quoq; , ut quod ab Herodoto scribitur & Plinio, hic tibi subnotemus. Naues, inquit illè, ueteri instituto solere rubricâ depingi, notissimum est. Plinius uero: lam enim, inquit, Troianis temporibus rubrica in honore erat, Homero teste, qui naues ea commendat, hoc est, *μυλτοπυρίαις*. Idem & in ix. Odysseæ ipsius poëtæ cõmentatorès, idem & Suidas prodiderunt. Certe & oraculum, ut scribit Herodotus, delphicum Siphnios ita elusit, cum eis cauendum cecinit ab agmine è ligno legatoq; rubenti. Quod utique oraculum non antè Siphniæ intellexerunt, quàm fusi fugatiq; à Samiis

exulibus fuissent, qui ad eos naue rubricata peruenerunt. Lege tertiū hist. Herodoti. Antiquitas in super excogitauit eam rationem pingendarum classium, ut eis neq; sol, neq; sal, uentusq; noceret. Hanc breuissimē Plin. xxxv. nat. hist. attigit, ita enim scribit: In encaustice pingendi duo fuisse antiquitus genera constat, cæra & ebore, cestro, id est, uiriculo, donec classes pingi cœpere. Hoc tertium accessit resolutis igni cæris penicillo utendi, quæ pictura in nauibus nec ole, nec sale, uentisq; corrūpitur. quæ Pliniana uerba exponuntur à Perotto in cōmentarijs Cornucop, & ab Herm. Barbaro in castigationibus; atq; idcirco ego ea nuda retuli. Meminit & eiusdē uoluminis alio loco idem Plinius, cum ait, Cerussa cære tingunt̃ iisdem colorib;. ad eas picturas, quæ inuruntur alieno parietibus genere, sed classibus familiarī; iam uero & onerarijs nauibus

(quo-

(quoniam & pericula expingimus) ne quis miretur & rogos pingi. Iuuat quoque pugnatorios ad mortem, aut certe cædem speciosè uehi, quibus omnibus Amæi Senecæ uerba ex libro de beneficijs septimo, quàm à castigatōribus, melius intelligent. Nam cum Seneca ita scribat: Cui triremes & cæratas non mitterem, lusorias, & cubicularias, & alia ludibria regum in mari lasciuentium mittam: Quo loco doctis. sanè castigatōr pro cæratīs, gratis, reposuit. Quod uero cæra naues pingerentur, præter suprâ dicta Plinij uerba id palàm testantia, & Pollux innuit in primo. Hoc picturæ genus *κροτογραφία* à Græcis dicitur, ut est apud Callixenum & Athenæum. Et poëtarum quoq; frequens autoritas hoc idem ostēdit, ut cuius modo uersus adscripsi Val. Flacci. Et in tenues subiere latentia cærae lumina, Picturæ uarios superaddit honores. Non me fugit

à semitarijs grammaticis exponi sole-
 re cæram pro pice : quod congruè an-
 aliquando possit , nunc non statuo .
 Sed quod pice naues illinātur , notius
 est quàm ut expositione indigeat. Sa-
 nè ab ijs qui Indica perscripsere prodi-
 tum est, naues & quidem onerarias,
 & ingentes ac portentosæ propè ma-
 gnitudinis, ad conuehenda mercimo-
 nia ab Indis construi, quæ non pice,
 sed quodam ab ipsis confecto bitumi-
 ne illinuntur, quod maiorē quàm pix
 firmitatē præstet nauigijs . Illud sic
 conficere accepimus: Canabum minu-
 tissimè terunt, dein calcem atq; oleum
 cuiusdam arboris, quantum sat est, ac-
 cipiunt, miscēt, & eousq; tundunt quo
 ad lentorem uisco similem contrahit,
 atq; ita tum demū eo utuntur, nauesq;
 illinunt. Sed iam de cæra & pictura na-
 uiū satis, ut puto. Nūciure illud quoq;
 in re nautica obseruandum, quod ad
 auguria pertinet, quæ ornithogonia
 dicitur,

uila que
 ab his panis
 vocatur

dicitur, in qua inter alia nautis expetita auguria cygni laudantur, ex qua disciplina Vergilius poëta finxisse creditur: Aspice bisfenos letantes agmine cygnos. & quę sequuntur reliqua. Versus uero ex ipsa ornithogonia hi sunt: Cygnus in augurijs nautis gratissimus ales, Hunc optant semper, quia nunquam mergitur undis. Eadem de anseribus à Græcis traduntur, unde & cheniscus nauibus additur, de quo suo loco dicemus. Sunt qui tradant Vergilium cygnos in carmen induxisse, ut Æneæ augurium facerent, quoniã unã cum columbis Veneri dicatos putarunt antiqui. Ab augurijs certe bonis & secundis, secundam etiã Latini nauigationem & prosperam dicere consueuerunt. At nõ sic Græci, quippe qui *δ'ἀντιφρον πλοῦν*, Pausania & Eustathio testibus, dicant, cum nõ uento agitur nauis, sed remorũ conatu: atque ea causa cũ laboriose aliquid moliant,

διδίτερον πλοῦν, hoc est, secundā nauigationem prouerbio dicunt. Et è contrario *δὲ οὐείας πλοῦν*, cum ex uoto & animi sententia res succedunt: & ut illa secunda nauigatio uocatur, ita hæc prima dici solet, quæ tamen ab augurali disciplina quidam deducere conati sunt. Sed his missis ad huiuscemodi reliqua pergamus.

Quatenus astrologis in re nautica credendum, & prognosticis, & de nauigationis tempore, & Veneris stella Troianæ nauigationis duce, alijsq̃. Caput x.



Astrologi præterea magnā sibi in re nautica, ut alijs omnibus in rebus, partem uendicant, atq̃ ex Saturno in primis, & Orionem, et Arcturo, & Pleiadibus, & Chædis, & Helena, alijsq̃ signis futuras tempestates prænunciant, quos ut mendaces & falsiloquos uterq̃ Picus conuincere nititur. Nō enim, aiunt, ex Ioue, Saturno, Venere, Marte, Mercurio præuident tempestates, sed de nube, deuen-

de uētis, de omni aëris cōditione: atq; eorū hęc solers disciplina experientis ubiq; cōfirmata. Reliqua quę ab ijs scribuntur hoc loco missa sūt, teq; ad ipsorum uolumina relego: illius cōtra astrologos, huius de rerum prænotione. At sicut illa damnant, ita quę prognostica uocātur à Gręcis, & à nostris pręlagia ac signa, nō impugnari à bonis uidemus, quando ea præcipue ex aëris qualitate, non ex astrorum ortu, uel occasu, traiectū ue fieri appareant. Traduntur uero ea ab Hesiodo, Arato, utriusq; interpretibus, tum à Vergilio, Lucano, Plinio, Varrone, Columella, Constantino, Vegetio, alijsq; scriptorib. tum rei rusticę, tum rei militaris, ut nunc mittā philosophos qui meteora, & naturales astrologos qui ea prodiderūt. Illud certe non prætercundum, stata esse nauigationis tempora, quę tum in temporum & anni, tum in aëris dispositione referunt, quę

uulgares nauæ, & agricolæ etiam norunt; siquidem ea habentur circa autumnale æquinoctium, & uernum, ita ut ab hoc aperiri, ab illo claudi mare dicatur. Placet quæ Hesiodus pluribus uersibus in *opys* scripsit breuissimè hic afferre. Post solstitium æstiuū, ait; per quinquaginta dies optima nauigatio, quando spirant etesiæ, & uernæ cum ficus folium iam ceperit cornicis pedi par esse. In quibus uerbis Proclus obseruat, per æstatem & æstus medios non satis tutam esse nauigationem, id & experientia ipsa cernimus. Plinius uero inquit, Ver aperit nauigantibus maria, quæ hyberno tempore hyemant, & tempestatum sæuitiâ concluduntur. Sic etiam L. Apuleius, ut antè scripsimus, significat, die scilicet qui nauigio Isidis sacer est, quando mense Martio mare ipsum aperitur. Existimauit quo loco, uir sanè doctissimus Apulei interpres, hilaria eodie

die designari, Apulei uerbis hallucinatus. Hæc uero breuissime collegimus, qui sine risu meminisse non possumus, quæ ijdem astronomi confingunt, sub ariete nautas gigni & helcyarios, nauiumq; fabricatores, & eiusmodi genus opificum, ac si nulli sub ariete nascantur ijs in regionibus ubi nullus est nauigiorum usus: & si ijdem id afferant, & domos naues esse. Sed hæc ridicula nimis, ut miranda illa quæ Plinius in VI. de Taprobane agens prodit. Syderum, inquit, in nauigando nulla obseruatio, Septentrio non cernitur, sed uolucres secum uehunt emittentes sæpius, meatumque earum terras petentium comitantur. Nec minus mirandū uisum est, quod à M. Varrone lib. rerum diuinarum secundo traditum, nauiganti Æneæ à Troia in Italiam ad agrum usque Laurentum, Veneris stellam semper illuxisse, eoque loco ulterius haud

uisam fuisse. Quam rem etiam multis in locis Vergiliū poëtam innuisse Seruio grammatico uidetur, quod tamē, ut ego minus credā, multa sunt in causa, atq; illud in primis, ne id minus miraculosum, quod in Euangelica historia de tribus Magis traditur, uideatur, qui stella duce ex orientis partibus ad Christum adorandum profecti sunt. Legimus tamen & similis stellæ ductu diui magni Antonij corpus inuentum, ut in nostris annalib. continetur.

De nauium membris ac partibus, tum Græcis tum Latinis nominib. Cap. xj.



Ed cum fortè tibi uideri possim nō accuratè modo, sed curiose etiam de rebus scripsisse quę circa rem nauticam sunt, nunc his missis ad nauium partes & membra nō minore cura deueniam: quæ ut diuersa, ita diuersis sunt nuncupata uocabulis, in primisq; à græcis scriptorib. Omnia uero, ut potero, breuissimè colligam,

gam, ne tibi scilicet legendo, & mihi sit
 scribendo negocium. Quam rem an-
 tequam aggrediar, Lucretij poëte uer-
 sus adscribam, quos pro re dignos iu-
 dicaui ut memoriæ mandarentur. Hi
 uero in secūdo rerū natura leguntur.

Sed quasi naufragijs magnis, uentisq; coortis

Disiectare solet magnum mare, transtra, carinas,

Antennas, proram, malos, tonsasq; natantes,

Per terrarum omnes oras fluitantia a plustrā:

Vt uideantur, & indicium mortalibus edant

Insidiæ maris insidias, uiresq; dolumq;

Vt uitare uelint, ne ullo tempore credant,

Subdola cum ridet placidi pellacia ponti.

Et quidem hæc Lucretius; ne græca,
 quod isti faciūt, plurimā inculcē, quæ
 Hesiodus in Georgicis, & epigrāmata
 afferā. Sed nos iam seorsum nauū par-
 tes describamus. Prior ergo nauis pars
 prora græca uoce dicitur, quæ etiā est
 a Latinis usurpata adeò, ut eorum ple-
 tiq; dictam existiment, quod prior sit,
 putantes uocem esse latinā. Verum
 & Herodianus & Theon tradūt, pro-

ra nūcupata est, quod reliquam nauis partē præcedat, quasi *πρώηρα*. Quidam *πρὸ τῆς πρύμνης*: sunt qui dictā existiment *ἐκ τοῦ πρόσρα*, hoc est, quod ex ea antè cer namus, & per crasin, *πρῶρα*. Qui prore præest, *πρωρεὺς* & proreta uocatur. Eius uaria apud antiquos forma fuit, nunc qualis esse debeat, à principio libri ostendimus. Puppis quæ & puppes, nauis pars est posterior, *πρύμνη* à Græcis dicta, unde *πρυνητες*, & *πρυνησιῦ* funis nauticus, ut cōmodius suo loco dicetur. Ab his potissimū nauis partibus prouerbiū ductū est, *prora & puppis*, cuius ad Tyronem M. Tullius meminit, quoties negocij alicuius summā significamus. Græci aliter efferūt, quæ à *prora & puppe* pereunt, hoc est, *τὰ ἐκ πρώρης, καὶ τὰ ἐκ πρύμνης ἀπόλλυται*, quod in malum frequentius dicitur. Est uero honestior in nauis locus puppis; qđ ibi sedeat gubernator clauo regens nauigiū. Innuit hoc nec semel in epistolis

lis Cicero, Sedebamus, inquit, in puppi clauumq; tenebamus. Idem ad Cornificium: Quamobrem mi Quinte cōscende nobiscū, & quidē ad puppim. Hinc & Græci mouere puppim usurpant, hoc est, τὴν πρὸν κινῆν. Meminit in Basilij monodia Greg. Nazianz. Prouerbiū est in eos qui iter retractāt iam cōceptum, ex nauigantium, ut ait, similitudinē, qui cū se ad iter aliud cōuertunt puppim agitant. Sanè & illud obseruandum est, puppim à Græcis interdum ab animalium cauda οὐραῖ appellari, quod cum alij tum Moscopulus annotauit, qui ait & à poëtis οὐρα uentum significare qui à puppi nauē impellit, & οὐραῖ κομῦνι uocari: & ὁ οὐράς πλῆν, qd est nauigare uento ad puppim flante: & quod paulò antè dicebamus, ὁ οὐράς πλῆν. Meminere præterea Libanius & Suidas. Eadem sententia Latini secundum uentum, & suū uentum, Cicero, Horatius & Ouidius di-

xere, Prosequitur surgens à puppi
uentus euntēs. Et hodie uulgò uen-
tum in puppi habere dicimus, cum ad
uota res succedunt. Porrò ab his dua-
bus nauis partibus nauis appellatur
ἀναμυρ & *καταμυρ*, ut est apud Calli-
xenum & Athengum de Philopatoris
naue. Extremum autem illud in quod
desinit prora, ab auiū similitudine ro-
strum uocatur, unde rostrata nauis, ut
inferius dicemus. Hinc & rostrata co-
rona, de qua Gellius lib. v. Naualis co-
rona est qua donari solet maritimo
prælio, qui primus in hostium nauem
ui armatus trāsiliuit, ea quasi nauium ro-
stris insignita est. Idem paulò post sub-
dit, quod ex auro fieri solebat. De hac
eadem apud Pliniū est illa in xvi. ex-
clamatio, cum de ciuica corona, id est,
querna ageret. Cedunt, inquit, & ro-
stratæ, quamuis duobus maxime ad
hoc æui celebres, M. Varrone è pirati-
cis bellis, dante magno Pōpeio, item

M. Agrip-

M. Agrippa, tribuente Cæsare è Siculo, quæ & ipsa piratica. Fuere antea rostra nauium tribunali præfixa foro decus, erant ueluti pop. Rom. ipsi corona imposita. Postquam uero tribunitijs seditionib. calcari ac pollui cœpit, postq̃ uires ex publico in priuatũ magis, singulisq̃ ciuium quæri, & sacro sancta omnia profana fecere, tum à pedibus eorum subiere in capita ciuium rostra. Dedit hanc Augustus coronã Agrippæ, sed ciuicã à genere humano accepit ipse. Hęc Pli. qui & lib. xxxiiij. ait notã aëris fuisse, ex altera parte lanũ geminũ, ex altera rostrũ nauis. Carina nauis est pars infima, *κάρπις* à Græcis uocatur, à facili cursu quasi currina dicta. Totius nauis compagem carinam quidam esse opinantur. Cæsar in primo bell. ciuil. Carinæ primũ ac statumina ex leui materia fiebãt, reliquũ corpus nauium uiminibus contextũ corijs in tegebatur. Capitur etiã carina pro in-

fima trabe qua nauis fundatur, ut est
 illud Ouidij: Dum mea puppis erat
 ualida fundata carina. Per tralatio-
 nem etiam putamina nucū bifida, ca-
 rinas Plin. uocat in xv. Carinari uer-
 bum antiqui dixere pro conuitiari, &
 calumniari. Carinatū uero inflexum
 & curuū, & carinatim à similitudine.
 Carinas quoq; M. Varro & P. Victor
 urbis Romæ locum esse tradidere, un-
 de & illud Vergilij, Raucis mugire
 carinis. Tametsi grammatici ædifi-
 cia interpretentur in modum carina-
 rum structa. Huius loci & historici me-
 minere. Fori spatia sunt in nauibus
 apertiora, alij latera concava interpre-
 tantur, à ferendo onera dicta. Vergil.
 Implesemq; foros flammis. Seruius
 Honoratus nauium tabulata exponit,
 ab eo quod incessus ferant. Idem tamē
 alio loco spatia esse ait in nauibus aper-
 ta, uelut in gladiatorijs ludis: nam &
 T. Liuius ait foros appellatos; ubi spe-
 ctacula

ctacula sibi quisq; faceret. Sextus quoque Pōpeius inter multa fororū significata: Fori, inquit, significant & circensia spectacula, ex quibus etiā minores forulos dicimus. Stega navis est proscenium, id est, tabulatum super quod nauæ ambulant. Alij locū navis connectum, & perinde etiam tuguriū, *ἡ δὲ ἐπὶ σίγῳ, τοῦτ' ἐστὶ σιγάσω.* Vtitur hac uoce apud Latinos in primis Plautus cum a libi, tum in Bacchidibus & Epid. Meminit & Fulgentius ad Chalcidiū, unde & tristega, quam & sic diuus Hieronymus trāstulit in libris Mosis. Agea in naui dicta est, quod in ea, ut putat Festus, quæq; res maxime agi soleat, quo uocabulo usus est Ennius. Multa foro ponent, agea q; longa repletur. Nonnulli eam uiā autumant, per quā ad remiges hortator accedit. Transtra sunt tabulæ in quibus remiges sedent, dicta, ut ab aliquib. traditur, quod in transuersum disposita sint. Vergilius:

Confidūt transtris. Vulgò banchi di-
 cuntur à nautis, & trasti. Poëte & iuga
 uocant. Idem Verg. in vi. Inde alias
 animas quæ per iuga longa sedebant,
 idē à Græcis sumptum, qui ζυγα à tran-
 stra uocant, ut statim dicemus. Festus
 tabulas nauium transtra appellari pu-
 tat. Porrò qđ diximus zyga à Græcis
 transtra appellari, ab ijs fiūt zygi remi-
 ges eiusdē transtri, & zygites qui sedet
 in media nauī. Hinc etiam, ut puto, zy-
 godesma, de quib. Pollux: Zygo-
 desma, inquit, dicunt, quib. iugū temoni
 cōiungit. Clauusaūt cui zygo-
 desmon inuoluit, hestor uocatur. De hestore
 Homerus in ix. Iliad. meminit, super
 quæ uerba uariā Græci tradunt, quæ
 non sunt nostri instituti. Columbaria
 in summis nauīū lateribus loca conca-
 ua esse grāmatici quidā scribūt, quod
 sint similia columbarū latibulis, in qui-
 bus nidificāt. meminit Festus. Priscia-
 nus uero, columbar, inquit, uinculi ge-

nus est, idēq; Plauti uersiculo ex Ruden-
te cōprobat: nam in columbari, inquit
collū haud multò post erit. Idē Festus
in nauali scriba. Plautus, inquit, nō e-
go te noui naualis scriba in columbari
impudens. Siue ait qđ in naui colūba-
ria appellabātur in quibus remigent,
siue quod columbariorū quæstus te-
merarius incertusq;. Porro Vitruui-
us in x. cum organa ad aquā haurien-
dam describit, columbaria uocat caua
seu foramina, per quæ aqua concepta
in tympano educitur: ita enim scribit,
secundum axem columbaria fiunt ex-
cauata in singulis spatijs. Et paulò post
subdit: Reddit eam, scilicet aquā per
colūbaria secundū axem. Echetlion lo-
cus est in naui, in quo pisces reponūt.
utitur Nicander in Theriacis. Quo lo-
co qui græce scholia scripserunt idem
affirmant: nisi quod & illud addunt,
quod ab aliquibus pro pisciū uiuario,
hoc est, ἰσθμῶς capit. Ego nauiculā esse.

puto clausam undiq; & obiectā, multis pertusam foraminibus, qua uiuos pisces cum alibi, tum hic Ferrariæ piscatores seruare cōsueuere, quo modo & apud Nicandrum intelligi potest. Clauus nauis est gubernaculum. Ennius: Vt clauum rectum teneam, nauemq; gubernē. M. Tullius in Fam. Sedebamus in puppi, clauumq; tenebamus, nunc autem uix est in sentina locus. F. Quintilianus uidetur clauū per translationem pro administratione posuisse in secūdo. Gubernator dicet notum illud dum clauū rectū teneam. Sed qualis esse debeat gubernator clauum tenens, legito argutā Senecæ sententiam libro epistolarū xij. Gubernacula etiā gubernata uocata ostendit Nonius, Lucillius lib. xx. satyrarū: Proras despoliate & detondete gubernata. Seruius grāmaticus clauum putat esse fustem gubernaculi, hoc est, lignum oblongum, quo flectit ac reflectit gubernator

nator nauim, anſa appellatur à Vitru-
 uio, ut protinus oſtendam. Diſtinxit
 & Cicero, ut cum pro Seſtio ait, clauū
 tanti imperij tenere, & gubernacula
 reipub. tractare. Exiſtimauit Poſſido-
 nius gubernaculum inuentum eſſe ex
 emplo à piſcibus ſumpto, qui cauda re-
 guntur, & leui eius in utrūq; momen-
 to uelocitatē ſuam flectunt. Idem ſcri-
 bit & Seneca. Clauus uero græce uoca-
 tur οἶαξ & οἰήτιον, totum uero gubernacu-
 lum πηδάλιον; antiquiores autem Græ-
 ci ἐφέλιον uocabant. Tranſiuit quidem
 in prouerbium πηδάλιον, de puris mi-
 nusq; ſordidis rebus, ἀγνότης πηδαλίου;
 hoc eſt gubernaculo caſtior. Meminit
 Suidas, qui ait ipſum ſemper in aqua
 eſſe, propterea q; minus ſordidū. Am-
 monius aliq; inter Græcos nonnulli
 differre tradūt πηδάλιον à πηθρίων, quod
 pedalion nauium, plethrion uero ra-
 tium: quidā & forma diminutiua πη-
 θάριον uocāt. Sed quod de οἶαξ dicimus,

Vitruuius ansam transtulit; ita enim scribit: Quemadmodum etiam naues onerariæ gubernator ansam gubernaculi tenens, qui *ἄναξ* à Græcis appellat̃. Thomas magistri *ἄναξ*, inquit, non modo ansam significare, sed & totum gubernaculū. Porrò hæ gubernaculi partes dicuntur, media *ἄναξ ἢ ῥίζα*, id est, pediculus uel radix, & *ἡ ἄναξ* uocat̃: extremitas *ἄναξ*, tu alam dicas: reliquum *ἄναξ*, id est, ceruix. Locus ubi gubernator reclinatur, enclīma dicitur, Sentina pars est inferior nauis, ubi sordes defluunt; atq; ideo quod ibi teter odor sentiatur, sunt qui dictā arbitrentur. Val, tamen Maximus lib. ij. cap. de discipl. militari, pro ipsis sordibus accepisse uidetur, cum ait, Hac turpi & erubescenda sentina uacuefactus exercitus noster. Per translationem enim & pro consortio malorum sumitur. Cic. pro leg. agr. hoc enim uerbo est usus, quasi de aliqua sentina, ac nō.

de opti-

de optimorū ciuium genere loqueretur. Idem in Catil. Siquidem hanc sentinam huius urbis eiēcerit. Frequens est & pulchra dicendi figura: unde & sentinare uerbū, quod satagere, & periculū uitare significat, ut est apud Festum. Cumbam quidam nuncupant, sed certē nauis locum denotat imum, quod scilicet aquis incūbat, quo fit ut opiner nūc uulgo à nauis columbam uocari. Quidam tamen dryōchon, de quo mox statim. Modium præterea in nauī appellant, cui malus insistit, uerū hæc nostris parum approbata. Hanc partem quę continet malū, Græci tum histodocen, tum histothecen uocant, quod scilicet *ισθ* contineat. Hanc partem *μεσθ* uocasse uidetur in primo Argonaut. Apollonius, *ισθ* tamen ab *ισπ* differre ait Ammonius. Histodoce quidem ubi malus inclinatur. Homerus: *ισθ δ' ισθ* πελασσε. Histopede uero locus cauus in medio na

uigij. Nōnulli quoq; *λινθία* uocant. Iō cum ubi malus imponit̄. Vnde & Artemidorus libro primo *ὀνειροκρίτικῶν ἰσοκράτῃαν*, pro antenna ponere uidetur, quod & alibi. Nauiū utiq; partes Græci diligentius tractant q̄ Latini, quando & minimis ij quibusque particulis sua indidere uocabula, quorum plurima hic ego tibi à prædictis subiūgam. *δρυόχ* igitur & *ῥόπις*, & *ῥοπίδιον*, & *σῆρα*, carina à Græcis uocatur: & dryochus quidem lignum est, in quo nauis carina configitur. Apollonius in primo:

Pallas cum primū dryochos immitteret Argūs. Quod uero carinæ est affixum, phalcis, inde lesbion, & chalcenes, & clitopodion. Id uero quod carinam terminat in proram, *πρόμβολος*, et *το πρόμβολον* nuncupatur, quod subtus est embolon; unde & nauis quæpiām uelocissima *ἔμβολος* uocata est, cuius Græcis frequens mentio, & nisi perperam legatur illud in primo codicis Iustinia

stiniani de sacros. eccles. quod etiam re-
 petitum est in xi. eiusdem. lubemus
 nullam nauem ultra duorum milium
 modiorū capacem ante felicem embo-
 lum, uel publicarū specierū &c. Hinc
 & *τριμβολον* apud Suidam instrumentū
 nauticū, quod scilicet facile iaci queat.
 Est & nauis species quæ sæpe impella-
 tur, dicta *τριμβολος*, quod hæc particula
τελες, pro augmento & magnitudine ca-
 piatur, non Græcis modo & Latinis,
 sed & uulgò Gallis. Vnde etiam triem-
 bolum pro uirili membro aliquando
 capitur, eadem ratione, quod in coitu
 frequētius impellatur inijciaturq̃. Ab
 embolo quoq̃ Nestoris nauis decem-
 bolon dicta est, ut est apud Æschylū.
 Sed & emboli alia significata colligit
 Hermolaus. Quod igitur medio pro-
 embolidis & emboli est, stera proprie
 dicitur. Sub embolo est delphis, cum
 nauis est delphinophoros: sed quid sit
 delphis, mox significabimus. Id quod

est inter embolon & proembolida, stolos uocatur & pericephalæa; tametsi *σείλος* etiã tam classem quàm nauis com meatũ cursũmque significat. Idio stolon tamen nauigiũ Athenæus uocat, quod sibi quis cõducit, lib. xij. Sequitur que ptychis & ophthalmus appellatur Poluci. Didymus uero *πυχη* esse ait, ubi oculi pinguntur, & nauis nomen inscribitur, quod & in cõmentarijs in Apollonium legitur. Acrostolion Theophilus uocat lignũ, quod esse ait erectum, modo in prora, modo in puppe, in quo nomen ipsum nauis sit inscriptũ: tametsi quidam pro nauis extremitate interpretati sunt. Et fori summitatẽ quidam rostran non cõmodẽ satis interpretantur. Sunt qui *ἀκρωτήρια*, & *ἀκροπόλια*, & *ἀκροκόρυμβαι* idem esse affirmant, ut in corymbis latius ostẽdemus. Scribit enim Theophilus *ἰκωπίδες* ligna esse, quæ tanquam auriculæ quedam utrinque neclantur in prora. Appianus de bello

bellō ciuili: Mox, inquit, naues ipsæ in-
 ter se concurrere: hæc quidem in obli-
 qua, illæ ad epotidas, aliæ in embolos.
 Idem & illum impetens ad epotida na-
 uem conquassauit. Maschala etiam ab
 Hesychio proræ pars uocatur, quæ ter
 thron (funis nautici hoc genus, ut o-
 stendemus) cōtinet, siue artemonem.
 Alij maschalam machinā esse tradūt,
 qua sarcinæ deponuntur in naues, uel
 eximuntur. Alij alia, quorū nōnulla à
 Suida referūtur in prouerbio Mascha-
 lam tollis, quæ ad nauigia non faciunt.
 Phalcidis autē quod utrinq; interius
 est, epholcis & rhinoteria uocātur: un-
 de & holcas nauis nuncupat, quæ post
 se paruulā trahat nauem. Quidam o-
 nerariam interpretant, ut suo loco pa-
 lam faciemus. Dicitur & nauicula ipsa
 epholcis & epholcion. Sciēdum tamē
 ἐφόλκιστος significare temonē. Illud cer-
 te quod est annexū ne carina teratur,
 chelysma dici uidemus. Nauis pau-

mentum cytos & amphimetrion, aliqui gastron uocāt. Sed qui diligentius rem scrutati sunt, id quod est in nauī concauū scapham dixere, & uulgò gastran, quasi nauis uenter, id quod Suidas obseruauit. Est & thalamus, unde & thalami, et thalamaces remiges. Thalamian uocare uidetur Herodotus foramen per quod remus extat, hinc & Thalamegus nauis, de qua alibi. Alij foramen qđ modo dixi nauphracton uocant. Est item thranos sedile, unde & thranita, qua dictione Græci autores utuntur, & in primis Thucydides. ἐδάλια quoq; esse ait Theophilus remigantium sedilia. Gellius edolia foros transtulit, cum Arionis fabulā ex Herodoto recitat. Dicitur uero ἐδάλιον ἦν τὸ ἐξωἐδάλιον, & dorice ἐδάλιον: & ἐδάλιονα dixit Lycurgus, pro eo quod est confidere. Σελμαπα quoq; nauis sedilia significant, unde est nauis cufelmos apud Homērum, quæ firma habeat sedilia.

Selma em̄ ad nauis latera sedes, quod *ζυγὰς & σελίς* etiam uocat̄. Sunt qui *σελίαι* *σας* funes interpretentur, & inde eufelmos nauis: sunt qui tabulas. Sūt item qui *σελιδ' ἰματτα*, ut apud Apolloniū gr̄matici obseruant, omne latum lignū, quod & selma uocatur, unde & *σελίδες* dictæ tabellæ seu paginæ, & librorum margines. Sed nūc selma pro nauis sedili capimus, quo modo & Apollonius aliq̄. Scalmus est in nauī qua parte remi effundūtur, uel lignū ad quod remi alligantur: inde & nauis dicit̄ decalcalmus, & hypocalmus, ubi scalmus fulcitur, & triscalmus. Scalmus uero à nautico uulgo nūc furcula uocat̄. Vitruuius in primo interscalmiū interuallum scalmorū dixit. Est deinde episcalmis quod sub scalmo est. Scribit Græcus Hesiodi interpres Byzantios & Chalcedonios propter nauigij scalmōn decertasse nauali pugna apud Bosphorum. *Ἰεσφῆς* uero significat nauis la-

brum in quo pedes ponimus, tametsi etiã tabulam qua panes in cibariũ deferũtur. Sunt & partes nauis *ῥήματα* & *ὑπερίσιον*: hoc remis subiacet, per illa uero, id est, per tremata, hoc est, foramina, extolluntur. Hyperesion etiam interdum remũ designat. Via autẽ quæ est circum remigantes, parodos & parathranos uocari solet: quidam nauis aditũ latine transtulere. *τὸ ἔγκωπον* pars nauis qua remi sunt dispositi, à nōnullis traditur. Nauis latus quam & spondam & costã nostri, Græci *πλευρὰν* nuncupant. Item dextrum & sinistrum parietem, hoc est, *ῥῆγον*. Quidam felida sel lam esse opinati sunt, quæ in proris nauium erigi solet, unde & apud Zenobium est prouerbiũ, Periculũ in prora felis: hoc est, *κίνδυνος ἐν πρῶνι σελίς*. de re admodũ periculosa. Est & inter nauis membra *κλις*, quam quidam sedile interpretati sunt, quidam transtrum, Apolloniẽ interpretes in iij. Argonauti.

côn ἰυγά, hoc est, iuga in quibus remiges sedent. Sunt & proræ utrinque partes quasi genæ, hoc est, *παρεὶκὲ* & *πρόρεια*. Quæ uero circa puppim eminet ligna, peritonæa uocantur. Illic & tabernaculum, hoc est, scena, id scilicet pro duce & trierarcho affixum est. Sedenim & *ἀσπίδια* partes significāt quæ ad nauis puppim tendunt: medium quidem eius *ἀσπίδιον*, cuius quod intus est *γυθίμιον* uocitatur, inde *ἑπιστόριον*. Summitates autem puppis *ἄφλαστα* dicuntur, quorum Homerus & Apollonius uarie meminere. Prymnesia uero à Theophilo interpretatur, quod idem legi in cōmentarijs Phauorini. Sed de aphlastis ex Didymo Pausanias plura, & cōmentatores in primo Apollonij, quorum utriusque non eadem esse cum acrostolijs, multis argumentis ostendunt. Lignū rectum in aphlastis connexum, *σηλίδια* Græci uocant, cuius quod in medio suspensum est cingulum, *τανιά*. At uero

peritonæum, quod superius continet utraq; latera uel parietes. Loca ubi remi afferuantur, κοπιωτήρια uocantur, Latini castriam, ut dicturi sumus in capite statim quod sequitur. Dein parexeresia, quæ pars est inter puppim & remiges. Parexeresiæ fit in iiii. à Thucydide mentio, quo loco in hunc propè modum scholiastes : περιεξεροβρία est, inquit, locus qui est extra nauis remigium, iuxta quam partem non est remorum usus : hæc autē est pars sublimior puppis & proræ. Tum & in nauis est antlon, unde & hyperantlon nauigiū, quasi dicas quod superhauriatur. Sūt qui sentinam nauis ἀντλον nuncupent, & ἀντλίαν uas ipsum ad aquas è nauib. exhauriendas, uulgò sesselam nautæ nostrates appellat. Martialis. Curua laboratas antlia tollit aquas. Quæ uero fenestella aperitur ad aquarū fluxum, ὑδρία uocatur. Æreum autē nauis rostrum chalcembolus uocat. Dicitur

citur & neutro genere chalcembolon
 nauigij genus. Vergilius chalcembo-
 lon innuit cum cecinit: Fremit icti-
 bus circa puppis. Idem: Quot prius
 æratę steterant ad littora proræ. Por-
 rò pars illa nauis in qua insigne cõsue-
 uit apponi, id quod fermè in prora fit,
 licet & nonnunquã in puppi, *παρασίμου*
 Græci uocauere, ut in Actis apost. Lu-
 cas ostendit, qui de naui Alexandrina,
 qua Paulus Romã profectus est. In na-
 ui, inquit, Alexãdrina quę in insula hy-
 emauerat, cui erat insigne Castorum:
 hoc est, *ἐν πλοίῳ ἀλεξανδρίῳ παρασίμου διοσκου-
 ραίς*. Vtitur & Plutarchus, *αλήφ*. Le-
 gimus & protomas in summis nauiũ
 rostris, confictas animalium species uo-
 cari. Sed & arietis bellici prior pars *πρὸ
 πρῶν* dicitur. Est uero protome, ut pau-
 cis absoluã, id in animalibus, quod in
 homine est prosopos, id est, os. Et hæc
 de nauium partibus satis, si non supra
 modum. Sed nihil uetat, & me religio

114 L. GREG. GYRALDI
sum esse in ijs precipue in quib. & Greg
cos supersticiosos fuisse uidemus.

Quæ nauium sint instrumenta arma-
mentæue. Cap. XII.

QUoniam de nauium membris par-
tibusq̄, quæ cognitiōe digna
uisa sunt adscripserim, nunc
nō incongruū uidetur, arma-
mentæ cætera instrumenta, hoc est, quæ tum
σκόβη & κατσκοβη, tum ὄπλα à grecis uo-
cantur, unde & naues σκόβοφοροι, καὶ ὄπλα
πρωτοί dictæ sunt. In præsentia seposi-
tis remis, funibus, uelis, cæterisq̄ orna-
mentis, in alijs locis, in quibus de ijs si-
gillatim agemus. Instrumentū autem
ut Calsij fuit sententia, quod & Vlpia-
nus lib. xxxiij. 1^a scribit, id est quod
ad tutelā rei pertinet, & ut Pomp. lib.
vij. epistolarum placuit, instrumentū
cuiusq̄ rei necesse est alterius generis
esse, atq̄ ea quæq̄ sit, quod & Iabole-
nus affirmat. quo argumento probat
scapham nauis non esse instrumentū.

Hæc

Hæc uero non adeò religioſe, ut ab iurisperitis, à nobis tractabuntur, qui de instrumentis illud in uniuerſum prius præcipiendum monemus, ut ea omnia in ſuis nauium receptaculis diſpoſitione quadã & certo ordine cuſtodiant, quo facilius, ut ueriſſimè Columella ſcribit, cū quid expoſtulabit uſus, præſtò ſit. Nam ubi tempeſtas aliã ueneciſſitas imminet, & ita fuerit ritè diſpoſitum nauigium, ſuoq; ordine quodq; locatum armamentũ, tum ſine mora etiam & trepidatione miniſtri depromunt, quod eſt à gubernatore poſtulatũ: eademq; ſimul ratione & maris & hoſtium pericula facilius uitantur. Sed iam nos ipſa conſcribamus, malũq; ipſum in primis, qui erectus uelut arbor quædam uela ſuſtinet, ſic dictus, ut putatur, quod inſtar mali habet in ſummitate, uel quod quaſi quibusdam malis ligneis cingitur, quorũ uolubili agitatiõẽ uela facilius uel pari

duntur uel demittuntur. Nauium, inquit, Plinius, malis antēnisq̄ propter leuitatem præfertur abies. quod & ante illum Theophrastus annotauerat libro de planta. hist. v. Malus græcè *isis* uocatur. Scribit Artemidorus in somnis malum uidere, dominū nauis uel familiæ significare. Mali uero partes Eratosthenes in architectonico has esse ait; Pterne, thoraciū, elacate, carcheion; antēna, icrion, quod mali esse partem, alij antemnā sic appellatam prodiderunt. Dicuntur & icria sanidomata nauium, id est, ligna oblonga: nam & lignū erectū icrion est, quale alicubi in sepulturis mos est erigi. id quod & in theatris fieri solitū Græci annotauere scriptores. Leras, ait Pollux, est quod malū suscipit, *λανὸν*, hoc est, lacū uocat Asclepiades Myrleanus apud Athenæū. At quod ei annexū est, pternam Pollux, quā partē Vitruuius in x. mali calcē uocat; etsi, ut puto, paternā quidam.

dam, alioqui docti, ueli inferiorē partem uocitant, decepti, ut reor, Macro-
 bij codice lib. Sat. 5. parū castigati, quę
 ea ratione hic adscripsimus hæc sunt:
 Myrleanus, inquit, Asclepiades uir in-
 ter Gręcos apprimē doctus ac diligēs,
 carchesia à nauali re existimat dicta:
 Ait enim naualis mali partem inferio-
 rem pternam uocari, at circa mediā fe-
 rē partem *Ἰσχύκλον* dici: summā uero par-
 tem carchesium nominari, & inde dif-
 fundi in utrunque ueli latus ea quę
 cornua uocantur. Extremum autem
 mali ante antennā elacate est, quam
 Eratosthenes summam mali partem
 esse prodidit. Et apud Athenęum As-
 clepiades thoracion, quod quadrila-
 terum sit. Extrema igitur mali pars car-
 chesion est. Cinna poëta: Lucida
 cum fulgent alti carchesia mali.
 quod carmen Non. Marcellus Catul-
 lo Veroneñ. adscribit, nisi quod splen-
 dent loco, fulgent legit, Lucillius:

Tertiushic mali superat carchesia summa. Nescio an perperam carceria à nōnullis etiam antiquis dicuntur, qui illud Cinnē ita legunt: Lucida cum fulgent alti carceria mali. De carchesio uase nihil hoc loco dicimus. Ponuntur & in mali summitate corbes, unde corbitæ naues, ut Festus scribit, quæ uulgò caueæ uocantur. Pars quæ sub antemna est atractos græce dicit. Scribit Iulius Pollux in x. quod orthiax id nuncupatur, quod est in mali parte inferiori, ueluti quod in superiori est carchesion. Meminit uero ἐπιπλοκὸν Epi-
 charmus in fabula Nauages. Consue-
 uere quoque antiqui in summis nauium
 malis galeæ nescio quid simile addere,
 unde quidam uulgò hodie galeas tri-
 remes uocari arbitrati sunt. Sed ab ea
 utiq; galea, quæ græcè κωνί dicitur, pro-
 uerbiū deductū est, Aut nauigiū, aut
 galea, hoc est, ἢ πλοῖον, ἢ κωνί, quod de re
 dubia dici cōsueuit. Meminit eius Ari-
 stophanes

stophanes, Sūt qui existimāt Ouidiū hoc galeę nomen innuisse eo carmine: Est mihi, sitq; precor flauę tutela Minerę Naui, & à picta casside nomē habet. Sanē qđ scripsimus in summo malo solitos antiquos insigne aliquod addere, id quidē innuit qđ de corbe Festus ait, nosq; paulò antē meminimus. Et certe Peloponenses petasum Mercurij præferēbant; nam *πίτασος κωνήν ἀπὸ κωνός*, id est, à cane uocabant, quod hoc genus galeri primū ē pellibus canum fieri consueuerat. Quę igitur bello paratę erant naues, galeam insigne habebant; quę uero ad celeritatem, Mercurij petasum ut caduceū pacificatorię.

Antemna est quę uelū sustinet, quasi transuersa pertica, dicta quod sit ante amnem porrecta. Alij ab am, & tendo, hoc est, circumtendo; quidam & gemino nō scribunt, cuius quę media sunt, ambola & symbola uocātur. Vtrinq; uero extremitates *ἀντρομόλαι*, quę

& à nostris cornua nuncupata sunt. Tertullianus quidem tertio libro aduersus Marcionem: Nam in antenna inquit, quæ crucis pars est, extremitates cornua uocantur. Et poëta ait, Cornua uelatarum obuertimus antennarum. Sed & Græci ipsi eadem ratione *κροταίον* antennã uocauerunt. Sunt & qui *ἰκεύον*, ut suprâ ostendimus. Vocantur & ceruchi, quod scilicet cornua habeant, quorum Lucanus & Valerius Flaccus meminerunt. Sunt & qui in Apulei xi. libro parum scitè ita legant: Puppis intorta cerucho. cum antea rectè legeretur, puppis intorta chenisco, quã ut futilem & illiteratam lectionem obelo fodiendam autumarunt uiri alioqui bene de re literaria meriti, tanto minus ut futiles ipsos ego uocem, qui tam asseueranter dictionem Græcis scriptoribus frequentè tollendam censuerint. Grammatici igitur Græci, cheniscũ scribunt lignum esse in puppi
 scu

seu prora, ex quo anchoræ suspendan-
 tur. Sedenim hoc loco placet, quod ex
 antiquis scriptoribus collegit Phauri-
 nus afferre. Cheniscus, inquit, pars est
 cui appenduntur anchoræ, quæ & ca-
 rinæ navis est principium. Sunt & qui
 puppis potius principium dicant, ad
 quam epotides navis connectuntur.
 Sed utcunque sit, cheniscus dictus est,
 quoniam navium artifices eam partem
 in anserini capitis formam effingunt, po-
 nuntque in summo navis, fortè quod vel
 nauigium in eius speciem & similitudi-
 nem formant, vel potius boni augurij
 causa, tanquam immerfibilis navis sit,
 ut avis illa quæ fluctus enatet. Hæc fer-
 mè ille, quæ eo pluribus tibi recensui,
 quo est hætenus res nostris parum
 comperta. Chenisci meminuit Artemi-
 dorus libro ij. ἀναιροχειπικάν, ubi cheni-
 scon ait in somnis significare navis gu-
 bernatorē. Meminit item Lucianus in
 dialogo cui titulus πλοῖον ἢ δελχαι. Ut autē

inquit, puppis sensim confurgit auro
 inflexa chenisco. Idem Lucianus in fi-
 ne ueræ historiæ, ut tota est ridicula
 narratio, ita seriò de chenisco nauisme-
 minit. Cheniscus enim, inquit, qui ad
 puppim erat subito pñatus apparuit,
 & exclamauit &c. Vt mirum sit Celiũ
 Rhodiginum uirum multæ lectionis,
 planè hoc & ipsum ignorasse, ut qui na-
 uem esse cheniscum putarit, nō nauis
 partem. Verum ut ad propositum re-
 deam, cornua interdum à poëtis per si-
 militudinem brachia uocantur, ut in
 illo Val. Flacci, Pallada uelifero que-
 rentem brachia malo. Trochleg sunt
 quæ quasi Θ literæ, hoc est, Thetæ for-
 ma confectæ uident: dictas putant nō
 nulli quod trochis, id est, rotulis circũ
 uoluunt. Fiunt uero in primis ex ligno,
 sed & interdũ ex ferro & ære. Lucill.
 Multa q̄ per trochleas & tympana pō-
 dere magno Commouet, atque leui
 sustollit maxima nisu. De trochleis
 longe

longè plura Vitruuius & Isidorus. Dicuntur & trochilia. Est & trochleæ genus artemon, de quo mox agemus.

Anchora dens est ferreus ad sistendas naues. Quidam ineptè dictam autumant quasi χειρὸς, hoc est, manus, cū integrū sit uocabulum, per antistichon ab incuruitate dictū, quasi ἀγκύλην, quā ob rem iure caret aspiratione, nostri licet ex usu ei addere consueuerint, ut Seruius notat. Anchorā, ut inquit Athenæus, Sophocles ischada uocauit, quod scilicet naues contineat, διὰ τὸ κατέχειν τὴν ναῦν. Inter anchoras, inquit Pollux, una est quæ sacra anchora dicitur, quam non nisi coacti nauæ expediunt necessitatis causa. Sunt qui eius quoque uocabulo, hoc est ἰσθα, extremū nauis subsidiū dictū existimēt. Transiit & in frequens apud Græcos pro uerbum, cum ad ultima remedia confugimus, quomodo sæpe usus Lucianus alijsque, inter quos Euripides. Ego

quocq; in parodia in amici Turcij Alphōsi funere ita flēs cecini: Tu tot fluctib, una affueras meis Anchora, tu sacra mihi anchora, Et spes unica, tu sidere naufragę Illuxti gemino rati, Ridiculum mihi uisum est qđ aliqui scripserunt, sacram appellatā anchoram, quoniam nauțę qui in periculo fuissent eam Neptuno sacrabāt. Capitur etiam anchora nōnunq; pro firmamento, ut si dicamus, anchora domus seu familię. Ea figura usi sunt Sophocles & Euripides, Aristidesq; rhetor, alijq;. Sunt etiam qui duas uel tres anchoras pari figura dicāt, ut si dicas, duab, nixus anchoris, quo modo Pindarus canit, bonas esse anchoras duas hyemis nocturnę tempore. Sedenim in sacris Ægyptiorum literis anchorā pro cunctatione sumitur. At uero in somnijs, quod opportunū est & securum, earum rerū quę necessariae sunt, significat, teste Artemidoro: peregrinari

nari eam prohibet, quod semper in nau-
 uium detentione ponitur. Anchoram
 quidam à Tyrrhenis inuentam ferunt,
 at bidentem eam ab Eupalmo, alij à Mi-
 da, quam ad sua usque tempora in Iouis
 delubro pependisse prodit Pausanias,
 unde & nomen urbi Ancyra, aliter li-
 cet sentiat Stephan. in lib. de urbibus,
 quo loco aliam recitat historiam ex A-
 pollonio in Caricorum xvij. qui & ipse
 ab anchora Ancyram urbem denomi-
 nat. Vt etiam Ancyron Ægypti, quod
 ex proximis lapicidinis marmora ad
 anchoras exciderent, ut in Ægyptiacis
 est ab Alexandro proditum. Amphio-
 bolon anchoram, hoc est, bicipitem,
 Tarræus ἀπλήν, hoc est, duplicem uo-
 cat. Inuentam ab Anacharsi Scythæ phi-
 losopho, scribit Ephorus, repetit Stra-
 bo in vij. Ridet tamen Ephorus à Lu-
 cilio Tarreo in primo Apollonij Rhō-
 dij, quoniam, inquit, Anacharsi anti-
 quiores argonautæ, qui ea anchora usi

dicuntur, *ἄγκυρας* quidem anchoras uocat Apollon. in primo. Diuerfas quoque anchorarū species legimus. Alia enim *ἀμειβόλα* est, id est, biceps: alia *ἀμεισόμα*, alia *ἑτερόσομα*. est & quæ ancyrobolion nuncupatur. Anchorā Marcellus putauit uinculū esse quo antennæ tenentur, quo loco Lucillij uersus affert, qui sunt: Armamenta tamen, uela omnia seruo, Funis enim præcisus citò atq; anchóra soluta. Quo loco anchora quū media intenta effertur, diligentius inquirēdi occasionem præstat: & propterea rectius apud Nonium, nō anchoram, sed anquinā, uel ancilam reponerē, de quibus inter funes agemus. Ab anchora anchorale deducitur, quod aliquando funem significare uidetur quo anchora religatur. Liuius: Alij resoluūt oras, aut anchorā uellunt: alij, ut ne quid teneat, anchoralia incidunt. Ammianus Marcellinus: Per anchoralia quadrupedo gradu

gradu incedunt, lib. xiiiij. Apuleius tamen in ultimo, adiectiui forma usus est: strophia enim anchoralia appellat. Plinius uero in xvi. anchorale ponere uidetur pro eo ligno ad quod anchora religatur: ita enim de subere loquens ait: Usus eius in anchoralibus, maxime nauium. Tonsilla palus est dolatus in acumen, & cuspide præacutus, qui, ut Festus scribit, nauis religandæ causa in littore figitur, & quæ idem Festus alibi prymnesium uocat, tametsi id parum emendatè in exemplaribus, ut planè docebimus inter funes & rudentes. Tonsillam uero Isidorus uncū ferreum, uel lignum ait significari, ad quem in littore defixū nauium funes illigentur. Ennius: Tonsillas rapiunt, configunt littus ad uncas. Accius: Tacete, & tonsillas in littore edite. Tonsillæ deduci existimantur à tonsis. Sex, tamen Pompeius, Toles, inquit, tumor est in faucibus, quæ per diminu

tionem tonfillæ dicunt. Sunt & in hoc genere nauticorum palorū, qui à Græcis *λογιστῆς* dicuntur, ex lapidibus quibus nauium retinacula religant. Hæc & *λογασία* dicuntur, si Phauorino credimus. Porticulus, uel ut rectius legitur in castigatis Festi & Nonij codicibus, portisculus, ut scribit Ælius Stilo, dicitur qui in portu modum dat classi; id autē est malleus, cuius meminit Catō in dissuasiōe de lege Attali & uectigalibus Asiæ, C. Lucio prætoꝛe remiges scripti ciues Ro. sub portisculum sub flagrum cōscripti uenire passim. Meminit & Plautus cum ait: Ad loquendum atq; ad tacendū tute habes portisculum. Meminere & alij nōnulli inter grāmaticos. Portisculus ab aliquibus dicitur & nunc perticam significare, nunc remigantiū hortatorem. Ennius in annalibus: Portisculus cum signum dare cœpisset. Sed de hortatore suo loco agemus, id est, celeuste. Cg
lius

lius Firmianus Lactantius Placidus
super ea comparatione Statij lib. vi.

Sic ubi longa uagos lassarunt æquora
nautas, Et signo de puppe dato po-
suere parūper Brachia, uix requies;
iam uox ciet altera remos De puppe
inquit à gubernatore. Nā pertica est
quædam in nauis quam hortator remi-
gum tenet, quam si incusserit, remiges
non desinunt: si deposuerit, conque-
scunt à labore. Hanc castram Plautus
nominat in *Asin.* Quin pol si deposui
remū sola ego in castram. Non, tamen
Marcell. castram locum esse inquit, u-
bi cū nauis cōquiescit, remi & gu-
bernacula reponuntur: & citat eundem
locum Plauti. Sæpe putauis apud Isido-
rum carceriam legi pro castram; cuius
paulò antè meminimus. Fiebant in
nauibus tectis, quas Græci cataphra-
ctas uocant, pyrguchi, qui turriculas
duas paruas sustinebant hinc & inde,
turriculæ uero pyrgidia dicebantur:

quod earum medium fuerat, catastro
 ma nuncupabatur, cuius in sequenti-
 bus meminerimus. Liuius de turrib.
 in apparatu bellico nauali Syracusarū
 ita meminit: Naues iunctę, inquit, alię
 binę ad quinqueremes, demptis inte-
 rioribus remis, ut latus lateri applica-
 retur, cum exteriori ordine remorum
 uelut naues agerentur, turres cōtabu-
 latis, machinamentaq; alia quatiendis
 muris portabant. Ligna autem super
 quę assiculę, quę sanides dicunt, mo-
 uentur, à Græcis *καρόνια καὶ σταβυλάδα* uo-
 citantur. Ad hæc & puluini machinæ
 sunt quib. naues, ut ait Isidorus, in por-
 tum deducuntur, uel subducunt: un-
 de puluinarium à Plauto in *Cass.* Vt
 subducā nauim in puluinariū. etſi ab
 arena quidā existimāt puluino. At ue-
 ro phalāges fustes sunt, per quos nauibus
 subditos, in aquā naues uel impel-
 luntur uel subtrahuntur. Palangas No-
 nius sine afflatu potius scribere uidet,
 unde

unde sint palangarij uocitati. Sunt & ergatae machinae tractoriae, quas uulgares artifices arganos uocant, quae machinarum genera in x. à Vitruuio describuntur, qui & haec subdit: Harum, inquit, machinationum omnium quae supra sunt scriptae rationes, non modo ad has res, sed ad onerandas & exonerandas naues sunt paratae, aliae erectae, aliae planae in carchesijs uersatilibus collocatae. Non minus sine tignorum erectionibus, in plano etiam, eadem ratione, & temperatis funibus, & trochleis, subductiones nauium efficiunt. Pons nauis is uocatur, quo ueluti scalis uel in nauium ascendimus uel descendimus. Vergilius: Interea Aeneas socios de puppibus altis Pontibus exponit. *Αποβάθρα* Graeci scalis interpretatur per quas e nauis descendimus, utitur in iij. Thucydides, quo in loco scholia, apobathra, aiunt, uocantur *ἡ ἀπὸ τῶν νεῶν ἐπὶ τὴν γῆν ἔξοδος*, id est, in terram e nauis exitus, *διαβάθρα* etiam

uocatur teste Polluce. Apobathra quidem & alia plura significat, quæ huius nō sunt instituti. Sunt & in naui qui cydi uel ciridi, ut Pollux ait, dicunt: nam cridi potius poëticū est, quàm uel historicum uel oratorium, per quos funes diuiduntur. Sunt & hermata ligna quæ nauibus subiiciuntur, ne dum subductæ sunt, humi marcescant. Unde & hermatismene nauis, id est, ἡρματισμένη ναὺς, & αὐτομαθής. Cadus quoque uas nauticū teste Polluce, qui quod ad alia munera aptus est, reliqua in uasis contulimus. Sunt & antlia, ad exhauriendam sentinam instrumenta idonea, tametsi sentinam quoque significet, ut antè iam meminimus. Est & ferrum nauis quod rhomboides uocatur à forma, quæ uox, teste Suida, & alia significat. Delphis etiam nauticū est instrumentum, cuius meminit & Aristophanes, uariè tamen à grammaticis exponitur. Quidam ex ferro, alij ex plum

ex plumbo existimãt ad delphinis imaginem. Meminit & Pherocrates. Thucydides ideo delphinophoron nauem appellat, quidam & κερκίτην uocatũ autumãt. Pausanias delphin instrumentum putat esse bellicũ in navalibus prælijs. Idem in lexico astruit Thomas magistri. Alij ad pessundandas naues, alijs contra uentorũ impetũ, cuius & alibi meminimus. Eruditi quidam uersoria apud Plautũ existimãt positã pro nautico instrumento, quo soluturi nauis, unde uenti flarent, explorare soliti essent, cuius à libri principio meminimus. Molorchum præterea instrumentũ nauticũ apud Statium Pampinũ in Syluis grammatici obseruãt. Alij molorthũ legere malũt, dictum quæ quasi μόλυβδον ὀρθόν, hoc est, plumbum rectum, & perpendiculum interpretantur. Alij instrumentum ad tentandam aquæ altitudinem. Sed cum utrunque parum sit cognitum, esto no-

minasse nobis satis. Certè in hoc Græci *βολίζω* uerbum habent, unde in Actis Lucas, *καὶ βολίζαντες εὐρον ὀργυγὰς εἰκόνες*, quo loco interpret latinus, summitere bolidem interpretatus est, ut *βολίς* eo loco molorthū significet. Erāt præterea & instrumēta alia, quibus in bellis dūtaxat naualibus utebant̄, & quorum apud autores utriusq; linguæ crebra fit mētio, ut harpagones, quos ab Anacharsi Scytha inuentos scribit Plinius. Sunt & manus ferreæ, quæ *χαρδαισίδαι* dicuntur. T. Liuius in Syracusarum nauali oppugnatione ab Archimede elusa, Ferrea, inquit, manus firmæ catenæ illigata, cum iniecta proræ esset, grauiq; libramento plumbi recelleret ad solū, suspensa prora nauim in puppim statuebat. Memini & alicubi me legere apud Appianū non modo manus, sed etiam manicas ferreas inter hæc militaria instrumenta. Videtur & catarrhacta ab eodem Appiano in

in quinto bell. ciuil. accipi pro ponte, qui in pugna nauali in hostium naues iniicit dum pugna conseritur. Appiani hæc sunt uerba : Catarrhactas proiecere è nauib, per uim insensuri. Menodori itaque naue eminente altius, catarrhactę ad imum prorę faciliorem audacibus ad conscendendum præbebant aditum. Deductæ autem hæ uideri possunt à portarum catarrhactis, quarum mentio ab historicis & Liuius in primis facta est. Sunt & harpaga, nõ eadem, ut puto, cum harpagone, quæ inuenta dicuntur non ab Anacharsi, sed ab Agrippa, ut Appianus libro v. bell. ciuil. memorię mandauit. Sunt & *κόρακας*, id est, corui, de quibus cum alij tum Polybius, qui & eos elegantiss. describit. Sunt & *σπίραινα*, id est, falces, in apparatu nauali, quarum historicus Appianus & Pollux meminere. De his uero sic legimus : Fuit & falx non modo terrestris militiæ, sed & naualis instru-

mentum. Erant enim Romanis inau-
 dita magnitudine falces, quas cum ar-
 tificioſo quodam impulſu rudentibus
 hoſtium inieciſſent, nauigio remis in
 aduerſum acſto, & rudentes uelut cul-
 tri acie tōſoris ſcindebantur, & antem-
 næ ſimul, ac ſuperba ruebāt armamen-
 ta. In hoc falcium genere reponūtur
 quæ Plato *ἀπὸ τοῦ ἰσχυροῦ* uocat, quī Steſi-
 leum ait in nauī cum hoc militari in-
 ſtrumento contra aliam nauem ingen-
 tem decertare ſolitum. & cætera quæ
 de eo milite contra oſtentatores diuus
 Philoſophus narrat. Plura poſſem de
 hoc belli naualis apparatus afferre, quæ
 conſultò prætereo; unum duntaxat ar-
 notauerim, apud Iuriſconſultum ex ar-
 mare nauem dici, pro eo quod eſt ar-
 mamentis ſuis ſpoliare, ad legem rho-
 diam de iactu. Græci id *ἀποπλιξίσην* dicunt;
 nam & armamenta iam dixi-
 mus *πλοῖα* uocari.



Nostri instituti ordo exposcit,
 ut remos & huiusmodi reli-
 qua quib. nauigia impellun-
 tur, cōmodum exequamur; nam & na-
 uigiorū ipsorū ratio eiusmodi est, ut
 nō recensitis quæ de nauīū instrumen-
 tis generatim dicenda uidebant, nunc
 speciatim, & quæ magis singularia sunt
 referamus. Sūt igitur remi perticæ seu
 conti, quæ ueluti in palmam desinunt,
 unde fit ut interdum à poëtis palmæ &
 palmulæ uocentur, quibus naues & ra-
 tes impellimus agimusq̃. Optimi ue-
 ro ex nōs arboribus fieri traduntur quæ
 ad septentrionem uergunt, quod re-
 ctæ scilicet nascantur & proceræ, tum
 simul enodes & densæ. At quo pacto
 rectè ex arbore dolentur, docet Theo-
 phrastus in quinto de hist. plant. Nec
 illud ignorandum quod scribit Vitru-
 uius, qd scilicet remi circa scalmos stro-
 phis religati, cum manib. impelluntur

& reducuntur, extremis progredientibus à cētro palmis in maris undis summam impulsu uehementi protrudunt porrectam nauem, secāte prora liquoris raritatem. Sed iam ad particulares uoces ueniamus. Seruius grāmaticus remū etiā significare scribit lorū quod tubam continet: dictus quidē remus, ut quidam putāt, ἀπὸ τοῦ ῥέειν, sed à remo uendis potius & decutiēdis fluctibus, sicuti & tonse à tondendis & feriendis procellis. Festus tamē, quod ferro tondentur, idē Ennij autoritate cōprobat. Sunt qui remorū palmulas tonfas esse existimēt: à tonfa uero tonsilla uocāt, palus ad religandas naues. Actius: Tōsillas in littore edite. Tōsillæ quoq; morbus in faucibus. Dicuntur & remi trudes, à trudēdo, ut pleriq; existimāt. quidam perticas interpretant, & contos esse uolunt ad trudendas & impellendas naues. Meminit poēta: Ferratasq; trudes, & acuta cuspide contos

Vela, & eorum partes, & quibus uocabulis nuncupata,

Caput XIII.



Emis uela subiūgimus, utpote utraq; ad nauū celeritatē reperta, remis quidem quasi pedibus quibusdam, uelis uero ut alis: ijsq; exemplo à uolucrū alis desumpto: & proinde poëta uideri potest dixisse, *Velorum pandimus alas.*

Sunt qui uelorum inuentionem in Icarum Dædali filium, alij in parentem referunt, unde est & fabulosus eorū uolatus. Alij in Æolum, quidam in Isis Ægyptiorū deam. Vela, inquit Casiodorus in lib. uariarum v. Isis rati prima suspendit, cum per maria Harpocraten filium suum audaci foemina pietate perquireret: ita dum materna charitas suum desiderium festinat explere, mundi uisa est ignota referare. Hęc quidem ille. At uero Græci scriptores quidam, Dædalus, aiunt, parua primus struxit nauigia, quibus & uela excogi-

tauit, quę nondum antea fuerant, quo Minois navigationē præueniret, cum ex Creta fugeret, cuius filius Icarus incautius & imprudentius nauiculam qua uehebatur dirigens, naufragiū fecisse dicit, qui in Pergami insulam iam tum etiam ignobilem tempestate delatus, ab Hercule sepultus est, de cuius nomine tam insula, quę mare uicinū, cognominata sunt. Triplici quidem forma uela fieri consueuere. Nā alia triangulara, qua plurimū figura nūc utimur: alia quadrata, ut in minorib. nauigijs & amicis fieri uidemus: alia rotunda, qualia se conspexisse nauitę Lusitani affirmāt apud Indos. Quin & in eorū maioribus nauibus ad duodecim uela habere tradunt. Vela uero, ut in x. scribit Vitruuius, & ratio palām facit, cū sunt per altitudinē mediam malī pendencia, non potest habere nauis celerē cursum: cum autem in summo cacumine antemę subductę sunt, tunc uehementiori

mentiori progrediuntur impetu, quod non proxime calcem mali, sed in summo longius, & ab eo progressa recipiunt in se uela uentum. Igitur cum uela per medium sunt temperata, minorem habent uirtutē. Quę autem in capite mali summo collocantur, discedentia longius à centro, non acriore, sed eodem flatu pressione cacuminis uehemētius cogunt progredi nauem. Hactenus ille. Idem & Anneus Seneca: Nulla em̄ inquit, res æque adiuuat cursum, quā summa pars ueli, illinc maxime nauis urgetur: itaque quoties uētus increbuit, maiorque est quā expedit, antēna submittitur, minus habet uiriū flatus ex humili. Quibus sanē uerbis facilius fiet Aristophanis uersus ex ranis, ἀκραισὶ χεῖμαλος ἰσιόισι. hoc est, summis usus uelis. Et itē Pindaricū illud in Nemeōn: Sursum, inquit, extende uela ad carchesij iugū. hoc est, ἀνὰ δὲ ἰσία τείνον πρὸς ζυγὸν κερχαιοῖο. Vela uero confici ex diuersa materia,

nam & ex lino, cannabe, scirpo, sparto
 & corio non modo usus cōprobat, sed
 & autores receptissimi. Theophrastus
 & Plinius etiam ex papyro fieri prodi-
 dere. Julius quoq; Cæsar in cōmenta-
 rijs belli Gallici, Venetos Gallicā gen-
 tem ait ex pellibus alutis uela confice-
 re solere. Sanè uela græcè *ἰσιᾶ* dicuntur,
 unde *ἰσιᾶγράφος*, qui uela cōfuit uel con-
 ficit. Vocantur & nōnunquā uela otho-
 næ. Lucianus in dialogo episcopūtes,
τότε ὑμῶς ὑπ' ἀγνοίας κελδύετε τὴν ὀθόνην σείλαι,
 id est, tūc uos per inscitiam iubetis ue-
 la cōtrahere. Idem in Ioue Tragcedo:
 Tunc, inquit, uentus incidens in uelū.
 hoc est, *τότε αἶνεμ' ἐμπίπῳν τῇ ὀθόνῃ*. Licet
 & hac uoce omne linteū uocari uidea-
 mus. In Euangelio certè Ioannis Chri-
 stum scribitur othonijs inuolutū cum
 aromatibus: hoc est, ut græcè legitur,
καὶ ἔδωκεν αὐτὸν ὀθονίους μετὰ τῶν ἀρωμάτων.
 Pollux othonen apud Homerū ex uel-
 lere & lana, q̄ ex lino fuisse mauult.
 Paulus

Expediunt. quo tamen loco in casti-
 gatis codicibus fudes, nō trudes, legi-
 tur. Sunt qui trudes instrumenta esse
 putent, quibus saxo inhærēs nauigiū,
 trudi uel reduci soleat. Reponit & in
 hoc genere cōtus, de quo sic Donatus
 Contus pertica oblonga in capite fer-
 rum habens, qua nauæ utūtur ad ex-
 ploranda loca nauibus opportuna, un-
 de & prouerbiū, conto nauigare, ut
 est apud Suidam: hoc est, rebus sic uti
 quo pacto conuenit, uel qui eam uitæ
 rationē sequitur, quæ suo ingenio con-
 gruit. Alij rectius de his interpretātur,
 qui tentim & cunctanter admodum
 rem quampiam aggrediuntur: unde
 etiā conta & contor & percontor de-
 ducta sunt. Sunt qui à cūcta, id est, mo-
 ra deriuēt. Græcum uero uocabulum
 cōtus esse uidetur, id quod facile ex
 Græcis autorib. colligitur, qui ut suum
 illud usurpant, atq; in primis Iul. Pol-
 lux, nisi fortassis, ut alia pleraque, è no

stris ad græcos migrarit. Hinc & *νοῦστα*
 nauigia, quod scilicet contis impellerē-
 tur, quorum mentio fit ab Appiano et
 Diodoro. Nostrates nautæ palustres
 his contis sæpe impellunt suas cymbas.
 Est & contus hasta militaris Vergilio
 in x. Duris detrudere contis. Idem no-
 tat & Marcellus, unde contati, ut ha-
 stati milites apud Vegetiū. Et item pal-
 mula remus, seu, ut dicebamus, extre-
 ma remi latitudo. Græci remi partes
 has faciunt: Enchiridion, hoc est, ma-
 nubrium, qui & capulus. Vracos, quæ
 media est pars. Pteram & tarsum, quæ
 palmula est, unde & remorū ordines
ραγδίαμαστα uocantur. Hanc quidem remi
 partem Apollonius in quarto Argon.
πυδὼν uocat, ut etiam interpretes notat.
 Theophrastus tamen *πυδὼν* ligni quod-
 dam genus sic uocat. Est quoque inueni-
 re *ὑπὸν* pro parte remi, quæ à scalmō in-
 tus in naui est. Est & hyperesion remi
 genus, ut quidam interpretantur. Sunt
 qui

qui eum esse credant quē uulgus nau-
ticum tertiarolum uocat. Alij partem
eam quæ remis subiacet. Remus utiqꝫ
à Græcis multis uocabulis appellatur:
nam & ῥῆτιμος uocatur, unde dicti ῥῆτι
& ἀντῥῆτια remiges. Dicitur & ἑλάτης, &
πλάτη, & κώπη. unde nauigiū quod xx.
remis agitur εἰκοσέκωπον uocatur: & qui
remigant nautæ ἑλικώπων, ut est apud
Theophilum: tametsi et ἑλικώπης epithe-
ton sit eius qui in se hominū conuertat
oculos, uel nigra oculos: alij alia, quæ
nihil ad nauigia. Reponuntur etiā in-
ter remorū genera qui κώπαι θραντικαὶ
dicuntur, qua dictione usus Callixenus
Rhodius, & Athenæus in Philopato-
ris nauis descriptione. Sanè quoniam
in re nautica uilissimū est remigantiū
ministeriū, de ijs prouerbiū factū est
qui ex humili & ultima sorte ad aliqꝫ
dignitatis fastigiū ascenderūt, à remo
ad tribunal. Syrianus: Illotis, inquit,
manibus à remo ad tribunal ascendit.

Remū quoq; ad laborem referimus, ut cum Plutarchus ait, oportere addiscentem remos impellerę. Notissimū & Latinorū illud, remis uelisq;, cum aliquid nauiter & strenuē agendū est. Marcellinus uero, contis & remis. Nō contis (inquit) nec remulo, ut aiunt, id est, non flexiloquis ambagibus & obscuris, sed uelificatione plena in rempub. ferebatur. Porro ne quid desideres à me quod succurrat, dicimus eleganter pro eo quod est remos collidere uel confringere, remos detergere uel defringere, & qđ Gręci *παρὸς θραύειν*, uel *συνθίβειν*, uel *παρασύνειν*. Cęsar de bello ciuili: Aut remos transcurrentes detergere si possent contendebant. Idem alibi, hoc est, de bello Alex. Nullius remi detergerentur. Liuius: Alterius remos deterfit. Idem alibi: Aut prorā lacerabat, aut remos detergebat. Idem quoq;: Et primū ab utroque latere remos defringunt.

Vela,

artemonem appellant. Quibus planè
 uerbis uidemus artemonē genus esse
 trochleæ, quæ in radice machinæ scan-
 foriæ, ut Fr. Iocūdus ait, ponitur. Vn-
 de & nonnulli duo significare artemo-
 nem putāt, uelum illud minutū quod
 diximus, & hoc latinum nomē esse, di-
 ctumq̄ quasi arrectū temonem: illud
 uero græcum πῆρὰ τὸ ἀρτέϊον, quod appen-
 do et apto significet. Artemonismemi-
 nit & Lucas in Actis apost. cap. xxvij.
*καὶ ἐπείροντες τὸν ἀρτήμονα τῆ πνύσης κατέειχον εἰς
 τὸν αἰγιαλόν.* hoc est, leuātes artemonem
 secundum flatū ad littus appellebant.
 Eius etiam mentio est apud Sid. Apol-
 linarem, si interpreti standū. Sunt qui
 unam tantum significationē artemo-
 nem habere existiment. Quidam uir
 sanè doctus artemona eundem cū aca-
 tio esse ostendere conatur, parum ui-
 dens minus quæ attulit hoc probare.
 Qui uero antennā interpretati sunt,
 nihil tum planè uidebant. Est etiam ar-

temon nomen proprium: eo enim nomine plerisque uocatos legimus, pictorem unum, scriptorem alium, & alium quidem molliore, qui inde quod lectica circumferret, *πικτοφόρος* cognominatus est. Sed & herbe nomen proprium apud Dioscoridem. Suppara quoque inter uelorum genera reponunt, ut apud Lucanum: *Imaque pandens Suppara, uelorum perituras accipit auras.* Seneca in xi. epistolarum multa de supparis nauium Alexandrinarum. Supparum uero sic describi uideo. Genus aiunt ueli, unum habens pedem quo iuari nauigia solent in navigatione, quoties uis uenti languescit. Puellarem quoque uestem lineam supparum Varro, Festus & Nonius faciunt, dictam quod supra appareat, uel super alias uestes paratur: atque hinc quidam propterea supparum non uelum proprie interpretantur, sed ueli finem. Donatus & suppara scenarum uela uocat, que alij siparia uocant.

Sextus

Sextus Pomp. siparium, inquit, genus est ueli mimici. Alij suppariū uocāt, ut in poëtis scenicis retulimus. Mansarium insuper, scribit idem Pompeius; uelum dicit q̄d in prora ponitur, quod in castigatioribus codicibus mendicū uocatur, a stipulante etiā Isidoro in lib. etymologiarum. Sunt qui putāt eam esse quæ cochina uulgo dicitur. Sed & carbasus figuratē uelum significat. Vergilius: Vocat iam carbasus auras. Idem: Tumidoq̄ inflat carbasus auro. à lini, ut ait Seruius, genere, ex quo præcipue uela fieri cōsueuerūt. Dicimus autē carbasus & carbasum, hoc est, femineo & neutro genere. A carbaso carbaseus deflexit Verg. Appellaue re & uela carbasina antiqui, quib, & fora et theatra obtegerent; id primus Romę Q. Catulus cū Capitoliū dedicare præstitit. Vocant et uelaria à poëtis præcipue, & à Græcis peripetasma. De carbasinis quidē Pli. li. xix. Carbasina;

inquit, uela primus in theatro duxisse tradit̄ Lentulus Spinther ludis Apollinaribus: mox Cæsar dictator totū forum Romanum intexit, uiamq̄ sacrā à domo sua ad cliuū usq̄ Capitolinū, q̄d munere ipso gladiatorio mirabilius uisum tradūt. Deinde & sine ludis Marcellus Octauiæ sorore Augusti genitus, in ædilitate sua auunculo XI. Cos. calend. Augusti uelis forū umbravit, ut salubrius litigantes cōsisterēt. Mox subiūgit idem: Vela nuper colore cœli stellata per rudentes Nero princeps exhibuit. At nos his missis quæ ferè sunt præter institutum, redeamus ad nautica. Vocantur & uela à græcis uarijs uocabulis, & in primis *ἰσία* ab *ἰσός*, qui nauis malum significat, & ideo *ἰσοστίχον* inter nauium partes connumerauimus. Hac occasione lapsum facilem illis fuisse crediderim, qui cum ex græcis mali partes ad latinos cōuerterent, ueli uertēre, inter quos Macrobius, ut

cum

Paulus Ægineta & Græci alij medici, othonia pro linteis lineis accipiunt, quibus excipiuntur medicamenta. *αἴμανα* demum & uela maiora uocantur, unde *ἱεραῖα* nauis. Vela tria facit Iul. Pollux. Maius quod acation appellat: quod à tergo est, epidromon: quod minimum, dolona. Pollucem sequitur Isidorus. Acation, inquit, uelum maximum est in media nauis constitutum. Epidromos secundæ amplitudinis, sed ad puppim. Dolon minimum, & ad proram defixum. Hinc ergo est *ἱεραῖα* nauis, quæ tria habeat uela, cuius apud autores est mentio, ut fuit nauis Antigoni. Porro epidromos alio loco Pollux uocat funiculos plagarum discurrentes, quibus retia panduntur & contrahuntur. Eosdem & epidromides & prodromos appellat. Sanè & dolonis est mentio apud Latinos, ut apud Liuium, dolonibus erectis altum petere intendit. Idem; Sublatis dolonibus, effuse effugere contendit.

Procopij tamen interpretis eo uocabu-
 bulo uocari uela maiora credidit, id
 quod & grāmaticus Theophilus. Vul-
 gus certe nautarum hoc tempore me-
 dianū uelum uocat, quod in puppi eri-
 gitur: trenchetum quod supra artemo-
 nem. Porrò dolon etiam genus est te-
 li, cuius Verg. meminit: Sæuosq; ge-
 runt in bello dolones. quo loco Ser-
 uius: Est autē, inquit, dolo flagellum
 intra cuius uirgam latet pugio, aut se-
 cundum Varronē, ingens cōtus cum
 ferro breuissimo. Dolones autem à fal-
 lendo, id est, à dolo dicti sunt, quod de-
 cipiunt ferro, cum speciem præferant li-
 gni. In hoc quidem significato etiā ca-
 piunt Iurecōsulti, quod Beroaldus &
 Budæus ante me annotarunt. Utitur
 & Suetonius in Claud. & Plutarchus
 & Graccho, *ἐπιδολὸν λικτρικὸν ὃ δόλωναι καλεῖται*.
 Sanè pro uelo, dolo græca est dictio,
 pro telo, latina. Dicitur & ueli pars
λίπαδ' ὄ, ut Iulius Pollux notat. Ali-
 quibus

quibus uero acatius uidetur. Isidorus etiam artemonem ueli partem existimat. Nec enim, quod celebres quidã scriptores faciunt, hac in re Iul. Pollucem citauerim, qui in partibus nauium nullam artemonis mentionẽ facit. Nescio unde Sipontinus eduxerit, artemonem pro uelo per n, quasi ante amnem uocatum esse. Nam artemon, inquit, uelum est quod potest facilius obliquari, quo nauis in summo tempestatis discrimine utuntur. Ad dirigendam uero potius nauem artemonem, quàm ad celeritatem esse, docent cum alij, tum sacrarum literarum interpretes. Meminit & Labolenus Iuriconsultus his uerbis in ff. de uerb. & rerum sign. Malum, inquit, nauis esse partem, artemonem autem non esse, Labeo ait. Et uerius est quod plerumque naues sine malo inutiles essent, ideoque pars nauis habet. Artemon uero magis additamentum, quàm pars nauis, quæ uerba re-

citavi ut in antiquo exemplari habentur, quo sanè loco præclarè Alciatus. Vnde mirū eo magis hominem eiusdem professionis hallucinatū, cum eadem Juriscons. uerba inter nauigia exponeret, uulgus nauticum secutū esse, ut putarit uelum maius eo nomine appellari. Qua enim de causa malus in navi nisi ut uela sustentet? Vela igitur non additamentū, sed artemon additamentum. Est ergo artemon minus illud uelū, quod uelis maioribus appendi solet, unde & illi nomen. Ex hoc anfa est præstita ignaræ plebi, ut uelum artemona uocet. Porrò & quidam Labonem & Iabolenum trochleam intellexisse uolūt in lege superius citata, quæ trochlea etiā nauibus conueniat, ut & nos superiori capite scripsimus, & Vitruuius lib. x. docet, cum de machinis tractorijs ageret, quo etiā loco ita scribit: In radice, ait, locat̄ tertia trochlea, eam autē Græci ἐπιγῶντα, nostri

artemo.

cum de carchesio ageremus ostendimus, eius uero erroris causa fuit, quod in exemplaribus nō castigatis aliquando pro *ισίαι, ισός* legitur, ut etiam in Poluce offendimus. Sunt & inter uela *λαίφια* quæ uocantur, & *αῤμαλία*, & quæ *αῤμολια*. unde uetus illud, *λαίφια νῶν αῤμολια*, hoc est, iuxta nauem uela, de ijs quæ in uicem & simul congruunt: neq; enim cuiq; nauigio omne ueli genus conuenit: unde & triarmenos nauis, ut supra meminimus. Sed de uelis illa utiq; nō silenda Plinij exclamatio, quæ lib. xix. legitur, cum iam miraculū illud suspirasset, herbam esse, linū uidelicet, quæ breuissimo temporū spatio Ægyptū Italiæ admoueret, in tantum, ut à Sicilia freto Alexandria septima die quandoq; perueniatur, & sexta nōnunquā, & à Puteolis nona die: à columnis uero Herculis septima die Hostiam usq; aliquādo, ne omnes nauigatiōes quas ille, & nostra etiam tempestate perni-

cius factas, hoc loco cōmemorem. Illa certè eius est exclamatio: Audax uita, scelerum plena, aliquid seri, ut uentos procellasq; recipiat, & parum esse fluctibus solis uehi. Iam uero, inquit, nec uela satis esse maiora nauigijs, sed quāuis amplitudini antennarū singulæ arbores sufficiant, super eas tamen addi uelorum alia uela, præterq; alia in proris, & alia in puppib. pandi, ac tot modis prouocari mortem. Hactenus Plinius. Nunc de uelis cætera prosequamur, quæ & colorib. uarijs antiquitus tingebantur, nec minus hoc tempore. Et ut fabulosa mittamus, nigra Thesei, Alexander certè uersicolorib. usus est Indo amnè nauigans. Velo purpureo ad Actiū cum M. Antonio Cleopatra cum Augusto certatura, nauali prælio uenisse proditū est, eodemq; fugisse. Est & apud Plin. lib. xxxv. alius inficiendorū uelorum modus. Candida, inquit, uela postquā attriuere illi-

nentes

nentes non coloribus, sed colorem sortibus medicamentis. Hoc cum fecerint infectores, non apparet in uelis, sed in cortina, hoc est uase, pingi. In feruentibus aquas merfa, post momentū extrahunt picta: mirūque cum sit unus in cortina color, ex illo alius atque alius fit in ueste, accipientis medicaminis qualitate mutatus, nec postea ablui potest.

Porro ut & loquendi figuras aliqua ex parte attingamus, dicimus uela contrahere, quod Cicero & Horatius: uela legere, quod Verg. in iij. quo loco Donatus: Lego, inquit, uerbum nautis familiare: nam funes & uela cum colligunt, uel aliqua loca cum transeunt, legere appellant. Dicimus item uela dare, quod idem & Cic. & uela facere, & uela pandere: ut, uelis passis apud Cic. & apud eundem uelificor, & uelificatio, & uelificantes naues. Tum etiam & uela ducere uel subducere, ut est apud Cæsarem in comment. Emanarunt & à uelis

prouerbia, ut, remis uelisq̄, quo nō semel usus est M. Cic. Qua figura Plautus etiam, Remigioq̄ ueloq̄ quantum poteris festina, dixit in *Asin*. Item, uelis equisq̄, ad conatū significandū. Idem in *Offic*. Cum his equis uelisq̄, ut dicitur, decertandum est. Idem ad *Q. Fratrem*: Corrigam tarditatē tum equis, tum uelis, quib; in locis inter eruditos fit digladiatio, quod in antiquis codicibus equis uirisq̄ legatur: nam & in octaua *Philip*, Putabam fore ut omnes inflāmati odio, excitati dolore, armis; equis, uiris, quo loco passim uiribus legitur. Huiusmodi uero colores ac figuras loquendi interspersisse nō iniucundum fuerit. Deinceps porrò ad funes & rudentes me conuertam.

De funibus & rudentibus, ceterisq̄ nauigiorum restibus, & quæ eorum appellationes.

Caput xv.



Ignorat nemo, puto, q̄ sint in re nauali necessarij funes, tū ad uincula, tum ad nauū tractus

ctus & retinacula, ut eos nō immeritō hoc loco cōnumerare, & à præsentine gocio nihil alienum esse uideatur. Sed primū uideamus ex qua materia conficiantur. Fiūt uero in primis ij ex canabe, lino, sparto, Iunco, ait Plin. græcos ad funes usos, nomini credamus *χοιρῶν*, quo herbam eam appellant. Ex palmæ quoq; folijs in oriente ualidos funes fieri, eosq; in humore utiliores, moxq; & ex philyra, manifestum est. Sed & ex arborū quoq; corticibus, scribit Theophrastus in iij. de hist. plant. fiunt, ut ex ceraso, detracto cortice: ex uite & tilia. Idem in v. Habet etiā corticem funibus cuiusque per cōmodum acer & carpinus. Fiunt & in orientalibus ad septentriones ubi proceræ nascuntur arūdines, nauigia, & quidem ampla, ijs connexis & colligatis trahi longis, CCC. interdū passibus: ut minus mirū sit nostra in Pado molendina retinaculis ex perticis confectis ad

amnis ripas contineri. Sed & nōnuncq̄
 lintres ex ripa longurijs impelli agiq̄
 uidimus. At nos institutū sequamur.
 Funes igitur in primis & restes, ruden-
 tes appellamus, à nimio, ut grammati-
 ci aiunt, stridore, à Græcis *νήια* uocata:
 unde prouerbiū æditum est, *νήια καὶ κό-
 πιας ἀνθ' ὀπλων ἀλλάξαντο*. hoc est, rudentes
 & remos pro armis permutarunt. Di-
 cimus & rudens numero singulari. Ci-
 cero de Diuinat. Sed est quasi ruden-
 tis explicatio. Dicuntur & funes *κάλωσ*,
 at certè *κάλωσ* omnis funis intelligitur.
 Vulgus nauticū per antistichon nunc
 cauum appellat: unde *καλώδιον* paruus
 funis, & *καλώσροφον* qui latinè restio uo-
 catur, qui et *χοινοπλόκον*, ut paulò post di-
 cemus. Grāmaticus Moscopulus illud
 de hac dictione *κάλωσ* obseruat, quod in
 genitiuo *κάλω* facit, per ablationē *σ*, ut
μηνέλω. Dicimus & *κάλωσ κάλων* per *ο* par-
 uum; & *κάλωσ κάλωσ*, ut est illud poëtæ,
ῥοχθόλοι δὲ κάλωσ, id est, resonātq̄ ruden-
 tes.

tes. Extat de hoc prouerbiū, πάντα κίλων κινῶν, id est, omnē mouere funem: quod aliqui sic proferunt, πάντα κίλων σείων, hoc est, omnem cōcutere funem: de his qui rectē aliquid nō instituunt, metaphora sumpta à nauigantibus, qui in nauigationib. restes omnes mouent. Omnē igitur funem mouet, pro eo quod est, omnē machinā. Hæc ille, Quæ ideo adscripsimus, ut ijs adiungas quæ prouerbiorū autor collegit. Funes uero quibus uelum subducitur mesurias uocant: & quibus ex utraq; parte proræ malum cōstringitur, protonos: quibus à laterib. pedes: & quod reliquum est eorum, propedes appellant: cum quibus etiam ij sunt qui terthrij uocantur: & post eos, quos μέσσοι, id est, medios appellari uideo. Sed seorsum hæc uideamus. Pes, nauticus funis est, cuius Verg. meminit. Vnā omnes fecere pedē, quo loco Seruius grāmaticus podiam interpretat, etiānum

hodie sic uocitatum, hoc est, funē quo uelum tenditur. Quidam tamē extremum ueli angulum esse opinantur. A pede propes dictus, funis quidam quo pes ueli alligatur. Meminit eius Turpilius poëta: Quasi, inquit, cum uētus fert nauē in mare secūdus, Si quis propedem misit in ueli sinistrum. Pedem & propedem innuit Catullus poëta, cum ait: Siue utrunq; Iuppiter simul secūdus incidisset in pedem. Item Plinius: lisdem, inquit, uentis in cōtrariū nauigatur prolati pedibus. quo loco innuit Plinius, quod indies fieri uideamus, ut uno eodemq; uento per maria in contraria nauigetur. Pedem & Græci *πόδα* uocant, ut apud Euripidē, Plutarchum & Lucianū. Est quoque pro uerbiū in eos, qui quæ magis sunt opportuna negligūt, & leuiora quædam sectant, *ἀφ' αὐτῆς τῆς ὑπέρου τῆς πόδα δίνου*. hoc est, Hyperam dimittens pedem sequitur. Huius meminit Hyperides orator

tor. Hypera uero funis est nauticus à summo propendens, quo antemnarū cornua traducuntur. Sunt & pelmata propè funes quibus anchoræ ligātur, quorum Pollux & Suidas, alijsq̃ meminerunt scriptores nō pauci. Quidā prynnesia esse arbitrati sunt, de quibus paulò post agendū. Theophylactus sacrae scripturae interpres, duob. in locis, hoc est, in Matthæi & Marci Euangelio, camelum tradit funem crassum significare, quo nautæ alligādis anchoris utuntur. Idem & Suidas, qui & illud notat, ab aliquib. non per ἦτα, sed per ἰῶτα scribi, hoc est, non κάμηλος, sed κάμιλος. Epitonius, ait Theophilus, lori est uel uinculi genus, quo antenna malo alligatur. Eius meminit Aristophanes et Homerus. Alij ligaminis omne genus ἑπιτονον uocāt. Protoni uero funes dicuntur, qui ex mali utraq̃ parte à prora & à puppe extendunt, ut in primo Apolloni Rhodijs grāmatici obseruāt. Alij

& genere neutro quoque enunciari asse-
 runt, Sunt & qui protonon extentū fu-
 nem interpretent, leges in Phauorino
 plura, cōnumerat & inter funes himo-
 nia, que ex loris conficeretur ad aquas
 hauriendas, Sunt & tropi, qui & tropo-
 teres & epicopeteres uocantur, uincu-
 la, quibus scalmo remus alligat. Sunt
 item qui primi & secundi uocant, item
 qui thalamius, ut notat Pollux. Tropi
 à nostris struppi (puto) dicuntur, Li-
 uius: Tum remos religari struppis.
 Vitruuius in x. strophas hos appella-
 re uidetur, cum ait: Naues etiam remi
 circa scalmos strophis religati cum ma-
 nibus impelluntur. Quidam hinc uer-
 naculū illud nostrū deductū affirmāt,
 quo passim in tota Æmilia utimur &
 Venetia, stroppæ, que flexilia sunt ui-
 mina ad quecunq; colliganda idonea.
 Hinc perplexa & inuoluta uerba, tum
 facta etiam, strophas dicimus. Hinc &
 strophea, hoc est, *στροφέα* Lucianus uo-
 casse

casse uidet̄ in eo dialogo qui *πλοίων* seu
πλοίων inscribit̄. Item & Apuleius in xi.
 ubi de Isidis naue agit. De strophijsue
 ro puellarū nihil est cur hic agamus.
 Sunt & qui *terthron*, tenuē quendam
 funiculum nauticum arbitrentur, qui
 dam malo attribuūt, ut paulò antè me
 minimus. In hoc restiū genere & qui
 dam spiras addidere, quæ propriè, ut
 ait Seruius, sunt funium uolubilita
 tes, siue, ut Festus scribit, funis nauti
 cus in orbem conuolutus, unde ada
 gium est, *ἡ δὲ ἀσπίς χαλκία*, id est, funicu
 lus ad restim, cum astus astui additur.
 Et alia significat spira, quæ à gramma
 ticis tum græcis tum latinis quaren
 da sunt. Vergilius certè de serpenti
 bus tantū (quod memini) usus est, ut
 in illo: Squameus in spiram tractu
 se colligit anguis. Et de Laocoonte:
 Spirisque ligant ingentibus. Item in
 xij. Paribusque reuinxit Serpentum
 spiris. Est & *transenna* funis extentus,

utin quinto *Ancid.* docet *Seruius* in eos poëtae uersus: *Ingentiq; manu malum de naue Serefti Erigit, & uo lucrem traiecto in fune columbam,*

17. Quô tendât ferrū, malo suspēdit ab alto. quo loco ait *Seruius*, traiecto, id est, extento, unde *transenna* dicitur extensus funis, *Sallustius*: *Transenna demissum uictoriæ simulachrum &c.* *Hæcille.* Sed & *Plaut.* pro laqueo seu fune ad decipiēdum accipere uidetur, cum ait in *Bacch.* *Nūc è transenna tur dus lumbricū petit.* Idem in *Rud.* *Plurimæ fiunt transennę ubi decipiuntur dolis,* *Sedenim & aliquando ponitur transenna pro clathris & cancellis,* quo modo utitur *Cice.* in primo de *Orat.* *Tum etiã quidam tormentū in funes cōmemorant, funēq; esse contendunt,* quo *prora* ad *puppim* constringitur, quod quale sit mihi non succurrit. *Addunt & idem saphonem,* cuius ita *Cæcilius* meminert; *Venerio cursu ueni prolato*

prolato pede usq; ad saphonem. Ad-
dunt & opiferas, quib. cornua antem-
næ dextrâ sinistraq; tenduntur: alij o-
piferos uocant, funes scilicet. Addunt
item & mitram, qua nauis mediâ uinci-
tur. Item anquinã, qua ad malum an-
temna constringitur. Cinna poëta:

Atq; anquina regit stabilem fortissi-
ma cursum. In hoc genere quidam
ἀγκύλας reponūt, unde etiam anquina
deducta uideri potest. Scribit Nonius
Marcell. anchoras esse uincula quib.
antemne tenentur, idq; Lucillij carmi-
nibus probare nititur, ut suprâ docui-
mus cū de anchora ageremus, monui-
musq; mendum subesse, & ex Isidoro
reponendum anquina. Sunt & qui
helcyon funem esse dicant tractoriū, à
quo sit helcyarius, ut suo loco dice-
mus. Helcyon nunc uulgus nostrate
nauticū helcyanã appellat. Apuleius
tamen lib. ix. per tralationem uocauit
helcyon id quod ante pectus equorū,
& id

& id genus animalium, ab armis pendens
 instrumentum, quo & mola per machi-
 nulam innexa uersantur, & currus per
 temonem trahunt, unde & nomen ac-
 cepisse potest. Apulei uerba: Helcyo
 sparteo dimoto, & idē paulò post: Hel-
 cyo tandē absolutus. Rhymata quoq̃
 reponi uidemus inter funes tractorios
 à Polybio, *παρα τὸ ῥύμα*, ut puto, *τὸ ἄλκνιον*.
 Polybius in primo: Ad hæc instituerunt
 hippagos, rhymata dantes ex ijs tertie
 classis nauibus. Vel, ut uertit Perottus:
 Post tertiam classē sigillatim ordina-
 tæ erant nauēs quibus equi uehebantur,
 hæc tertie classi funem præbebant.
 Græcè uero sic habet: *ὡθι δὲ ῥύμοις ἐπίσκη-
 σαν τὰς ἵππαγος, ῥύματα δὲντῶν δὲ αὐτῶν τὰς τοῦ
 τρίτου στόλου*. Xenophon in primo Hella-
 nicōn *ῥαφῆ ῥύματα* uocauit. Non me fu-
 git & alia ῥύμα significare, inter quæ im-
 petum & propugnaculum. Sanè à rhy-
 mate uerbū deducitur *ῥυμούλκειν*, quod
 nos remulcare. Idem Polybius: *τῶν μὲν
 ῥυμολ-*

ῥυμυλκόντων τὰς ἰππηγὰς ναῦς. Diodorus Si-
 culus: ἰρρυμάλκων στρατιωτικὰ πτόρια. Idem: καὶ
 τὰς ἰππηγὰς ῥυμυλκωμένας ὑπὸ τῶν εἰρησίουσ ἡρω-
 μύων. Latini tamen remulcare à remul-
 cendo deflectūt, ut Non. scribit. Sanè
 remulcus funis ab aliquib. appellatur,
 quo deligata navis remi uice trahitur.
 Valgius antiquus poëta: Hic mea me
 longo succedēs prora remulco Letan-
 tem gratis sistin hospitij. Obseruau-
 mus uero apud idoneos autores dici,
 remulco trahere, & remulco agi, & re-
 mulco abducere, itēq; remulco abstra-
 here, Sunt magni alioqui professores,
 qui remulcū parua nauē siue scaphā in-
 terpretēt. Promulco quoq; pro remul-
 co dixisse antiq; testis est Sext. Pomp.
 qui ita scribit: promulco agi nauis dicit
 cū fune nauis ducit. Sed de remulco et
 promulco satis. Sūt & inter nauticos fu-
 nes serilla, ut antè diximus. Sunt et qui
 in hoc genere selmidas connumerent,
 unde & euselmos nauis, qua de alibi,

quæ tamen à selmate potius deducit. Cataprorates linea est cū massa plumbea, qua maris altitudo tentatur. Lucillius: Hanc cataproratē puer eodem defert. Prymnesiū putat Theophilus, ut antè diximus, & cū Theophilo Suidas ἀλιγέξ, & unà cum his Hispalensis Isidorus, funem esse, quo in littore navis palo alligatur. Homerus: *ἀλιγέξ τε καὶ μίτραν το πῆλὰ πρυμνήσια νηός.* hoc est, ut & nos ludamus: Tum prope cōcipiūt navis prymnesia somnū. Apollo nius in primo: Illis Argus prymnesia soluit Littoreo è saxo. hoc est, *πρυμνήσια δὲ σφισιν ἀργός λύσεν ἰσὶ ἐκ πῆλᾶς ἀλιμύρεος.* At hoc non ostentationis gratiā, sed ut falsam grammaticorū opinionē monstrarem, qui Festum secuti, prymnesium arbitrantur palum seu totifillam significare, ad quem in littore navis religatur. At meo quidem iudicio Pompei codex mendosus est, & ita castigandus: Prymnesium funis nauticus, quo

navis

nauis ad palum religatur, quem alij
 tonfillam dicunt: at ita ipsum Festum
 scripsisse crediderim, Sed quisquis fuit
 ille Paulus qui Festi uolumina in com-
 pendium redegit, eius errati autor,
 non Festus, fuit: quem postea Paulum
 secuti sunt alij alioqui eruditi, inter
 quos primus Sipōtinus. Sed de primū
 nescio satis. Porro funis quo nauis litto-
 ri alligatur, ab iisdem græcis *ἐπίγασμι* &
πᾶσιμα uocatur. Oram etiā quidam apud
 latinos dicunt funem nauticum signi-
 ficare, quo ad terrā nauis ligatur. Fab.
 Quintil. Permittamus uela uentis, &
 oram soluentibus bene precemur. Et
 idem alibi: Sublatę sunt anchorę, solui-
 mus oram. Liuius: Trahunt scalas, o-
 rasq; & anchoras, ne in molientib. mo-
 ra esset, præcidunt. Vt idem ferè sit qd
 græcè dicitur, *τὰ ἀπόγεια λύσειν*, & quod
 modo attulimus ex Apollonio, *πρυμνά-
 στα λύειν*, hoc est, retinacula soluere. Li-
 terati tamē quidam oram negant pro

fune accipi: & in Liuiio quidem non
 oras, sed lora reponūt, uetusti, ut aiūt,
 exemplaris fide fulti. Fabium uero in-
 terpretantur, oram, id est, à littore sol-
 uentibus: cuius sententiæ fuit Beroal-
 dus & Calepinus, pro quib. facit Cic.
 qui ait, portum soluentibus. Dicuntur
 & hi funes retinacula. Liuius: Plurib.
 retinaeulis ualidis parte superiore ripe
 religatum &c. Verg. Strictoq̄ ferit
 retinacula ferro. Idem & funem di-
 xit. Nō illa quisquam me nocte per
 altum Ire, neq̄ à terra moneat cōuel-
 lere funem. Sed & funis nauticus τὸ
 σπάρτον, & numero plurali τὰ σπάρτα, à ge-
 nistæ genere notissimo uocat̄, ex quo
 & apud antiquos & hoc etiam nū tem-
 pore funes & restes conficiuntur. Nota
 uero est Varronis, Plinij & Gellij, sed
 & Homeri interpretū sententiā, spartū
 usum non fuisse ætate Homeri, cum ce-
 cinit, σπάρτα λέλιωτοί. Item q̄ an proprie
 sit sparton quam genistam uocamus,

cum eius duæ sint species. At certè à spartis spartina piscatorum funis dicta est, qua in Auibus fabula usus est Aristophanes. Est & sparte fabri lignarij linea, qua materiam dirigere solent, unde & prouerbia quorum suprâ meminimus. Sed de sparto, & spartis hominibus qui dicuntur, alias in obseruatis nostris plura notauimus. Est & napura funiculus ex stramēto factus, ut in commentario sacrorum reperitur: Pōtifex napuras facito, quod et Pompeius scribit; quo modo & Græci merinthos, & merindos funes significant, qua de re ex Græcorū cōmentarijs plura in Corollario Hermolaus. Existimat à quibusdam & mataxa funis species, quæ tum ex sparto, tum ex cannabe & lino conficitur, cuius Lucillius meminit:

Plumbi paxillum rudis, liniq; mataxam. Meminit & Vitruuius lib. vii. cum ait: Et mataxæ tomicæ ad iustam longitudinē una crassitudine allī

gationibus temperentur. Idem lib. vi. de paludibus inquit: Tenuēs colligantur mataxæ. Mataxam uero quasi metaxam Isidorus dictam opinatus est, à circuitu uidelicet filorū à meta, uel qđ transferatur græca deriuatione. Iustinianus Cæs. lib. Codicis undecimo fascem interpretatur, uel cōgeriem pensorum lang, uel lini. Hanc nunc uulgò Hispani una uel altera mutata litera, madexe dicunt. Quin & mataxā in quibusdam Hetruriæ urbib. hodie ex filoglobū à uernaculis audiui. Vtiſ quoque hac dictione inter antiquos medicos Theodorus Priscianus in iij. seu, ut alij putant, Octauius Horatianus. Sed certè ego utrius sit liber ambigo. Manardus Theodori quàm Horatiani esse mauult, uel Alexandri Tralliani autoritate, eo nomine ipsum citantis. Verba igit̃ utriusuis sint, hæc sunt: De capillis ipsius mulieris qui excludunt, quando se ornant cum mataxa.

Sane

Sanè & medici quidam græci recentiores, mataxã sericum crudum uocant, cuius est in medicina usus: unde & in scholio Horatiani, mataxa, inquit, sericum dicit̃. Apud uero Aetiũ & Actuarium cataxa uocari uidet̃, licet ego mataxã utrobicq; legendum semper existimarim, qua in re alioqui eruditi quidã sunt decepti. At nos penè è nauigijs egressi, ne periclitemur, ad ipsa cõmodũ redeamus. Funes etiã græcè, ut dixi, *χοίνια* neutro genere dicuntur, ut est notissimũ illud ex Aristophane, *χοίνιον μεμελταμμένον*, hoc est, miniatus funiculus. Item *χοίνοι* masculino, unde sunt deriuata *χοίνισκοι* & *χοίνισμα*. Hinc & *χοινοβάτης* qui per funes graditur, quẽ Latini modo funãbulũ, modo funerepũ transtulerũt: unde & *χοινοπλότης*, ut paulò antè diximus, funarius artifex, id est, restio: omniaq; hæc deriuata uident̃ à iũco scirpoue, ex quo nõ modo funes, sed & uela aliaq; fiunt, qui græcè dicit̃ *χοίνος*, ut

etiã ex Pli. recitauimus. Sanè schcenus
 etiã genus est mēsuræ terrę uel itineris
 apud Persas & Ægyptios, quale est a-
 pud nos stadiū uel miliariū, apud Assy-
 rios parasanga & astarus, qua in re, ne
 te pluribus morer, Euthymus in psal-
 mo cxxxviiij. quo loco nostri uerte-
 runt, Semitam meam & funiculū meū
 inuestigasti. quod erat græcè, *ἵβουρον ἢ*
πλωχόνιον μὲν οὐ δὲ χυρίασες. Schcenus, inquit,
 apud Ægyptios atque Persas itineris
 mensura est, & idem ferè quod apud
 nos dicitur stadium. Hæc ille. Hæc ue-
 ro dictio in sacra historia frequens. Pli-
 nius quidē lib. v. schcenenon facere sta-
 dia xxx. prodit, Lib. uero xij. nō ni-
 hil uariare uidetur, Græcorū nonnulli
 L. stadia. Herodotus in ij. LX. stadia cō-
 ficere prodidit, nisi codex sit mendo-
 sus. Significat & alia schcenus: nã Hip-
 pocrati, teste Galeno, scillam cepam,
 alijs rei medicæ scriptoribus iuncum
 odoratum, Est & loci & uiri nomen.

χιῶν uero lentiscū denotat, quod mul-
 tis causa fuit ut cōfunderēt. Sed ipsi no-
 stra sequamur. Dicunt & funes quib.
 naues religantur, ut notat apud Lyeo-
 phronē Isaacius, αἰῶν, uel ut Ionice dicit
 οὐῶν, πῶν τὸ αἰῶν, qđ defero & porto signifi-
 cat. uel αἰῶν dicit ἕκτῃ τῆς οἰονίας arbore, id
 est, salice uel uimine: nā & restes uimi-
 neos & antiquitus factos, & nostra æ-
 tate aliquando fieri uidemus. Alij ce-
 sam ἀπὸ τῆς οἰονίας dictam uolūt, quo uo-
 cabulo græci uiticē significant, hoc est,
 agnum castum, qui &, quòd ex eo uin-
 cula & ligamenta fiant, teste Polluce
 atq; Dioscoride, λύγῳ uocat: & si Dio-
 scoridi ipsi standum est, salix amerina
 à Latinis uocatur. Confuse utiq; legas
 interdum cefya pro cefia, propter lite-
 rarū affinitatē: ab hac enim cefinæ uir-
 gæ, ab illa cefynæ gerræ, hoc est, tug-
 riola, & gurgustiola craticea, unde ce-
 syoploci, quos cefyurgos uocat Eupre-
 lis poëta, ut est apud Pollucē. Vocat

tur & αἰθῦσαι funes. Sedenim & ex lorīs
 & ijs nōnunq̄ tortīs, nauīgiorū funes
 apud Priscos factitatos legimus, ut cū
 alibi, tum eo Homeri carmine, quod
 nos ita uertimus: Candida uela tra-
 hunt contortis undiq̄ lorīs. hoc est,
 ἑλκων δ' ἰσῖα λαυκαὶ ἐν σπῆραισι βόλοι. Lorū
 tamen & himas dicitur, quanquam et
 λαβρον. Sunt & funes quos Græci uocāt
 thominges, & mermides, & merin-
 thos. Non satis liquet an thominges
 sint quos nostri tomices uocant. Sunt
 enim tomices græco quidem nomine
 appellatę, ex cannabe imposito & spar-
 to leuiter tortæ restes, ex quo funes
 fiunt. Vitruuius lib. vij. Et binas inter
 eos perticas erigemus, tomicibus alli-
 gatas. Columella lib. xij. Deinde fasci-
 culos tomice palmea aut iuncea liga-
 to. Plinius lib. xvij. cap. x. Sic & spinas
 sepis causa serunt, tomice moris spina-
 rum circūlita. Quo loco Hermolaus,
 tomicis nomen esse deflexum à græco,
 sed

sed aspirationē non retinuisse. Piscato-
rius uero funis ex setis hormia uocat̃.
Hactenus de funib. Nunc ne quid
nauigio desit, de saburra agendū. Cō-
sueuerunt nautæ saburra, quę crassior
ac uilior est harena, naues onerare ad
certam usq; mensuram, ut stabili mā-
gis cursu agantur. Id cum poëtæ, tum
historici manifestè declarant. Verg.
iij. Georg. de apibus. Et sæpe lapil-
los . . . Ut cymbæ instabilis fluctu ia-
ctante saburrā Tollunt. . . Liuius de
bello Maced. Et onerarias ducere mul-
ta saburra grauatas. Sed de saburra uī
de Hermolai lexicon. Saburra, inquit,
propriè quidem natiū est, ex quacūq;
materia, sed fabulū ferè significat. & re-
liqua quę ad naues parū pertinēt. Nūc
uero iam contractis uelis funibusq; re-
ductis, nauīū ornamenta explicemus.



De nauigiorū ornamentis. Cap. xvi.
Xcogitatae, nec minus quā
in ædibus, sunt nauium orna.

menta, quæ ut hoc loco à nobis com-
 memorentur, & ordo & tempus mo-
 net, etsi eorum pleraque ad aliarum
 quoq; rerum ornamenta referuntur,
 quorū quædam in Ptolemæi & Hiero-
 nis nauibus antè retulimus, sed quæ il-
 lic non attigimus hic proferenda. Est
 ergo, ut ab hoc ordiamur quod ex Casij
 sententia refert Vlpianus, inter orna-
 mentum & instrumentū magna diffe-
 rentia. Instrumēta quippe ad tutelam
 pertinent, ornamenta ad uoluptatem;
 quanquam hic ego non ita anxie rem
 obseruauī. Sūnt igitur in primis & in
 uniuersum amplustria omnia nauīū or-
 namenta, dicta, ut nōnulli uolunt, ab
 æ priuatiua particula, & πλῆρω, quod est
 nauigo: uel à πλῆρε, quæ uox nauigatio-
 nem significat. Sed si Sex. Pompeium
 audiamus, amplustria dicuntur, quod
 amplius sint, Eius hæc sunt uerba, ut
 in castigatiorib. codicibus legunt: Am-
 plustria nauium ornamenta, quæ quia
 erant

erant amplius quàm essent necessaria; usu etiam amplustria dicebant. Grammaticus etiã Priscianus amplustria dicere uidetur. Fuit cum ego aplustra dicta crediderim quasi aphlasta, nunc temerè nihil statuo, cum uaria huius dictionis prima syllaba inueniatur, ut apud Lucretium, Ciceronẽ in Arateis, Silium, Iuuenalem, Manlium, Lucanum, Sidoniũ. Sanè sciendũ modo amplustra & amplustria, modo aplustra & aplustria, hoc est, trium & quatuor syllabarũ, & quod magis mirũ est, prima correpta, propter liquidã. Cicero:

Nauibus assumptis fluitantia quærere aplustra. Eodem modo Lucretius. Legi nuper in cõmentarijs nescio cuius, aplustra summas uelorum partes uocari: quod, cum autoritate antiquorum non fulciatur, parũ mihi persuasum. Videntur et ἀμφυπύρια ornãmẽta esse, quę circum naues adhibentur uti apud Artemidorũ in quarto de inter-

pretatione somniorū ad filium. καὶ τὴν, inquit, ἀμφιμετρίαν τῆς ναὸς ἔκρωσε. et, inquit, amphimetria navis euulsit. Phaurionus putat esse quę adhibentur utrinque navis carinę. Segestria, teste Pompeio Festo, pelles sunt nauticę, quę ἀπίδατῶν dicuntur gręcę, ut idem Festus & Pollux tradunt. Varro segestria dicta innuit à segete: ita enim scribit in libris de lingua lat. Quod ferè, inquit, stramenta erāt è segete, segestria appellāt, ut etiam nunc in castris, nisi à Gręcis ἀγαστρον. Meminit & idem Varro in libris de uita pop. Rom. ut est apud Nonium Marcellū. Ascoma, pellis quę scalmo adhiberi solet. Theophilus asfutam pellem ait scalmo, ad repellendam aquam maris. Meminit & Iulius Pollux. Suidas lorū putauit cōtinens remum scalmo annexum. Diphtheras etiam nauib. adhibet Pollux & Suidas, easdemque ferè facit quę modo retulimus ascomata, in quib. & scripsisse

aliquādo proditores thoracyon ait & hermiona. Grāmatici quidā diphtheran pastorale indumentū esse scribūt. Attici uero eam esse uestem quę & isalce uocatur, qua quoniam magistri literarum uti consueuerant, à Græcis aliquādo diphtheralcephi nūcupati sunt. Sed de diphthera loquēs in primis audiendus est M. Varro, qui de re rust. lib. ij. Cossiniū sic loquentem facit. Ut fructū, inquit, ouis ē lana ad uestimentum, sic capra pilos administrat ad usum nauticū, & ad bellica tormenta & fabrilia uasa: neq; non quædam nationes harum pellibus sunt uestitæ, ut in Getulia & Sardinia, cuius usum apud antiquos quoque Græcos fuisse apparet, quod in tragœdijs senes ab hac pelle uocantur diphtheriæ. Et hucusque Varro. Quidam etiam *Βαίτην* diphtherian uocant, pellemq; esse scribunt Amaltheę caprę, in qua res humanas scribere dicitur Iupiter. Diphtheræ me-

minit & Hammonius grammaticus, qui ait diphtheran à malote differre, quod hæc scilicet sit ouis pellis, hoc est, *μολων*, illa uero caprarū. Idem & Moscopulus. Hanc quidē Verg. in Geor. describere uidetur, Varronisq̃ locum ut plerunq̃, æmulari: ita enim canit in iij. Nec minus interea barbas inca-
 naq̃ menta Cinyphij tondent hirci,
 setasq̃ comantes, Usus in castrorū
 & miseris uelamina nautis. Quo lo-
 co Seruius & Probus grāmatici cilicia
 designari scribunt. Vident̃ uero diph-
 theræ & cilicia idem esse: sic & hodie fe-
 re uulgus nauticū appellat. Cilicia Cel-
 sus ait retulisse Varronem ideo sic ap-
 pellari, quod usus eorum in Cilicia or-
 tus est. Idem scribit & Seruius. Varro-
 nis uerba quibus id cōprobat̃, in calce
 sunt secundi de re rust. dialogi: Quod
 magnis, inquit, uillis sunt capræ, scili-
 cet in magna parte Phrygiæ, unde ci-
 licia & cætera eius generis solent fie-
 ri. Sed

ri. Sed quod primū ea tonsura in Cilicia sit instituta, nomen id cilicas adie-
 cisse dicunt. Meminit & Asc. Pædianus in Verr. & Vegetius in lib. de re
 militari. Addit amplius Suidas, quod
 sint in Cilicia hirci ualde pilosi. Porro
 ne quid omittamus, & ex diphtheris ra-
 tes cōfectas fuisse, testis est Xenophoni
 anabaseos lib. ij. de Cenis fluuio agēs;
 ἃς ἡς, ait, οἱ Βαρβάροι σίτυον καὶ κριθὰς σφραβέρει,
 ἄρτος, τυρόν, αἶνον. quę uerba amicus meus
 ita conuertit: Ex qua barbari coriaceis
 ratibus, panem, caseum, uinū in castra
 cōuehebant. Est & phormion nomen
 straminis nautici, ut Donatus obser-
 uat, & significat tegeticulum qua pau-
 mentū sternitur: uel lectum sparteū,
 à quo nomine Apollodorus comicus
 parasitū, Terentius uero noster fabu-
 lam nūcupauit. Phormionis certè pro-
 storia & tegete, et Ulpianus Iuriscons.
 ut Modestinus ait, meminit in ff. tit. de
 fund. instru. & instr. leg. Deducta hæc

uox uidetur à *φρομῶν*, quæ spartā & sto-
 riam seu tegetem significat, qua de re
 multa Græci Suid. & Pausanias, item
 Herodotus. A phormo, phormion &
 phormiscus; diminutiuiorum forma.
 Fiunt & ex papyro tegetes, ut alibi scri-
 psimus, & ex iuncis, in usum nauticū.
 Sed & ex palmarū folijs, earūq; in pri-
 mis quæ humiles dicuntur; & folio sunt
 latiore, ac molliore, ut Theophrastus
 ait. Proueniunt uero cū in Creta, tum
 plurimæ in Sicilia. Sunt & nauium orna-
 menta præterea aulæa, tapetes, peri-
 stromata, peripétasmata, eius generis
 cætera, quæ ad alia quoq; referuntur.
 Catastroma quidē superius est nauis
 tegumentū seu pauimentum, cuius a-
 pud Thucydidem mentio, ut alios mit-
 tam; unde appellatę cataphraçtę & em-
 phraçtæ naues, quæ tum à nostris con-
 stratæ tum tectæ uocantur: ut contra
 apertæ, quæ à Græcis aphraçtæ dictæ
 sunt, de quibus alibi, hoc est, inter na-
 uium

tiūm uocabula. E catastromate propugnatores depugnare solitos, ex scriptoribus colligimus. Quidam (quānī sanē nescio) catastromata foros esse opinati sunt. Corymbis etiā nauēs ornatas legimus, id quod uel ex his Flacci Val. facile quimus cognoscere: Et auratis Argo reditura corymbis.

Idem alibi: Et extremis tamen in crepuere corymbis. etsi corymbon græcè nauis rostrū appellat, unde & acrocorymba ipsarum nauium ornamenta, ut in lexico tradit Theophilus. Corymbos uero Suidas interpretatur ramorum summitates & partes extremas, id quod & græco epigramate confirmatur. Alij corymba uocant acrostolia nauium uelut coryphas, id est, uertices, quæ addi & adimi possunt. Legimus in græcorum commentarijs, corymba differre ab aphlastis, quorum in nauium membris meminimus, quod aphlasta quidē in puppi, corymba uero in pro-

ra: hoc est, ἀφλασα μὲν λέγοντες τὰ πρυμνήσια, κώρυμβα δὲ, τὰ πρωβήσια. Sedenim & extrema, ac rerū summa, corymba aliquando appellata uidemus: nempe montis uerticem & iuga corymbum Herodotus uocauit. Nostri quidē corymbos hederarum baccas uuasue nūcupant, quibus Bacchus & Mænades coronabantur apud gentes, ut ex poëtis liquet. Sunt qui corymbos nauium hederaceas coronas interpretentur, quæ nauibus adhiberi solerent, cum uel portū tenerent, unde & illud poëtæ: Et nauatæ læti imposuere coronas. uel cum ex nauali pugna uictoria parta esset: qua ex re diuus Ambrosius in hexamero: Sed omnes, inquit, puppes quæ peruectæ fuerint coronantur, ubi palma merces salutis, uictoria preciū regressionis est. Coronatam insuper nauem philosophorū eximio obuiam misisse Syracusanorū tyrannū legimus. Ad hæc coronabantur naues apud Roma

nos mense Iunio in Fortisfortunæ celebritate, & per medium annum cōiuiua ducebant, quod in vi. Fast. ostendit Ouidius: Multa coronatæ iuuenum conuiuia lintres, Multaq; per medias uina bibantur aquas. Erant item nauales coronæ, quæ & rostratæ dicebantur, de quib. iam egimus. Coronem quoq; & coronida pro nauis ornamento desumi quidam arbitrântur, quòd rostris adhiberi soleret, cum demum perfecta ac consummata forent nauigia, *κορώνη* quidem Aratus meminit cū de Argo canit: Cum iam nauitæ conuertere coronem, hoc est, *ὄραφ δὲ τῶν τῶν ἐπιπέφωσι κορώνη*. Verum coronidis nos seu coronesarium esse significatum cōperimus, quod te ne lateat, hic breuib. subsignabo. Sūt quippe qui in arcu summū cornu, quod & tenus uocari è Latinis quidam tradūt, crenémue in qua neruus imponit, uocari coronin uelint: quam ob causam,

ait Eufstathius, bonum rerum finē pro uerbialiter aureā coronin dictam inuenimus. Sunt qui montis uerticem, & summā in ædificijs structurā significare contendant. Alij nauis puppim, quod sit in eius apice curuatum cornicis rostrum, ut interdum anserculi: unde & Homerus *σὺρ νηυσὶ κορωνίσι*, quod exponūt grāmatici, cum nauib. flexas habentib. summitates. Alij nigras, q̄d cornix auis sit nigra. Inuenitur & coronis posita pro extremo librorum ornamento, unde & prouerbiū factum est, *ἐπιθέσθαι τὴν κορώνην, ἢ τὴν κορωνίδα*, hoc est, imponere coronin: pro eo quod est, extremam manū admouere, ad quod alluisse uideri potest Martialis libro x. Si nimius uideor seraq̄ coronide longus. Esse liber, legito pauca, libellus erō. Hoc modo Plutarchus in libro de Alexandri fortuna, de Philoxeno poëta agens, usus est. Philoxenus em̄ Dionysij tragediam non correxit, sed
totam

totam circunscripsit à principio ad coronida, hoc est, ἀπὸ τῆς ἀρχῆς μέχρι τῆς κορυφίδος ποδὲς γράσει. Alij coronida, ut est in cōmentarijs Aristophanis, signum ac notam quampiam esse opinātur, quæ poni soleat in fine librorū, quæ in semicirculi specie sursum sit repanda, ∪. Alij lineam breuem ab inferiore parte inflexā huiuscemodi L. Hac etiā nota antiqui in fabulis, comēdijs & tragedijs, ut Phauorinus docet, & lyricis etiā carminib, usi sunt poētæ, ut Hephæstion scribit, ubi de signis agit. Sed & theologi, ut est apud Nazianzenum & Isidorum, qui de huiusmodi notis & posituris, ut ipse uocat, cæteris copiosius scribit. De notis quidē Iurisperitorū, ¶ & ¶ Alciatus doctis, annotauit. At ne à nautica arte recedamus, Theon, seu qui alius, qui in Aratū poētā græca scripsit cōmentaria, ἡσπώνη inflexum illud interpretatus est, quod est in nāuis puppi: unde & Homerus, inquit, uo-

cat naues coronidas, *σιώνησι καρώνισι*, ut antè diximus. Aratus uero, *ὅταν δὲ ναῦται ἐπιτρέψωσι καρώνην*. Apollonius in *iiij. βοήσυναρίσσι καρώνη ζεύγλυθον*. quãuis eo loci cõmentator annulum iugi interpretetur. Eustathius etiam coronidas uocari rostratas naues ait. Sunt & qui scopon, & scetæ alicuius finem sic appellent, *οἶον καρώνη τῆς σοφίας*. qua similitudine & Plutarchus uitæ coronin dixit, in eo qui inscribitur, an seni administranda sit respub. Sunt quoq; qui amplius scribant, *καρώνην* extremam pudendi uirilil glandem significare, & ianuæ insuper annulum, quo & clauduntur & impelluntur fores. Est & *καρώνη*, id est, cornix auis notissima, cuius uaria apud Ouidium fabula. Atq; hæc de corone & coronide, quæ aliàs obseruaram, q̄ breuissimè potui, hic tibi subsignare placuit. Vocant & Græci *ζωμόματα*, quæcunq; nauì conducunt & utilia sunt, ligna, cera, pix. Alij & hypozomata, quæ

quæ ligna nauium sunt. atq; de his satis.

Restat in huius capitis calce duo præterea ut afferā, quid sit pharus, & quæ essent leges Rhodiæ, quæ duo ad rem nauticam pertinent. Pharus igitur turris est quæ construi solet in maritimis portuosus locis, ad præstanda nocturnis temporibus nautis lumina, unde & nomen acceperunt. Scribit quippe Hegesippus, à D. Ambrosio, ut creditur latinitate donatus, in *iiij.* pharos quasi phanos, n in r mutata, dictam. Grammatici uero in Homerum ita uocatam aiunt, ἢ ἀντὶ τοῦ ἡλίου ἵφνον, ἢ εἰς φῶς ἡγαγε, quod uidelicet pro sole appareat, uel ad lumen agat. Describitur pharus à Plin. & Herodiano historico in Antonino & Ægeta. Suidas genere masculino etiam protulit, contra cæteri ferè femineo. Propertius: Et Ptolemæææ littora capta phari. Lucanus: Pharos in fula quōdam In medio stetit illa mari. Papinius: Lumina noctiua

gæ tollit Pharus æmula lunæ. Sede-
nim quoniã Pharus Ægyptia omniũ
celebratissima, plerique ab ea reliquas
pharos nuncupatas autumant, ut uel
ex uno Plinio facile cognoscimus. Ea
autem, ut pleriq; omnes existimãt, ab
insula eius nominis nuncupata credit;,
quæ ante Alexandriam posita, quon-
dam diei unius navigatione, ut ex Ho-
mero scribit Plinius, distabat, nunc, ut
Strabo ait, peninsula, demum ab Iulio
Cæsare colonia deducta, sic Solino tra-
dente: Est et Pharos, inquit, colonia ex
Cæsare dictatore deducta, ex qua faci-
bus accensis nocturna dirigitur nau-
gatio: nam Alexandria insidioso acces-
su aditur, fallacibus uadis, cæco mari,
tribusq; tantũ canalibus admittit nau-
gantes, Tegamo, Possidonio, Tauro,
quod idem scribit Plinius. Subiungit
Solinus: Hinc igitur in portibus ma-
chinas ad prælucendi ministeriũ fabri-
catas pharos dicunt, Stephanus uero &
Suidas

Suidas pharon aiunt turrem cōditam à Sostrato Cnidio Dexiphanis filio, Ptolemæi regis tempore, Strabo diligentis, scriptor lib. xvij, Sostratum ipsum quidem ait regum amicū pharum turrem posuisse *πολυόροφος*, hoc est, multa tabulata habentem, & albo lapide cōstructam, cum hac inscriptione: *Σώστρατος κνίδιος δεξιφάνους θεοῖς σωτήρησιν, ὑπὲρ τῶν πλοῦν ζουμένων*, hoc est, Sostratus Cnidius Dexiphanis, deis seruatoribus, pro nauigantibus. Quæ congruūt ijs quæ Plinius lib. xxxvi. natur. hist. scripsit. Magnificatur, inquit, & alia turris à rege facta in insula Pharo portū obtinente Alexandria, quam constitisse DCCC. talentis tradunt, magno animo (ne quid omittamus) Ptolemæi regis, quod in ea permiserit Sostrati Dexiphanis architecti structuræ ipsius nomen inscribi. Vfus eius nocturno nautarum cursui ignes ostendere ad prænūcianda uada, portusq; introi

tum: sicut iam tales compluribus locis flagrāt, ut Puteolis, ac Rauennę, ad uitandum periculum, & reliq. Dicta quidem insula Pharos, præter id quod antè retulimus, ut Stephanus ait, à Pharo nauta Menelai, qui à serpente mortuus ibi sepultus sit: sicut & Canopus à Canobo eiusdem ipsius Menelai gubernatore, Suidas quoq; & Homerus Pharon Protei insulã nuncupant, quoniã ibi Proteus regnavit. Idem est ab Ammiano Marcellino proditum lib. xxiij. hist. Insula, inquit, Pharos, ubi Proteũ cum Phocarũ gregib. diuersatum Homerus fabulatur. Mox & subiungit, eam fuisse Rhodiorũ obnoxia uectigali, sed foeminae callidæ semper in fraudes miro artificio liberatã: nam cum nimium petituri publicani illuc accessissent, & solennes instarent feriæ, eos secum regina in suburbana perduxit, septemque interea diebus septem maris stadia, iactis molibus irrequieto labore

labore insulam continenti coniunxit, ita ut quâ mare fuerat uehiculo ingrederetur: atq; ita Rhodios frustrata est, insularum, inquit, portorium flagitatis, non continentis. Sed de Pharo iam nimis multa. Fuit & altera Pharos in sinu Adriatico, Straboni in iij. Alterû quod polliciti sumus, leges sunt Rhodiæ, quæ de tota re nautica præcipiebant, de quibus sic in decretis canonicis scribitur: Rhodiæ leges naualium cõmerciorû sunt ab insula Rhodo cognominatæ, in qua antiquitus mercatorum usus fuit. Harû meminit & Tertullianus lib. aduersus Marcionẽ hæresiarchã, qui põnticus nauta fuerat. Scilicet, inquit, nauclero illi non quidem Rhodiã lex, sed pontica cauerat. Est et lex Rhodiã *πὸ τῆς ἐκβολῆς*, hoc est, de iactu, ut est in ff. qua, ut Papinianus ait, cauetur, ut si leuandæ nauis gratia iactus mercium factus est, omnium contributione farciat, quod pro omnib, da-

tum. Hanc uero iniquissimā legē hoc tempore etiam ipsi legum interpretes appellant. Quin & Canonici iuris ac pontificij periti eam diris prosequuntur, Extant & aliæ de re nautica leges, ut de nauicularijs, de usuris nauticis, seu nautico scenore, de naufragijs. Citantur & à rhetoribus Hermogene & Fortunatiano alię leges, ut illa, Qui nauim in periculo positā rexerit, eius sit nauis cū onere, Et qui nauē reliquerit, is nauim & onus amittet. Item: Naufragia ad publicanos pertineant.

A quibus rebus sint nauibus indita nomina. Cap. xvii.

Priusquam nauium multiplicem nominū syluam patefaciam, uariasq; earum appellationes, illud etiam obseruandū occurrit, eas ab ijs plerunq; in quibus exercentur officijs, uocabula sortitas esse; ut sunt speculatoriæ, piscatorię, mercatorię, & quæ apud Plaut. geraria uocata est.

ta est. Nominatur & sapissime à locis, uel ubi ædificatæ uel inuentæ, uel in usu frequētius habitæ, ut Ægyptiæ, Liburnicæ, Naucraticæ, Salaminix, Tuderinæ, & quarū modo meminimus, Rhodiæ, Sunt & Sidoniæ, & Punicæ, sunt Babyloniæ, Italiotides, & Samenæ. Sunt item Ilsiaci lembi, ut est apud Liuium. Sunt & Naxiurges, & Cnidiurges, & Cercuri, & aliæ penè innumerales, de quibus nonnullis suis locis agemus, (sunt enim fermè quot loca maritima.) Est & quæ à poëtis pagasæa dicitur. Sunt & quæ ab artificibus nomen duxerūt, ut Argo, Pheredeæ, Nicomedis, Paralus, aliæ. Sunt & quæ à magistratibus, & ab ijs qui præsent uocatae sunt, ut prætoria, quæ & nauarchis dicit, & imperatoria, id est *σπασμυγίς*. Appellant item naues à remorū ordinibus, ut biremis, triremis, trieris, penteris, & hexeres, & hepteres, nō græcis modo, sed & latinis autorib, & in pri-

mis Liuiō. Vocitant̄ & naues à nauiga-
 tionis cursu, ut dromones, cursoriq; ce-
 letes & celetia. Item à reb. quæ in ipsis
 deuehunt̄, ut hippagine, et hippago-
 gg, quæ et hippagi Sex. Pōpeio dicunt̄,
 & sitagogi, & saccarię apud Fab. Quin-
 tilianū, et quæ annotinę ab annona de-
 uehenda nomē habere putant̄, quarū
 mentio apud Cæs. in cōment. Hęc item
 frumentarię appellatę. Alię uel à uasis
 uel eorū forma nuncupatę, ut gaulus,
 cymba, corbita. Nōnullę à pictura uel
 insigni uel *ἡρακλέους*, ut pistris uel pristinis,
 centaurus, miltopariæ. Aliquæ à for-
 ma & specie, ut camera, aulonæ, thala-
 megī, & quas hoc tēpore Sandalos uo-
 cant. Aliæ ab animalib. appellant̄, ut
 crij, tragi, tauri. Quędam à materia, ut
 trabicæ, monoxyli, alni, pinus. A deis
 etiã in ijs pręsidentibus, ut Isidis, Apol-
 linis, Tritoniæ, quę insignia tamen pu-
 tarim, ut etiã crij & tragi. Sūt præterea
 quæ ab eius eminentiori parte nomen
 sumpse.

sumpsere, ut rostrate, coronides, turritæ. Sunt & à numero, ut cētenarię, myriaphori, myriagogi, *εικόσαρος ναῦς*, cuius Theophilus præter alios meminit. Ab instrumentis demū quib. muniunt naues appellant, ut turritę, delphinophori, ut falcataę, quales describit Cæsar cōtra Venetos. Et trocheliophora nauis, quę uocari uidetur ab Halicarnaf. Dionys. lib. Rom. antiquit. iij. his uerbis de Tyberis ostio agenti: Naues, inquit, actuarię quotcunq; adesse aliquando cōtigit, atq; ex onerarijs usq; ad trocheliophoram per ostiū eius intrant. Sed cum gręci exemplaris copia mihi ad præsens nō suppetat, quid dicā aliud nescio, nisi qđ hoc nomen nō succurrit alibi legisse, nisi quis fortē trocheliophorū legat à *ῥοχάριον*, de quo in mali partib. actū est, & quod *ῥοχαιτίπρις* partes ait ad nauis puppim Phauorinus. Fuerat quoq; animus hoc tibi loco adscribere, quę sint nauigationi idoneę tēpe

states, quæ uerſe: ſed cū eæ ſint nō modo ab aſtrologis, ſed & rei militaris & ruſticæ ſcriptoribus literarū monumentis diligentiffimè mandatæ, non hic ea repetere uiſum eſt. Sed & illud fuerat in animo afferre, quatenus hominum notitiæ orbis ex nauigatione cognitus fuiſſet, eac̄q̄ præſertim afferre quæ Plin. ad ſua uſq̄ tempora librat. hiſt. ij. cap. lxxix. cōmemorat. Verum cum mecū reputo, plurima adeo noſtro tempore addita eſſe, ut ſi omnia quæ uel audiui ab ijs qui interfuerunt, uel quæ ab alijs ſcripto prodita ſunt referre uelim, nō iam libellum, ut nos meditamur, cōſcriberemus, ſed ingēs & infinitum propè uolumen, quod tamen etiam à pleriq̄ factum eſt: quare ut ab illo, ita & ab hoc labore ſuperſedendum duxi, meq̄ potius ad ſingularia nauū uocabula cōuertam.

Varia ac multiplicia nauigiorum uocabula. Cap. XVIII.



NUNC, ut à principio statim polliciti sumus, iam uaria nauigiorum uocabula colligamus, in quib. recensendis id mihi ignoscendū, si quid præterisse uisus fuero, grauiissimis, ut probè nosti, oppressus molestijs, atque adeò, ut uerendum sit ne dum naues cōstruo, quasi in portu, quod aiūt, naufragiū uitę faciā. Quare si priscos accepimus cum nauigationē incepturi essent, deis suis uouere quæ cuiq; in mentē uenerant, id qđ manifeste ostēdit Aristides Adrianus orator in eius orationis exordio, quā de laudibus urbis Romæ cōscripsit, & Apollonius poëta cum Iasonē inducit preces & uota nuncupare Apolloni *ἑμβασίῳ* & *ἑπικηρίῳ* cum nauim esset cōscensurus, & *ἑμβασίῳ* eidem Apollini descensurus; cur non ego nunc CHRISTVM precer infirmus, ut bonam faustamq; mi-

hi præstet nauigationem. Ergò adhis
 CHRISTE mihi præsentì tuo numinè,
 qui discipulorū nauiculas inter fluctus
 direxisti, desq̃ mihi superatā ignoran-
 tię caligine, in portum sospitem in colu-
 memq̃ classẽ deducere.

Acatus igit̃, ut ab hoc incipiã, genus
 est nauigij, à uerbo *ἄνω ἀκτος*, et *α* adiecta
ἄκατος, uel, ut alij putant, quasi *ἀπ' ἀκτῆς*,
 hoc est, qđ circa littora ferat̃, unde etiã
ἐπακτῆς uocat̃. Est autẽ actos genus na-
 uigij, ut scribit Theophilus: unde & *ε*.
πακτῆς, quę & *πορθμῆς* dicta est. Idem
 tamen alio loco *πορθμῆιον* ipsam appella-
 uit, ad amnes trañciendos idoneã, ex
 quo & *naulum* ipsum *πόρθμῆιον* dicitur.
πορθμῆος uero fretum significat, ut uel ex
 Mela Pomponio notũ. Sunt qui ean-
 dem *επακτῆν* & *carabon* dicant, unde
 forma hypocoristica *καράβιον* à Græcis
 deducitur, ex quo nunc uulgò *carabel-
 læ* uocitata. Sed & ab *ἐπακτῆς* alia nauigij
 species facta est, quę *ἐπακτῆροκελίς* uo-
 catur,

catur, quæ latronū ac piratarū esse traditur, quod idem Theophilus scribit & Suidas: duæ quippe in unum nauiculæ epactris & celes iunguntur, ut etiā infra dicemus. Verū ut ad acaton redeam, cuius & Aufonius illo trimetro meminit, Acatis, phafelis, lintribus, sflatis, rate. ab eo formatur diminutiuum acation, quod actuarij genus est nauigij, cuius & noster Plinius in nono meminit, ut castigat Hermolaus. Meminit & Oppianus, ubi de nauilo pisce loquitur. Meminit & acatij Plutar. & Tertullianus in Marcionem. Suidas acation ait genus esse piscatorię nauis. Acation Thucydides uocauit amphericon in iij. Meminit ampherici & Suid. & gręca in Thucydidem scholia, quę scribunt illud ideo dici, qđ remigatiū quilibet duob. remis uteretur: hoc est, ambireme, si latinę liceat. Torquet me interdū scriptorū uarietas, ut quo quancq; nauē nomine

appellem, ambigã, & plerũq; nesciã, ut est de hoc acatio, de quo nobis in præsentia sermo est: eo enim nomine Cæsaris nauem Plutar, uocat, cum apud Pharum Alexandria enataret. Tranquillus uero eandem historiã tractãs, scapham, Hirtius nauigium nominat: quo fit ut satius duxerim sæpius græcis uti uocabulis in tanta autorum uarietate, & eò maxime, cum alioqui eruditos hac in re hallucinari uideam, & Cimmerijs, quod aiũt, tenebris inuolui: atque ideo hoc te loco monere uolui, ne fortassis admiratione afficerere, si græcis ipsis nominib. frequentius uitor. Ad institutum redeo. Pollux & Isidorus, ut pridẽ ostendimus, nauis uelulum maximũ acation uocant. Sed nec illud omittendũ, quod Procopius lib. iij. achaten nauis genus facere uidet: quod cum ita sit, non uidetur antiqua Plin. lectio interpolanda, ut fit ab Hermolao, quæ ita habet: Concham achate mo-

tæ modo carinatam. Procopij hæc uerba à me expressa: Naues quæ à Græcis acharæ uocantur, fabricatas, & eas quidem apertas, longurijs cõnexuit. Meminit idem autor & alibi.

Actuarię naues celeres dicuntur, ut ait Nonius, quod citò agi possunt, uel ut alij, quod remis agantur. Isidorus tamen & alij nõnulli grāmatici, quod uelis simul & remis aguntur. Meminit & Gell. Sunt qui *πρόπλος* uel *ἐπιπερίδρας*, uel ut alij legunt apud Gelliũ, *ἐπιπεραλίς*, quod scilicet propter littora agantur. M. Tullius ad Atticum actuariolas uocat. Est et in hoc genere actuariarũ *κωπήρις*, quæ remo agitur, quarũ mentio est apud Plutarchum & Thucydidem in iij. à remis nomen inflexum est. Dicuntur & actuaria genere neutro, ut ex Cicero colligimus & Cæsare, qui ait in primo bell. ciuil. Atque ijs expedito loco actuaria nauigia reliquit. Cic. ad Atticum lib. x. Quid duro tempore anni

actuaria fore cenſes?

Alueus inter cætera quæ ſignificat, quæ à grāmaticis collecta ſunt, & à nobis inter uafa repetita, interdū etiā pro nauigio rudi, & quocūq; modo confe-
cto capit. T. Liuius lib. i. de Romulo et Remo: Tenet, inquit, fama, cum flui tantē alueū, quo expoſiti erāt pueri, tenuis in ſicco aqua deſtituiſſe; lupam ſitientē ex mōtib. qui circa ſunt, ad puerilem uagitū curſum flexiſſe. Quē alueum hoc loco Liuius, ſcapham Plutarchus uocat. Propertius poëta:
Aut quidnam fracta gaudes Neptu-
ne carina, Portabat ſanctos alueus
ille uiros. Salluſt. in Jugurtha: Hiꝫ alueos nauū inuerſos pro tugurijs habuere. Hinc pro monoxylo apud auctores alueus deſumitur.

Aulonæ naues ſunt apud Ethicum Hiſtrū, quę in aulae formā conſtructæ ſunt, non fortalsis his diſſimiles; quas patrio ſermone noſtrates bucētauros uocant,

uocāt, Ethici uerba sunt hæc; Ob hoc, inquit, aulonas nuncupauit, uelut maris, aut amnium palatia.

Autocabdalos nauis à Græcis dicit̃, & autoschedios rudis, & que subito & ex tempore facta est, Theophilus quidem & Suidas de polenta id uocabulū dici prodiderūt, ut primū ex farina cōfecta est. Idem repetit Phauorinus.

Barcas naues, lamēs nauibus non esse similes, Ethicus Hister autor est. Harū & Herodotus meminit in Terpsichore. Hodie quoq; hoc ferè nomine nūcupant̃ uulgò Græcis æquè atq; Italis. Sunt qui ab urbe Barce cognominatas putent. De his utiq; sic Isidorus; Barca, inquit, est quæ cūctā nauis cōmercia ad littus portat; hanc nauis in pelago propter nimias undas suo suscipit gremio, ubi autem portui appropinquauerit, reddit uicem barca nauis, quam accepit in pelago.

Baris nauigij genus apud Ægy-

ptios, ut scribit Ammonius. Huius & alibi meminimus. A Græcis etiã nũ epi bathra nominat, etsi scalas etiã nauticas *ἐπιβάτεια* significat. Sed et *ἐπιβάτης* pro nauulo & mercede ascendende nauis capitur, quo modo apud Apoll. in Argon. interpretes & Phauorinus exponunt. De bari uero naui cum alijs, tum Diodorus & Herodotus meminere, & Propertius illo uersiculo: Baridos & contis rostra liburna sequi. In græcis *Βάρειος* & alia multa significat, quæ nō sunt nostri instituti.

Byrsopages nauis è corio cōpacta, cuius & alibi est facta mentio.

Camerae genus nauigij, acation uocat in xi. Strabo, lembum uertit interpret. Arctæ uero sunt naues & exiles, ut idem scribit. Iis utuntur Heniochi populi, et Bosporani Cimnerij, ut plurimũ latrocinantes. Capaces hæc sunt xxv. hominũ, & xxx. ad summũ. Describunt quidã cameræ à Cor. Tac. lib.

lib. hist. xix. Cum em̄ de Trapezunte urbe pontica ab Aniceto liberto capta ageret, ita ait: Quin & barbari cōtemptim uagabant̄, fabricatis repēte nauibus, quas cameras uocant, arctis lateribus, latā aluū sine uinculo gr̄is aut ferri cōnexā, & tumido mari prout fluctib, attollit̄. Summa nauū tabulis augeht, donec in mōdum tecti claudantur: sic iater undās uoluunt̄, pari utrinq; pro ra & mutabili remigio, quādo hinc uel illinc appellere indiscretū & innoxīū est. Atq; hęc quidem ille. Sedenim ab his ferē diuersam scribit Ethicus Hist̄ cameraā, qui ob hoc eam itā nūcupatam ait, quod camelorum morē in mediō cūruo colcherio (ut eius uerbo) quasi cameli gibbum, fenestras obliquas & modicas ad uentorū receptacula haberet, camera fursum consuta, unde nomē, corijs magnis cōiunctis. Ea nauī primum usus est Cecrops, ut idem est autor, qui & alia ple

raque superaddit, quæ hic ego breuitatis causa omisi.

Carinam quoque nauim idem Ethicus existimat, dictamque ait quasi curri-
nam : cum alij scriptores non nauem eam
esse, sed nauis fundum prodant, ut ante
docuimus.

... Cataphractarum nauium apud utriusque
linguæ scriptores crebra mentio: ita ue-
ro appellantur quæ in prælijs nauali-
bus obteguntur obarmanturque, ne ab
hostibus facile lædi queant. Has quidem
Latini tectas uocant naues, quarum fre-
quens mentio. Cæsar de bell. ciuil. Mas-
silienses usi L. Domitij consilio, naues
longas expediunt, numero xvij. qua-
rum erant xi. tectæ. Dicuntur & constratae
ab eodem Cæsar. et Cic. Hirtius: Ma-
gnoque, inquit, impetu quatuor ad eam
constratae naues & plures apertæ con-
tenderunt. Et cum his emphracta na-
uigia reponemus, quæ & ipsæ quod un-
dicque tectæ sint, *πρότερον ἐμφρακτῶν* deriuantur:

sicuti

sicuti è cōtrario aphracta, quæ aperta à Latinis uocantur. Hoc nauium genere in primis Rhodios usos legimus. M. Cicero in epistolis ad Atticū; Nos Rhodiorū, inquit, aphractis cæterisq; longis nauibus trāquillitates aucupaturi eramus. Meminit idem alibi, nec semel in eisdem epistolis; ex quibus locis facile colligimus, minus eas maris procellosi fluctus perferre posse. Pro aphractis tamen in quibusdā uetustis exemplarib. acta legi cōspicimus, quā lectionē & fortassis aliquis nō aspernetur; *ἄκτος* enim nauigij genus pridem diximus. Emphractorū uero Iuriscōsultus in tit. de exercitatoria act. meminit, quo loco passim emphatae mēdose legit. Vlpiani uerba hæc sunt: Quædā em naues onerariæ, quædam, ut ipsi dicunt, emphractæ sunt. quo in loco, ut solent, delirāt interpretes. Budæus tamē uir eruditiss. embatae uel epibatæ repone posse existimat, sed cuius id fulciat

autoritate, ingenuè se non habere fate-
 tur. Alius Budæi, ut puto, uestigijs in-
 nitens, *ἐπιβάτης* seu *ἐπιβατικός* castigat, ut
 uectoria nauigia significet: uerum nec
 ipse testes, ut solet, magnos hac in re
 affert, & perinde minus probat. Nec
 me quoque fugit alios magna magnis
 uoluminib. promittentes, adeò in hac
 Budæi uocè èmbate delirasse, ut etiam
 Iuriscōsulti uerba Plinio attribuerint.
 Iam ad nostra redeo. Tectasnaues lon-
 gas à Thasijs repertas antè diximus.
 T. Liuius, & Hirtius, alijsq̃ scriptores
 Latini, tectarum & apertarum nauium
 frequentius meminere. Hinc etiam
 Græci nauphracton classem ad præ-
 lium instructam appellarunt. Solent
 etiam in triremib. ampla quædã adhi-
 beri foramina oculorū instar, quæ &
 nauphracta dicuntur, per quæ remi in-
 serunt, ut Suid. ait. Aristophanes in fa-
 bula Acharn. Tu per deos nauphra-
 cton inspectas homo, hoc est, ut ipse
 ait,

αἰτ, πῶς τῶν θεῶν ἀνθρώπων ναυφρακτορ βλέπεις.
 Est em̄ ænigma, nauphraçtũ uides, de
 ijs qui latè uidēt. ut planius in ænigma
 tōn libello, ad Picũ pridē scripsimus.

Canea genus nauis apud Indos per
 exiguũ, excisum, cauatumq̃, ex unico
 arboris trunco, duorũ uel trium homi
 num capax. Sunt qui id quasi ex cau
 dice & factum & dictũ autumant. Sed
 planè uox est Indica, sicut & iunca, q̃d
 nauigium est ex palmarũ folijs futum,
 ut diximus. Vtroq̃ quidem Indicæ &
 barbaræ nationes hodie uti tradunt,
 quod Lusitani ac Hispani nautæ pari
 uoce testantur. Quidam & canoam et
 caneam eandem statuunt.

Cantharus genus est nauigij à ua
 se, ut ego quidem facile crediderim, ap
 pellatum. Nauigij quidem Suidas &
 Aristophanis interpretes meminere.
 Suidæ hæc uerba: Canthari nauigia
 naxiurges dicta, quod in Naxo facta
 sint, ut nũc σιλφας uocāt. Acatiorũ uero

speciem quandā habere Cratinus ait, eo quod aliquādo mari Naxij imperitarunt, et ipsis usi sunt cantharis. Subdit idem, nauū appellationes factas ab ijs in quibus repertæ sunt urbibus, ut quos nunc lembos, naxiurges uocabant. Eadem & causa cnidiurges naues Cnidia, & cercyrā à Corcyra, & à Paro paron. Hæc ergo ille, quē secuti sunt Phauorinus et Aristoph. interpretes. Porrò & cantharus alia significat, quæ tum græci tum nostri explicuere.

Chalcembolon nauigiū uocāt Græci cuius gratū sit rostrū, & quod purgationi aptum est. Rostrum quoque nauis masculino genere interdum chalcembolus uocatur, ut antè diximus.

Cataplus genus est nauigij mercatorij. Val. Martial. in xij. Cum tibi Niliacus portet crystalla cataplus. et Aulso, de Narbone: Per freta cursu Aduehit, toto tibi nauigat orbe cataplus. Ea uoce usus est & Sidonius Apollina

ris. Julius quidem Pollux pro navigatione ipsa in i. lib. desumere uidetur, et cum eo græci historici, inter quos Xenophon primo Hellenicôn, ne te pluribus onerem.

Capulicæ seu caupulicæ naues sunt apud Gell. à capuli forma, uel à capiendo denominatæ. Cattæ, nuçtaciæ, uel nuçtuciæ, et mediæ, nauium genera apud A. Gelliũ, etsi in plerisque Gellij codicibus perperam legantur. Mediæ quidem à Medis populis inuentæ creduntur. Midion Põpeius in myoparone memorat. Videor opere precium facturus, si uerba Gell. hoc loco adscripsero quo potero castigatiora, ne mihi sæpius citanda sint. Sũt ergo hæc ex lib. x. cap. xxv. Nauium autẽ, inquit, quas reminisci nũc potuimus appellatiõeshæ sunt: gauli, corbitæ, caudicæ, longæ, hippagines, cercuri, celoces, uel ut Græci dicunt κελυτάρ, lembus, ὠκείαι (uel ut alij legunt oxia) remunculi (uel potius lenun-

culi, etsi alij remeculi legere malint) actuariæ quas Græci ἰσοόπυς uocant (alij πρόπυς uel ἰπακρίδας. Sunt qui castigent ἰπακρικίλπυς βαρῆς) profumiæ, uel Geseoretę (aliqui Geforetę) uel orioleę (uel ut alij, oriaę uel orioles) cattæ, scaphæ, pontones, nućtuciaę, mediæ, phaseli, parones, myoparones, lintres, capulicæ (seu caupulicæ) mareplacidæ (seu marceplacidæ) cydari (Pollux cydari & cydali) ratariaę (alij ratiariaę) catafropiũ. Hæc ille totidem uerbis, addita diuersorum interpolatione.

Celox est nauigium breue, ut scribit Nonius, dictum à celeritate. Gellius celoces appellari ait, quas Græci celetes, ut modo dicebam, unde apparet error Sipontini qui celotin in nauigijs cõmemorat. Huius meminit & Isidorus, etsi mendosus sit codex: nam celones, inquit, quas Græci celenas uocant, cum celocēs & celetes legendũ sit. Ennius: Labit unćta carina per
 aquora

æquora cœlocis. Celetis uero
 meminit Pollux in primo. Dicitur &
 forma diminutiua κελύπιον, qua uoce u-
 sus Xenophon & Appianus. Hinc &
 ἐπιπλοκέλης nauis prædatoria Aristoteli
 & Suidæ. Thomas uero Magistri, ubi
 de Atticis agit dictionib. Celes, inquit,
 nauigiolum nauibus tractū, quod &
 celetion dicitur. Epactroceles autē ma-
 leficum est & prædatoriū nauigiū. Hęc
 Thomas. Idem et plurib. Ammonius,
 Meminit epactroceletis Æschines in
 oratione aduersus Timarchum. Epac-
 tridos uero Xenophon, qui & in pri-
 mo Hellenicōν κέλπτε ἰσχυρικόν, quod
 remis ageretur dixit. Verum ut ad ce-
 locem redeamus, hanc Plinius à Rho-
 dijs inuentam scribit. Fulgentius: Ce-
 locem, inquit, genus nauiculæ modi-
 cissime, quod blannā dicimus. Fulgen-
 tij uetusta exemplaria non blannā, sed
 lembum habēt. Apuleius in lib. de re-
 pub. qui celocem regere nequit, onera

riam petit. Meminit & Plautus. Sunt qui celocē id genus nauigij existimēt, quod uulgato sermone brigantinum, uel galeam subtilem uocitamus.

Cercurus nauis est Asiana, ut legimus in castigatis Nonij exemplarib. in antiquis enim cercerus legebat̄. Sane cercurus nauis fuit praegrandis, cuius Plautus meminit in Sticho, dum inquit: Percunctor portitores ecquae nauis uenerit ex Asia, negant uenisse. Conspicatus sum interim cercurum. Item ibidem: In cercurum, in stegam: etsi exemplaria pleraq; cercerum, non cercurum habent. Sed & Gellius in x. cercurum agnoscit. Nonius super hac re Lucillium citat. Meminit & T. Liuius. Cercyram etiam uocari hanc nauem arbitramur, & ut supra notauimus, à Corcyraeis inuentā, ut naxiurges, medias & parones, à locis. Cercyram quoq; Plin. in vij. uocasse uideſ, eamq; à Cypris inuentam ait. Ego ex

Suida alijsq; scriptorib. non à Cyprijs, sed à Corcyreis libentius legerem. Eo quidem loco & Hermolaus idem sensisse uisus est : cercurum tamen ipse legendum probat, idq; ex Strabone, caudatamq; nauē interpretatur. Cercuri quidem & Suidas meminit, & Harpocratio, Sed & Dinarchus rhetor in Tyrānico. Porro si amplius quisquam circerū legendū putet, à Circeis id deflectat, id quod aliquibus placet.

Catacopsiū apud Gelliū speculatoria nauis est. Eiusdem meminit & Hirtius & Isidorus. Quidā *κατασκοπιὰ* uocant, ut Plutarchus. M. Tull. ad Atticū alicubi episcopiū uocauit. Conscendēs, inquit, ab hortis Cluuiānis in phaselū episcopiū. Idem in v. Habebā & aliud episcopiū. tametsi quidā utrobique *ἐπίσκοπος* legant, alij catacopsiū. Latini hoc omne genus nauium tum exploratorias, tū speculatorias uocāt. Has uero cōiicimustales fuisse, qualesque nostra

tempestate brigantini nominant̄. Nauium uero hoc genus inuentū ab ijs quidem scribunt, qui Diomedearum insulas incolere. Has etiam Græci *περραι πους* uocant, ut est apud Thucydidem & Suidam.

Caudicariæ naues, quas codicarias etiam appellat consuetudo, ut Marcellus ait, eò quod usui sunt in fluminibus, idè ex Sallustij historijs adstruit. Varro uero, quòd, inquit, antiqui plures tabulas cõiunctas codices dicebāt, à quò in Tyberi naues codicarias appellamus. Has à Latinis quidā inuentas prodiderūt. Eæ quoq; caudicariæ uocant̄, ut est apud Gell. qd caudicem & codicem dicimus: unde & Caudex appellatus fuit Appius Claudius. Eadem scribit Seneca in lib. de breuitate uitę. Sed hac de re memini me plura in annotationib, obseruasse in libello, cuiusuis sit, uirorū illustriū, in quo male legitur audax, pro eo quod est App. Claud.

Claud. Caudex, Sed & Pomp. Festus caudicarias naues ex tabulis crassioribus factas scribit. Sunt & qui caudicas uocēt naues, quæ ex uno ligno cauate sunt, quæ & quatuor ad decem usque homines capiūt. Caudecæ uero cistellæ dicuntur ex iunco, à similitudine equinæ caudæ. Festus autor.

Corbita genus est nauigij tardū & grande, dicta à corbe corbita, quod uelicet in summo eius malo ueluti corbis pro signo suspendat, ut scribit Fest. Plautus in Pcenulo: Tardiores quàm corbitæ sunt in tranquillo mari. Meminit & Cic. in epistolis ad Atticum. Corbitam ab Hippio Tyrio iuentam tradunt, & eandem cum oneraria faciūt. Nam & Nonius onerarias ex oneribus tardas scribit, atque ab his appellatas. Corbitare Plautus in Cas. dixit, pro eo quod est cōplere uentrem. Nō ui, inquit, ego illas ambas estrices, corbitant ubi comesse possunt.

Comistica nauigia à Græcis dicta, in quibus quæ ex hostibus capta sunt spolia deportantur, ut est apud Hyperidē, id Suidas ἀλιζήσ. Naues uero quæ in hominum potestatem uenerunt, uel depressæ cum ipsis hominibus, αὐτοκραυδῆσ ναῦς uocat Pollux, & Diodorus in primis: tametsi & de alijs quoque rebus dicere possimus, ueluti de curribus, ut apud Lucianum ἀμαξῆσ αὐτοκραυδῆσ uocantur, & simili figura αὐτοφόροι νῆσ.

Cymbam Phœnices inuenere, ait Plinius. Parua est nauicula, in medio latior. Eius nomen inter cætera nauigia cōmemorat Nonius, & super id citat Ciceronem & Aphranium, unde etiam uascymbion, de quo plura inter uasa. Festus quidem κύμβιον græcè, dici latinè cymbam existimat. M. Tull. in iij. de officijs inter piscatoria reponit nauigia. Isidorus easdē existimat, lembum & cymbam & caupillum.

Chollones

Chollones naues sunt miræ magnitudinis, uelocissimæ, sursum erectæ in altum, ductiles, pellibus ursarū & hircorum in altum quasi colla, circumdatæ, paruis fenestellis, quæ sunt uerba Hieronymi in tralatiōe Ethici Histri. Sed ne huiusmodi nauis mentionem aliubi factam reperi, nisi quod Isidorus Hispalensis chellonas uocat. Sed an chelones potius utrobique legendum à testudine sit, non statuo.

Cybæa. Est & cybæa nauis nomen apud unum Ciceronem in Verrinis. Nauem uero, inquit, cybæā maximā trirémis instar, pulcherrimā atq; ornatisimā palam ædificatam sumptu publico. & reliquā quæ subiūgit. Erat autem prohibitū, ut in qua quis prouinciam administraret, nauē fabricaret, id quod & idem ipse Cic. innuit. Extant & hac de re leges. græca porrò uoce est *κυβία* nuncupata, ut calliditatem uafri-
ciemq; suā ostenderet prætor Verres.

Dicrotæ & dicrota, hoc est, fœmini
 no ac neutro genere, dicuntur nō mo-
 do Latinis, sed & Græcis, quæ & *διήρης*,
 hoc est, biremes, licet id quidam infi-
 cientur, dictæ, à duplici uidelicet remo-
 rum ordine; sint licet inter eruditos
 qui eas naues interpretentur, quæ duo-
 bus gubernaculis à prora pariter &
 puppi regantur. Meminit M. Cicero
 ad Atticū; Nam & ipse Domitius bo-
 na habet planè dicrota. Hirtius seu
 Oppius in quarto de bell. ciuil. Capit
 ex eo prælio pentiremem unam, trire-
 mes duas, dicrotas octo, Vtitur & u-
 troq; genere Appianus; ut cum ait in
 Mithr. *ῥοδία δίηρης ἐπ' αὐτὴν ἀνέχθη*. hoc
 est, Rhodia dicrotos in eam inuecta
 est. Neutro tantum Pollux, & Poly-
 bius, & Cic. Dicunt & *μονήρητος* Græci,
 ab uno uidelicet ordine, ut est apud
 Xenophontem in primis & Strabonē.

Dromones quoque naues sunt, ut
 Ethicus Hister scribit in v. quo loco
 nauium

nauium multarum nomina leguntur. Casiodorus in lib. uariarum, earum etiam meminit, ut opportunarū ad rem frumentariam cōuehendam, & ab his dromonarios uocat earum nauicularios. Meminit & dromonum Procopius libr. iij. de bell. Goth. qui & eis à Bellifario propugnacula addita ad arcendos hostes ait, cum obsessis Romanis à Totila opem ferret. Idem meminit in alijs historijs. Isidorus dromones longas naues uocat, quæ quoniam fugæ cursuque aptiores sunt, *καὶ τὸ δρομὸν* dictæ uidentur: nos cursorias interpretari possumus, ut & nonnulli in uertendis græcis interpretati sunt. At quidē dromades Iul. Pollux holcades uocauit, ut mirum sit cur Fulgentius prodiderit lembum *δρομὸν λέμνον* uocari, ut alibi dicā. Sanè & dromones pisces quospiam Plinius xxxij. nat. hist. uocasse uisus est, quos an easdem esse quos & *δρομὸν λέμνον*, id est, cursiones, nunc nō sta-

tuo, sicuti & in genere camelorum. Liuius de bell. Maced. Dromades, ante hunc, inquit, equitatum falcate quadrigæ, & cameli quos appellant dromades. Ab his ego puto in sacra historia dromedarios uocari.

Fluuiatiles naues, quibus in fluminibus usus est, ut uel ex Liuiio didicimus, qui ait Patauinos cōtra Cleonymū Lacedæmoniū processisse. Pars, inquit, fluuiatiles naues ad superanda uada stagnorum aptè planis alueis fabricatas &c. à Græcis *ποταμια πλοία*. In hoc genere lintres, cymbæ, pontones, & huiusmodi multæ.

Geraria nauis à Plauto dici uidetur quæ & oneraria, uel mercatoria uocatur: ita enim in Mercatore scribit: *Ædificat nauim gerariam, & merces emit.* Dicta uero uidetur à gerendis & deuehendis mercibus; ut *φορτίς* & *φορτυγίς* à græcis à deferendis oneribus, ut alibi dicemus. Solinus uero gerulam nauē appellat

appellat cum ait: *Navis à Phrygia gerula sacrorum. &c.*

Gaulus genus est nauigij, ut ait Festus, penè rotundum, & ut Græci scribunt, γαυλὸς βαρυτόνως γὰρ εἰδὸς φασὶ πλοίου στρογγύλου. hoc est, gaulus cū graui accentu in fine, speciem aiunt rotundi nauigij, cuius & apud Comicum usus. Meminit & Gellius, & Pollux, qui & illum inter uasa reponit: sed & Suidas alijq̄, ut in uasis retulimus. Sanè inter scriptores uideo non conuenire. Quidam enim inter Italos, gaulum inter parua nauigia connumerant. Galli nonnulli inter magna, quomodo Herodotus & Plutarchus. Porrò ne quid à me desideres, γαῦλον cum circumflexo in priore syllaba, Phœnicum est nauigium. Callimachus poëta: κυπρόδι σιδωνίως με κατήγαγεν ἐνθάδε γαῦλος. Alij quidem nauigium ad deferenda onera, hoc est φορτικόν dicunt, alij triremis speciem dictam, πικρὸν τὸ γῶ, quod capio significat,

quod scilicet multos capiat, ut in *iiij. histor.* ostendit Herodotus. Est etiã prædatorij nauigij species, quæ & Liburnica uocatur, ait Phauorinus. Cætera in uasis retulimus.

Halias nauis est maritima, apud Græcos notissima, ab ipso ut liquet mari appellata, scapha scilicet. Sũt qui eandem cum piscatoria faciant, hoc est, *ἐλεστικὸν πλοῖον*, certe & à nostris piscatoria dicitur. In hoc genere reponũtur cymbæ, scaphæ, horiæ, lemunculi. Marcianus *Iuricons.* de fund. instru. nauicellas piscatorias, *Liuius* naues appellat.

Hemiolus, uel *hemiolia* nauis, hoc est, *ἡμιόλος, ἢ ἡμιολία ναῦς* apud *Polybium* & *Appianum*, unde & *trierhemioliæ*, quarum *Athenæus* in *v.* & *Polybius* meminerunt. *Quidam* biremẽ *hemiolum* uel *hemioliam* interpretati sunt. Sed certè *hemiolius* à mathematicis ea est proportio quæ à Latinis *sesquialtera* uocatur, quæ uidelicet totum & eius dimi-

dimidium comprehendit, ut ad tria, quinque, xv. ad x, xxx. ad xx, ut Gellius & Boëtius alijque docent; unde fortassis potuit navis hæc appellari. Hanc piraticam esse nauem docet Suidas. Phavorinus uero & *δίκροτον καὶ ληστρικήν.*

Hiberiota navis est oblonga, sed arcta, ut his uerbis testatur Ethicus Hister: Hiberiota, inquit, navis qua Hyrcani utuntur, longitudine prolixa, latitudine coarctata: hanc ego ab Hiberis Scythicis uocitam autumo.

Hippagines latini, græca licet uoce, naués uocant equiscouehendis aptas, ut docet Festus: meminit & Gellius. Græci *ἵππαγωγούς*, ἢ *ἵππηγούς* nuncupant, Pollux & Festus. Hippagogos etiam uocat T. Liuius, & Herodotus, qui & hippophoras eas in Erato dicere uideatur. Sunt qui hippagum ab hippagine differre existiment, sed parū certis rationibus mouētur, quas ideo nec ego refero. Hippagum, scribit Plin, in vij.

inuenere Salaminij, aliij Athenienses: eo licet loci libentius hippagon Hermolaus reponat, Est & apud Isidorum mētio hippagogi, sed perperam in per uulgatis codicibus hippogauum legitur, pro hippagogo.

Horia nauis dicitur piscatoria Nonio Marcell. quā & Gellius *ἱπποβοσκίης* horiolam uocauit in scapharū numero, Plautus in Rud. Saluete horia in mari fluctuoso, Idem ibidem: Mea opera, labore, & rete & horia. Sunt qui apud Gellium quo loco *ὀξεία* legitur, horiam reponant, Siptōtinus oxyam, & longam nauem fuisse putat, ego ce- lerem uel acutam potius, quo modo frequenter apud Græcos inuenimus *ὀξεία πλοῖα*, id est, acuta nauigia, ut apud Appianum in Illyrico, cum ait: Vnde & nunc Romani oxea dicunt liburnidas uocant. ego tamen hic nihil statuo, Fulgentius quidē ad Chalcidium: Horiam, inquit, dicunt nauicellam

cellam modicam piscatoriam. Vnde Plautus in Sticho: Malo hunc alligari ad horiam, Ex quibus omnibus apud Ammianum Marcell. libr. xvij. hist. melius legemus horiæ naues, quæ quod uulgò usoriæ. Sunt & qui potius sine spiritu afflatuque dictionem hanc scribant.

Iulopeza, nauis genus à Suida, alijsq̃. Nihil præterea de ea comperi.

Lamias naues in directum prolixas describit Ethicus Hister, easq̃ nomen à uelocitate sortitas prodit, à fera uidelicet lamia, ut reor, cuius Aristophanes & Suidas meminere.

Lembus nauicula breuis piscatoria, ut scribit Marcellus. Apud Liuium tamen & Polybium & Diodorū, etiam ad belli usum positam inuenimus. Fuit hæc inuenta nauis à Cyrenensibus, ut prodit Plinius. Meminit huius Verg. lib. primo Georg. Non aliter quam qui aduerso uix flumine lembum.

Remigijs subigit. Fulgentius: Lembus est, inquit, nauiculæ genus uelocissimæ, quam *σποικίλον* dicimus. Lembum & cymbam simul enumerat Isidorus. Extat & græcum epigramma Antipatri Thessali in lembum cognominatum Soterichū, in cuius nomine ludit, quod nemo in eo nauigās seruari possit. quod epigramma ex ij. libr. hic tibi utcunq; exprimā: Lembus erat nautæ Soterichus, at nec in illo Seruari magnus Iupiter ipse potest. Nomine nam solum est Soterichus, ingredientes Nancq; petunt terram, seu mage Persephonem. Sanè ueteres à lembo sticembū per contrariū tardum & grauem dixisse legimus, ut obseruant grāmatici, qui & lemnunculū, seu lenunculum (utroq; enim modo legimus) idem esse cum lembo tradunt, cuius Sallustius hist. lib. ij. meminit. Primo indicit fortè per noctem in lenunculo piscantis, Addit & alia Nonius

nus. Ammianus lib. xvi. hist. Auído, inquit, flatu uentorū lemnūculo se cōmisisse piscantis. Meminit idem alibi. Cæsar lib. ij. bell. ciuil. Pauci lemnunculi ad officiū imperiūq; cōueniebant. Corn. Tacitus lib. xiiij. de Agrippina Neronis matre enatante: Nando, inquit, deinde occurſu lemnūculorū Lucrinū in lacum uectam, uillæ suæ inferunt. Nō fortassis dissimiles sunt lemnunculi ab his quos patrio sermone nos Ferrarienses, sandalos seu sandaletos uocamus: nam & robustiores incōditosq; & maiores, super quos in Pado aquatica molendina construimus, sandones quasi sandalones uocamus.

Liburnæ, ut Ethicus Hister (cuius antiquitatis historias ab Hieronymo ex græco cōuersas in hoc libello sæpē citauimus) scribit, naues sunt negotiatorum. Idem & Isidorus prodit. Citas uero & ueloces, ut dromones, & inter maris procellas admodū necessarias,

ſidem Hiſter & Iſidorus tradūt, in Li-
 byaꝝ repertas: niſi potius legendū ſit
 Libyrnia: nā in Illyrico Appianus A-
 lexandrinus à Liburnis ait populis in-
 uēntas, qui huiuſmodi nauibus latro-
 cinia exercebāt: unde, inquit, etiā nūc
 leuia & oxea, id eſt, uelocia dicota, li-
 burnides uocant. Idem & in illj. de re
 milit. Vegetius, qui illas ea Dalmatiæ
 parte inuentas ſcribit, quæ Andecrinę
 ciuitati ſubiacet: quo loco & idem ſcri-
 ptor eas copioſe deſcribit. Vocant̃ &
 hæ liburnicę, & liburnum, genere neu-
 tro. Lucanus: Ordine cōtentæ ge-
 mino creuere liburno. Hoc quidem
 nauis genere de M. Antonio & Cleo-
 patra Aug. Cæſar uictoriā eſt cōſecu-
 tus. Harū uero mentio eſt frequentiffi-
 ma tam græcis q̃ latinis ſcriptorib. Li-
 burnicæ, inquit Suidas, naues fuere;
 nō ad triremiū conformatæ ſpeciē, ſed
 magis prædatorię, roſtratę, & robuſtę
 & cōtectæ, quarū eſt uelocitas incredi-
 bilis.

bilis. Sunt etiã libernæ apud eundẽ & Phaurinũ, sed perperã, ut puto, nuncupatæ. Acron Horatianus interpres inepte has naues putat uimine contextas. Liburnus quidẽ apud Iuuenal. pro lecti cario uel lectica capi uidetur.

Lintres naues fluminales, ut ait Nonius, quas à Germanis inuentas legimus, qui Danubiũ sint accolæ, easq; ex integris arborib. cauatas, unde Verg. Cauat arbore lintres, tametsi eo loci fortassis nõ pro nauigio, sed pro alueo & uase cõmodius possit exponi. Sũt omnino lintres nõ ad longas nauigationes idoneæ, sed, ut Liuij uerbis utar, ad uicinalem usum paratæ, & ut idem subdit, nouasq; alias primũ Galli inchoantes cauabãt ex singulis arboribus, et propterea Plin. monoxylas lintres ait in vi. Tales certè ferunt Almadię quas uocãt, Nigrity Aphricę populi, alij uero Caneas, qđ noui orbis scriptores tradũt. Lintres quidẽ Isid. carabostocat,

de quibus in acato iam diximus, & Suidas in liburna. Hinc & diminutiũ carabion, & fortasse uernaculũ nauigiũ carabella. Sed carabus, quod retro nõ retuli, ut Isidorus ait, parua est scapha ex uimine facta, quæ crudo corio connecta nauigij genus præbet, qualibus, ait, utuntur Germanorũ piratæ in oceani littoribus, uel paludibus, ob agilitatẽ: de quibus historia, Gens, inquit Saxonũ myoparonibus, nõ uiribus utuntur, fugę potiusquàm bello parati. Haftenus Isidorus. Sanẽ sunt qui linterem per ypsilon scribãt, idẽ se ex Prisciano grãmatico colligere affirmãt, à λιντήρ, prima diphthõgi abiecta uocali, & n litera interposita. Significat etiam linter interdũ uas in uindemijs aptũ, quam uulgò nauaciam uocant. Meminit & Tibullus cum ait: Et mihi seruiabit plenis in linteribus uuas, Praesertim ueloci pinguia musta pede. A linter linterarios deflexit Vlpianus.

Longe naues quas Latini uocant, à Græcis μακρὰ πλοῖα, καὶ νῆον μακρὰ dicuntur. Has quidam scribunt à spina putrefacti piscis in littore ad cōstruendas per imitationem doctrinā esse desumptam. Longarū adeò crebra est mentio apud autores, ut auctoritatibus id ostendere sit superfluum. A quibus in uentæ tradantur, in prima libri parte monstrauius.

Marplacidæ, seu ut aliij legunt apud Gellium, mariplacidæ, uel marceplacidæ, naues sunt, quas à Siculis inuētas aiunt. de his nihil præterea.

Musculum describit Valturius in libris de re militari, curuū esse genus nauigij, quod apud Isidorū corruptè reor mululculū uocari. Sed cum pro naue musculū aliubi me legisse nō succurrat, nihil decerno. Veget. quidem lib. de re milit. iij. item Cæsar, & Ammianus, musculum pro machina militari desumunt, qua ad arces & moenia

demolienda milites plerunq; utuntur.

Meliacū nauigiū uocant Græci scrip-
tores, rimarū plenū: unde & prouer-
bium usurpatū, τὸ μελιακὸν πλοῖον, quod
sumptū uideri uolunt ex cuiusdā Ari-
stotelis historia Meliaci, qui cū dedu-
cendæ coloniae præfectus creatus esset,
& pleriq; cum eo ire detrectarēt uaria
causantes, hoc est, uel uxores egrotas,
uel naues esse rimosas ac fathiscētes, &
id ille animaduertisset, eis imprecatus
est ut uerè naues rimosæ fierent, & uxo-
rum imperia. Suidas hoc non Aristote-
li, sed Hippotæ attribuit, à quo prouer-
biū factū sit: id quod miror latuisse Era-
simū, qui & in eo etiā decipit, qđ putat
à *μολία* urbe Cariae factū adagiū, uel ab
arbore *μολία*; hoc est, fraxino, cum po-
tius à *μύλον* unā Cycladum deducatur,
à qua *μύλον* & *μολιῶν*, *μολιακός*, ut notat
Stephanus: res est notissima.

Monoxylon nauis species est ex solo
ligno cōfecta, ut etiā uox ipsa indicat.

Huius

Huius & Poll. lib. i. & Veget. lib. ij. de re milit. meminerūt. Hoc genus nauis *ἄστρον* Cyprii uocāt. Monoxylō quidē epithetō est aliquādo, ut est apud Pli. monoxylis lintrib. ut iā meminimus.

Myoparo piratarū nauis est, quod Nonius M. Tullij, Sallustij, & Sisenæ autoritatib. cōprobat. A Tyrrenis myoparo inuētus credit̃. Sex. Pompeius, Myoparo, inquit, genus nauigij ex duobus dissimilib. formatū, nam et mydion & paron per se sunt. Sunt quidem parones, quos & pirones uocat Ethicus Hister. His nauib. eodē autore Histro, utūt Albani, Meote, Maze tæ, Gangines. Hæ et alio nomine Tulchię uocant̃. Porrò Parones dictos Suidas innuit ab insula Paro, cui et Aristophanis interpretes assentiuntur, ut alibi ostendimus. Existimat uir doctus myoparonem dictum à myunte & paro, posthabita Festi sententia. Sed enim de Paronibus & Varro meminit.

Iamq̄, inquit, duos parones habebant instructos. Festus alio loco, parones, ait, nauium genus, ad cuius similitudinem myoparo uocatur. De eodem & Isidorus, quem ipse scriptorem, si castigatior habeatur, nō usque adeo improbarim. Poro, inquit, nauigiū piratarū aptum, & ex his ita uocatu. Cicero: Tunc se fluctigero tradit mandatq̄ paroni. Et alibi: Parūculis ad lītus ludit celerib. Myoparo, quasi minimus paro: idem & carabus, de quo repetē quæ antè in lītore scripsimus. Ad hęc, maiores & minores myoparones aliquando apud autores obseruauimus.

Nausum, gallicū nauigij genus fuisse innuit Ausonius in epistola ad Paulinum. Ut nauiso, inquit, aliāue quauis naue usq̄ ad oppidum præbita. Et idem ad eundem in iambico: Ut inde Nauiso deuehat.

Onerariæ, ut Marcellus ait, ex oneribus tardæ naues dicuntur, φορτωγῆς, &

φορταγωγοί, & φορτίδες à Grecis uocantur. Thucyd. etiã in vñ. πλοῖον φορτικόν dixit. Addit & Pollux, φορτίς & φορτικῆς, & βερεῖα τῶν. Notissimæ uero sunt naues onerariæ. Vocant̃ & hæ holcades, πλοῖον ἑλκίον, unde & lignū naui affixum ἑλκίον uocatum est, quo nauis trahitur, quod & poëta naui Argo attribuit. Thucydides mercatoriam nauem holcada facere uidetur. Huius & Appianus meminit lib. ij. bell. ciuil. Meminere & frequentius poëtae, ut Nicander & Oppianus. Sunt qui existiment has eas naues esse quas nauticum uulgus cochas appellat. Ab holcade aliud nauigij genus epholcion, & epholcias deducitur, quod maiorē nauem sequi solet. Meminit Theophilus, Suid. Moicopulus, alijs uulgò Ferrariæ battellū uocamus. Sanè epholcias per tralationem etiã conuiua dicitur non uocatus, sed à uocato adductus, qui & latinè umbra dicitur, & græcè σκιά, ut Plu-

tarchus in symposiacis et Suidastestatur: qualem fuisse Asc. Pædianū cum Blæso accepimus apud Apicium, & apud Horatiū poëtā Seruiliū & Vibidium, quos Mecenas adduxerat umbras. Item, Locus est & pluribus umbris. qua eadē loquendi figura uernaculo sermone usurpamus; uacubatio. Demū ne à proposita nauium descriptione recedamus, onerarię naues diuersa sortita sunt uocabula, à rebus, uide licet quę in ijs deferunt, ut à re frumentaria *αἰσχυροὶ* et *αἰσχυροὶ ῥῆες*, à nostris naues frumentarię, et annoting: ab armamentis cōuehendis *σκαλοπόροι* & *ὀμπύλαροι*, ab equis hippagines & hippagogę hippagiue, ut iam diximus: à militibus stratio tides, & uinarię ab Iureconsulto, à uino & huiuscemodi similibus rebus, ut est à M. Tull. dictum, Nauis paleę.

Ocyalus etiā nauis genus est uelocis, à qua in mari præcipuē uelocitate ei nomen græci indidere, Theophilus & Suidas.

das, aliq. Est *ῥάκινυπός* uelocis nauis epitheton.

Orthocrerus quoq. nauis genus, qd scilicet rectas habeat antenas: sic em uocatur *ὀρθόκραυρος ναῦς*, ἢ *ὀρθὰς κροαίας ἔχουσα*, ut ait Suid. Alij qd *πίε καῖρα*, hoc est, capita erecta habeat: sic em Attici capita uocant, hinc & boues *ὀρθόκραυρος* eadē ratione uocant. Est & *ὀρθὰ ναῦς*, hoc est, recta nauis, ut est apud Cic. in epist. ad Q. fratrem, & in familiarib. lib. xij. & item in epist. Senecæ lib. xij. Videet uero recta nauis uim prouerbij habere, sicut apud Enniū: Dum clauū rectū teneā nauemq. gubernem, ut etiā legimus apud Quintilianū in ij. Eadem ferme ratione Pindarus, rectum seu iustum gubernaculum dixit, *δικαῖον πηλοδλυον*.

Paeton scaphæ genus ex uirgis ita compositū, ut textile quiddā uideat, quod à Strabone scribit in ult. geogr. ut latinè conuertit Greg. Tiphernas: quod græcè ita legit, *ὁ δὲ πέντερον διασκύτα*

*πίδαυ πεπηγώς ὄπισθα τοῦ γαῖς ἐοικέναι διπλακί
 ναυ.* Similes ferè & Herodotus Babylo-
 nias naues describit in Clio, hoc est, in
 primo hist. lib. quæ orbiculares ex sali-
 cibus fierent, corio circūtectæ, quas &
 multis uersibus exequitur, ut etiam à
 nobis antè relatum est. Ethicus quoq̃
 Hister & ipse scaphas describit uimine
 contextas, quæ undiq̃ bitumine sint
 perlite, ut etiam de carabo in lindre tra-
 didimus. De uirilibus uero corio cir-
 cūsutis, item uimineis atq̃ salignis,
 iam à principio abunde scripsimus.

Paralus Atheniensium nauis sacra,
 dicta, ut Vipianus rhetor in Demo-
 sthenis oratione κατὰ μειδίον scribit, uel à
 Paralo Periclis filio, uel à Parolo quo-
 piā heroë, cuius & Phylarchus in xxi.
 meminit, & Harpocraton in lexico.
 Hunc Paralum, ut puto, Plinius in vij.
 nauem longam reperisse ait. Huius ue-
 ro cognominis fuit Periclis filius, uel
 dicta à denauiganda paralia, hoc est,

Asia & Hellesponto. Alij Paraliā quartam terræ Atticæ partem dixerunt, à Palante Cecropis filio. Nec desunt qui dictam putent, quod iuxta mare agatur, uel quod apud alias esset posita, hoc est, ut græcè dicitur, *πρὸ τῆς ἁλῶς, ἢ πρὸ τῶν ἄλλων κειμένη*. Fuerunt uero apud Athenienses primo duæ triremes sacre, hæc ipsa Paralus, & Salaminia, quæ & Delia uocabatur, cuius & supra meminimus. Alij Paralon & Salaminiam eandem fecere, ut quodam loco scribit Suidas, cum rectè alibi diuersas faciat. Sacre quidem naues theores appellabantur, quibus Deliastræ & Theori ad oraculum sciscitandum mittebantur, ut alibi dicemus. Sedenim posteriore tempore ipsi ijdem Athenienses, & sacras alias naues construxere, Antigonida, Ptolemaida, & Ammoniada, quæ ad Ammonem pro sacris accipiendis miserant, ut tradit Vlpianus. Suidas his adiungit Demetriada, Porrò Parali

meminit Demosthenes in Philippicis, & Harpocraton, & Plutarchus cum aliubi, tum in eo qui inscribitur, an à se riore regenda sit respub. A parolo nauis, ministri parali uocitati sunt, qui ob nauis ministeriũ quatuor obolos pro mercede accipiebant, & domi per annum plurimum manebant, quibus & alia nonnulla ciuitas exhibebat. Sed iam de paralo satis.

5 Pentecontorus, *πεντηκόντορος*, nauis quinquaginta remigum. Hanc Græci scriptores à Danao inuentam proderunt, eoq̃ fuisse numero, quod totidem essent Danaï filiaë, hoc est, quinquaginta, cum ex Ægypto Argos in Græciã aufugit. A pentecontoro, pentecontarchus dictus, qui ei nauï præest, ut est apud Demosthenẽ *ὄν τῷ πρὸς τοῦ ἐπιτραπέζου ἀρχίματτος*, & apud Harpocratonem, licet Phauorinus legat Diogenem, ut puto, perperam. Sunt etiã eadem figura appellatę naues, *ἐκατόντορος*,

ἑκακόντες, *ἐκόντες*, hoc est, centū, trigin-
 ta, & uiginti remigū actuariae. Harum
 uerò mentio ab Herodoto, Thucyd.
 Pólyb. Diodoro & alijs facta est. Val-
 lia tamē apud Herodotū pentecōtoron
 biremē interpretatus est, q̄ recte ipse
 uiderit. Celebrant à Græcis Ætolorū
 pentecōtori, quorū cum decimā ali-
 quādo cepissent in Achaia Megaren-
 ses, uel ut alijs scribūt, Æginenses, eam
 Apollini Pythio dicarunt, & simul ora-
 culum scitati sunt quinam Græcorum
 essent præstantissimi: qui responsū
 illud acceperūt, ex quo Græcis celebre
 factū est prouerbiū, in eos qui nullius
 sunt precij ac numeri, *ὕμεις δ' ἑμυραπί-
 ῶτε τρίτοι, ἢ τε τέταρτοι.* hoc est, Vos Me-
 garenses nec tertii, sed uos neq; quartii.
 Integrum oraculum apud Stephanū
 leges, uel in cōmentarijs Theocriti.

Phaselus nauigiū est Campanū, ut à
 Nonio scribit, qui super hoc Varronē,
 Sallustiū, & Sisennam citat. Meminit

& Cic. ad Atticum. Sunt qui à legumini-
 nis specie phaselum nauem factam di-
 ctamque putent. Sūt qui à Phaselide lo-
 co deduci opinentur. Pictos phaselos
 appellat poeta eo uersu : Et circum pi-
 etis uehitur sua rura phaselis. Legi-
 tur elegans Catulli epigrāma, quo ge-
 mellis Castoribus phaselum dedicat
 ad cuius imitationem iisdem penè uer-
 sibus poeta Maro Sabinū suum com-
 posuit, ut liquet. Alij phaselū nauem
 oblongam esse scribūt, quali stagnan-
 te Nilo Ægyptij utuntur, ut Vergil.
 Horat. Fragilemque mecum soluat pha-
 selum. Isidorus uero in etymologico,
 Phaselus, inquit, est nauigiū quod cor-
 ruptè basellum dicimus, nostro uero
 nunc tempore uasellum appellamus.

Phylacides, & προφυλακίδες, & φρεε-
 ῖδες, naues Græci uocabant, quæ ad præ-
 sidia & custodiam mitterentur, quarū
 mentio cum apud alios, tum maxime
 apud Xenophontem, Diodorum, &
 Appianū

Appianum: eas nos præfidiarias uocâ
re possumus. Appiani quidē interpres
custodiaras fidelius quàm elegantius
reposuit.

Piraticæ naues tam à Græcis quàm
à Latinis uocantur piratarum & præ-
donū nauigia: utrisq; crebra est men-
tio. Eadem & prædatorię Lúuio dicun-
tur & Plauto, & græcè *λυσπικὰ πλοῖα*, & *λῆ-
σπιδόρ νῆες*, earum licet non una sit certa
aliqua species, sed uariâ ac diuersa: mo-
do enim liburnicas, modo celoces &
myoparones, alijs deniq; nominibus
apud autores uocitatas uidemus.

Pistris nauis genus est, seu ut doctio-
res autumant, prists, quod & cōsonū
magis uidet, si à secandis undis & flu-
ctibus nominat, id est, ut ait Seruius,
ἀπό τοῦ πρῖξεν τὰ κύματα, *πρῖξιν* enim is est
qui secat. Alij à piscis genere formari
contendunt, quod utrunq; conuenire
potest, hoc est, & nauis & piscis, ut ean-
dem habeant originem; nam & longior

ris esse corporis, & angusti esse ferunt,
 & idcirco facile undas secare queunt.
 Navis utique meminit Polybius, seu
 Brutus qui ex eo epitomen confecit, li-
 bro xvi. ubi de Philippi nauibus agit
 contra Attalum. Fuit, inquit (ut meis
 uerbis exponam) earum que cum Phi-
 lippo fuerant nauium multitudo in cer-
 tamen constituta, cataphractæ tres & L.
 cum his uero aphractæ & lembi, cum
πρῆσις centum & L. Idem alio loco, hoc
 est, lib. xviii, quinque lembos habens
 & unam pristin, qua ipse uehebatur.
 T. Liuius: Persius post reditum ab Eu-
 mene Erepontis spe deiectus, Anteno-
 rem & Callippum præfectos classis cum
 XL. lembis, adiectæ ad hunc numerum
 quinque pistres erant, Tenedum mittit.
 Claudius rerum Romanarum: Quicquid
 nauigium ea forma, marina bellua dicta
 est. Verg. Velocem Mnestheus agit
 acri remige pristin. Idem: Partem
 rostro premit emula pristis. Seruius Ho-

noratus obseruat in iij. Pistrix per literã x, piscẽ significare, per s, nauim; quã regulã à doctis impugnari uidemus, nam Plinius nunquam pistricem dixit, sed pistris, ut lib. ix. Cæsar Germanicus in Arato, cum de ceto agit: Auster. Pistris agit duo sydera. Idem: Æquora pistris adit. Suidas, *πρῆστις* ait, *ἴδιος κήτος θαλασσίῳ ἢ λεγομένη μάλθη, ὃ καὶ δὲνθεν πηλώνισόν ἐστι.* hoc est, Pistris species ceti marini, quæ uocata est malthia, & difficilis ad repugnandum. Vbi notandum per *ἴτα* scribi, quo modo & Oppianus poëta in primo, *γῆθε διαφρονὴ πρῆστις*, id est, hinc funesta quæ prestis. Sed & malthã eandem Suidas *πρῆστιν* putat. Oppianus in eodem lib. diuersam facit. Quare ut ad Seruiũ redeam, rectius statuisset, si pro ceto dixisset apud Latinos utroque modo posse proferri. Quippe Cicero in Arateo carmine, cum de eodem ceto agit, ita scriptũ reliquit: Sparsam subter caudam

pistricis adhæsit. Idem: Andromeden tamen explorans fera quærere pistris; Idem & alibi in eodem poemate. Festus: Balænam marinam ipsam dicunt esse pistricem, ipsum esse & cetum. Sed de hoc pisce præterea Aristoteles & Athenæus. Sunt qui hoc tempore pristin uel malthan eam balænae speciem arbitrentur, quam uulgò nos ab olei copia capidolium uocamus.

Pōtones genus nauigij Gallici, quorum mentio apud Cæs. in iij. cōm. bell. ciuil. Pōtones, inquit, quod est genus nauij gallicarū, Lysii reliquit. Meminit & Gellius. Quidam naues arbitrantur in traiciendis amnibus idoneas. Apuleius: Et si uado nō poterūt, pontonibus transibūt, quo modo castigandus est Paulus lib. ff. viij. quo loco de seruitutibus rusticorū prædiorū agit: bis enim ibi, pontonibus traiciat, cum pontonibus legendum sit, quo in loco nihil sapit interpretes. Inuentum hoc

navis genus sunt qui perhibent, ab his qui circa Circeios & Pontinam paludem habitant, & inde pontonis nomen. Alij nauigium tabulatū interpretantur coniunctū duobus lincibus, quomodo intellexisse in monosyllabis Ausonius uidetur. Lincibus in geminis cōstratus ponto sit, an pons.

Isidorus neutro genere pontoniū protulit, cum lib. decimonono: Pontonium, inquit, nauigium flumini aptū, tardum & graue, quod non nisi remigio progredi potest. Hodie quoq; nauigij genus ad saxa & marmora conuehenda pontonem Ligures nominant. Sunt porro qui que græcè πόνεια uocantur nauigia, ad milites trañciēdos pontones interpretent: rarum quidem uocabulum, uixq; apud aliū, q̄ Diodorū Siculum offendas. Cæteri enim ferè πονοβόται, uel ἡ πονοβόται, uocare cōsueuerūt.

Proplus, πρόπλος nauigij genus apud Pollucem & Gellium, qui ait ita à græc

cis actuarias uocari, ut antè ostendimus, uaria sit licet eo loco lectio. Vtitur hac dictione Thucydides libro vi, pro nauì quæ præmittitur, ut etiam uox indicat. Vtitur & Xenophon v. lib. Hellenicon. Est et *περίπλος* nauis genus cuius Arrianus in ij, de hist. Alexandri meminit, cum inquit, decē triremes Rhodios misisse Alexandro, quarum una *περίπλος* uocabatur. Sanè & *περίπλος* nauigationem & maritimam lustrationem designat, cuiusmodi grecorū plerique scripserūt, ut Possidonius, quem citat Plin. & Hanno Carthaginensis, qui *περίπλον* Libyæ scripsit, quæ in templo Saturni cōsecrassè legimus. Scripsit et Arrianus ad Adrianum *περίπλον* ponti Euxini, et item alterū maris Erythræi, qui ambo extant.

Profumia genus nauis est, teste Gellio & Nonio Marcello. Meminit Cæcil. uetus scriptor, cū ait: Cui gubernator propè euertit profumiã. Idem: De

nocte ad portū sum prouectus profumia. Pomp. Fest. profumiā genus esse nauigij putat paruum & speculatoriū: quo fit ut mirer quosdam alioqui doctos hoc nauis genus fumias appellare. Sunt & inter literatores primarij quidam nominis, qui à Brutijs profumias inuentas affirmant, alioq̄ nomine geseoretas uocari, quod id innuat Gellius. Isidorus genus nauiculæ Syriacæ portemiā scribit, à portando uocitatum, latam & sine carina, de qua, quod sciam, aliud non comperi nisi quod ea Pannonēs utātur. Sed uidentium ne Isidorus pro porthmeia portemiam ipse induxerit.

Rates, uide schedia.

Remeculus nauigij genus est apud Gellium, nisi quis lenunculum eo loco malit legere, ut alibi monui. A remis nomen habere uideri potest. Sunt qui Lemniorū inuentum esse uelint.

Rostratæ naues græcè ferè *καλκίμβος*

λοι νᾶδρ, ἢ χαλκῆρες· nam χαλκώματα ἐμβόλαι
 rostra nauium appellantur; sic uero di-
 ctæ, quod ferreo armantur rostro. Isi-
 dorus quidē dictas ait ab eo, quod in
 fronte rostra ærea habeāt, propter sco-
 pulos, ne scilicet feriantur uel collidan-
 tur. Alij alia de causa, hoc est, propter
 prælia naualia. Hæ & æratæ dicuntur.
 Vergilius: Quot prius æratæ steterāt
 in littore puppes. Cæsar in ij. bell. ci-
 uil. Interim L. Nasidius à Cn. Pom-
 peio cum classe nauium xvi. in quibus
 pauca erant ærata, L. Domitio Mas-
 siliensibusq; subsidio missus. Rostra,
 ait Plinius, nauib. addidisse Pisæus pri-
 mus dicitur. Rostra uero appellata li-
 quet ab auium rostris. Sed & à nauium
 rostris ex Antiatū bello Romæ locus,
 uel templū, ante curiā uocitatus fuit,
 quo in loco plerunq; conciones habe-
 bātur, quo de loco Varro, T. Liuius,
 Pub. Victor, aliq; Appianus de bell. ci-
 uil. πῶ τῶν ἐμβόλων ἐν ἀγορᾷ hunc locū uo-
 cauit,

cavit: hoc est, in foro pro rostris, loquens de Marij Cos. cæsi iunioris capite. Cæterum & à rostris corona rostrata appellata est, cuius Plinius meminit. M. Agrippam ea corona ornatum deuicto Sext. Pompeio, Magni Pōpei filio, ait Seruius Honoratus super his Vergilij uersibus: Parte alia uentis & dis Agrippa secundis Arduus agmen agens, cui belli insigne superbum Tempora nauali fulgent rostrata corona. id quod etiam in nominatibus antiquis ipsius Agrippæ conspicitur. Eadem & naualis dicitur, ut copiose antè diximus.

Salaminia Atheniensium nauis, de qua uide cap. viij. & item in paralo.

Samæna nauis genus biremis, hoc est, *διξρορη*, à Polycrate Samiorū tyranno primū inuentū, ut Lysimachus in ij. *νάσση* scriptum reliquit, figmentū uero & opus fuit Duridis. Samænæ forma rotunda & concaua in alui fermē

effigiem, quo facilius ire & celerius fle
cti posset: nomē ei à Samo, ubi primū
est inuenta, ut scribit Plutarchus, Me-
minit & Athenæus, qui eas Samias na-
ues uocat, & appellatas à patria, nō ut
quidam eo loci corrigūt, Samænas. Sa-
mænæ enim & Samiæ eodem nomine
dicebant, ut ex eo carmine patet: *ναῦς*
ἄλκις ἰσχυρὸς ὀρεινὰ ὄρος ἔσθ' ἔχουσα. hoc est,
Nauis erat uelox Samia hæc suis ædi-
ta forma. quod scilicet hæc anterior-
rem partem suis formā haberet. Scri-
bit Suidas, aliquos et Samænam nomi-
sma quopiam esse uoluisse, nisi *νόσμη*
potius pro *νόμομα* apud eum legendū:
unde & prouerbiū factum de timen-
tib. calamitates minus curabiles, quo
pacto Samios Athenienses affecerūt,
& Athenienses Samij, qui stigmati-
bus & notis eos inusserunt, ex qua re
& literati Samij dicti sunt. Sūt qui pro-
uerbiū deducant à tormenti ac sup-
plicij genere, quod Same appellaret,

ex quo & illud, *πρὸς Σαμίων ἀπὸ πλοῦς*, hoc est quæ Samiorum sunt despiciuntur: uel ut rectius alij scribunt, *ἰσχυρῶς*, id est, suspicaris. Sed in præsentia de his satis, cætera prouerbiorum scriptor exequitur.

Scaphæ, teste Nonio, nauiculæ sunt quæ maiores naues consequuntur. Idem & statuunt Iurecōs. nec in uno modo loco. Iabolenus: Si nauē, inquit, cum instrumento emisti, præstari tibi debet scapha nauis. Paulus imò contra: Etenim scapha nauis, non est instrumentum nauis, nam in mediocritate, non genere ab ea differt. Instrumentum autem cuiusque rei necesse est alterius generis esse, atque ea quæ sit, quod Pōponio libro vii. epistolarum placuit. Cæsar in commentar. Quod cum animaduertisset Cæsar, scaphas longarum nauium, item speculatoria nauigia militibus compleri iussit. Sanè crebra est apud autores scapharum mentio: nunc uulgò pro scapha

noſtri nauæ ſchyphum appellant, ſic
quidem & ab eruditis putatur. Sed cer
tè & ſcyphus nomen eſt nauigij, id q̄d
Aur. Macrobius uir multæ eruditiõis
apertiſſimè oſtendit lib. Sat. v. Sunt &
qui ſcaphas liburnis aſſociari dicāt, ex
ploratoriasq̄ uocari, ut eſt apud Vege
tium. Sunt & qui ab Illyricis inuentas
tradant. Sanè uēter nauis ſcapha dicit̄,
ut alibi diximus. Porrò & illud ſcien
dum, apud Athenienſes olim morem
fuiſſe, ut hoſpites externiq̄ in Panathe
næis, maxima eorum celebritate, quo
tempore populares ludi agebantur, in
eorum pompa incederent ſcapham in
ſignè geſtantes, quo ab ingenuis ciui
bus diſcernebantur, atq̄ ideo hoſpites
ipſi & inquilini ſcaphephori uocaban
tur. Huius conſuetudinis meminere
Suid. & Ammonius, item Theophra
ſtus in x. de legibus, Dinarchus in ora
tione pro Agafideo, & Demetrius in
iij. nomotheſiæ, & poſt hos Val. Har
pocration.

pocration. Ab hac utiq; consuetudine
 etiam factum est prouerbum, Scapha
 magis elinguis, hoc est, *ουσουμειρότες σκα-
 φης*, quod de ijs dici consuevit, qui pro-
 pter ignobilitatē cōticescūt. Porro at-
 tendendū etiā est scapharū supplicium
 atrocissimū fuisse apud barbaros, cum
 duæ scaphæ inuersæ cōstituebantur,
 intus noxio imposito, manibus, pedi-
 bus, & capite exclusis, atq; ita necabari-
 tur: quod genus locupletissimè in uita
 Artōxerxis Plutarchus describit. Sanè
 & scaphæ sunt ad piscandum nauicu-
 læ. A scapha scaphium deducitur uasis
 genus. A scapha scaphiten formauit
 Demetrius Phaleræus, quo uocabulo
 scaphæ moderatorē intelligimus. Sca-
 phium etiā aliquādo pro nauigio par-
 uo sumit, & pro uase rustico, & pro in-
 strumento quo piā ad effodiendū, quo
 etiā athletæ exercebant, *σκῆπτρον*
 dictum, sed & pro tonsuræ quodam ge-
 nere. Scaphos etiā genere maris à Pol-

luce in primo prolatum est: sed & neutro, ut illud Bionis poetæ, ἢ σκάφος ἐν ἐνθαίς. Idem Lucilius in græcis epigrammat. πλοῖον ἢ σκάφος ἴδι μύλων. Sunt qui cum neutro genere profertur, dicant, pro quocunque nauigij nomine accipi solere, quod fieri interdum non eo inficias. A scapha etiam scaphidion deducitur.

Schedia genus nauigij incōditum, hoc est, trabibus tantum inter se connexis: unde & mala poemata schedia appellantur, ut scribit Festus. *σχέδια* & Suidas ita appellat, unde apparet græcum esse uocabulū: nam & Lucianus in dialogo, in quo Alexander, Annibal, Minos & Scipio introducuntur, ea dictione usus est. Item Strabo. Herodotus uero uideat accepisse pro ponte quo Darius Bosporū iūxit. Vlpianus Iureconf. Nauē, inquit, accipere debemus siue marina, siue in aliquo stagno nauiget, siue schedia sit. Sed & Seruius

grāmaticus lib. i. rates ait hoc uocabulo significari, de quibus Plinius his uerbis: Ante, inquit, ratibus nauigabat in uentis in mari rubro inter insulas ab Erythra rege. Diodorus etiam Siculus, ante nauem Argo cōstructam, ratibus & paruis quibusdā actuarijs nauigare solitos antiquos scribit: quare apud poētas uidemus id uocabulum permanisse, ut frequentius rates pro nauibus usurpent. Ratem scirpeā uocat Plautus in Aulul. qua qui nare discunt pueri utuntur. A rate ratiarij dicuntur, ut est apud Iuriscōsultos. Varro tamen de lingua latina lib. vi. Ratis inquit, nauis longa propter remos, qđ in cum per aquam sublatis, sub dextra & sinistra duas partes efficere uidentur rates: unde hoc translātū, illic ubi plures mali aut asseres. Rates etiā duplices dixit Cęsar in i. bell. ciuil. Rates duplices quoquo uersus pedū xxx. è regione molis collocabat. Sanè, ut ad

priora redeamus, ab eadem schediorū origine, latinorū quidam schedam, & scedā, & schedion, pro prima scriptio-
 ne uel compositione nōnunquā usurpa-
 uere: unde & autoschedion. Dicunt et
 schedicon, pro poëmate incōdito & pa-
 rum limato, Aufonius & Apuleius: &
 græcis uerba *σχεδιον*, & *αὐτοσχεδιον*.

Stlatū nauis genus latum magis quā
 altum, ut Pomp. Festus scribit, unde
 & nomen habere creditur. Antiqui e-
 nim dictionib. ab l litera incipientib.
 aliquando st præponebant, ut Priscia-
 nus, Festus, alij obseruant: ut, stlitem,
 stlocum, stlatū, pro eo quod est, litem,
 locum, latum. Stlatam uero nauē Sar-
 di inuenisse dicuntur.

Synedria nauis genus esse apud Vi-
 pianū Iuricons. uidetur, quæ spacia-
 di causa facta sit, & in qua sint sedilia.
 Certè Suidas synedriam cathedram in-
 terpretatur. Vipiani uerba de exercit.
 actione leguntur, quo loco putat Bu-
 dæus

daus reponendum schedia, Alciatus
mecum nihil mutat.

Strongylon genus navis rotundæ
ad onera ferenda aptū: eius frequens
græcis mentio, Herodoto, Arriano: à
nostris aliquando onerariæ dictæ *σπρυ
γύλιον*, & *σπρόγγυλον πλοῖον*. De his latius
cap. vij. locuti sumus.

Tabellariæ naues dicunt̃, quæ aduen-
tum clāssis prænūnciant, id quod mani-
festè colligit̃ ex xi. epistolarū lib. An-
nei Senecæ. Subitò, inquit, nobis hodie
Alexandrinæ naues apparuerūt, quæ
præmitti solēt, & nūciare secuturæ clā-
sis aduētū, tabellarias uocāt. hæc Sene.

Thalamegæ naues sunt, ad belli alia
rumq̃ rerū pompā. Hæ, ut Appianus
scribit, tum proras tum puppes habēt
auro exornatas, in quib. Imperatores
uehi cōsueuere. Vſus & hac dictione
apud nostros Suctonius Tranquillus
in Cæsare, qui ait ipsum Cæsarē cum
Cleopatra thalamego Æthiopia tenus

Ægyptū penetrasse. Athenęus quoq; lib. Dipnosophistōn v. Ptolemæi Philopatoris thalamegū fluuiatilē describit, cuius & suprā meminimus, fuisse longitudinis stadij dimidiij, latitudine cubitorū xxx. Vidimus ipsi thalamego propè similē Venetijs, quē Ducis bucentaurū uocāt, à cētauro puto nauis Vergiliana. Fuit & eiusmodi quæ patrum nostrorū memoria à Venetis Pādora dicebat. Fuerūt & antiquis naues quę thalamiphori dicerentur, his, quas modo retulimus, non absimiles, quas, ut puto, Anneus Sene. lib. vii. de beneficijs, cubiculatas uocasse uisus est Maximus quoq; Tyrius nauē regis cuiusdā supra Phœnicē describit, quę harū nulli ad luxū celsisse uideat, cuius si formā desideras, primū & xxx. eius sermonē euolue. Legimus et Heraciū Imperatorem ex Africa redeuntē nauibus castellatis usum; putarim semitariū scriptorē intellexisse, quasi castris

cōstructis nauib. Valturius autor est.

Theoris nauis dicebat̃, quā ex uoto Thesei cū in Cretā proficisceret̃, quotannis Athenienses in Delū ad sacra faciēda Apollini mittebant, ad oraculū scitandū, de re sacra faciēda, de patria de peregrinatione, de sacris certaminibus, cæterisq̃ celebritatib. & qui mittebant̃ tum Delia st̃g, tum theori dicebantur. nec interea tēporis quo nauis missa esset, de noxio suppliciū sumebatur: qua de nauī sic in Phēdone Plato: Hęc est illa nauis, ut aiunt Athenienses, in qua Theseus olim bis septem illos secūtulit in Cretam, seruauitq̃ illos, & ipse seruatus est. Vouerat autē, ut fertur, Apollini, si seruarent̃, quotānis in Delum theorim mittere: quā quidē & nunc & semper ex illo tēpore singulis ad deum mittunt annis. Cum igitur theoriæ principiū agit̃, ex lege interim lustrant urbem, neminemq̃ eo tēpore publicē necant, donec ad Delū perue-

niat nauis, rursusq; Athenas reuertatur ex Delo. Id uero nōnunquam longo peragitur tempore, quando eos impediūt uenti. Initiū quidē theoriæ est, postq; Apollinis sacerdos nauis illius coronauerit puppim. Id autem, ut modo dicebā, pridie quā iudicaretur Socrates, factū erat: quam ob causam longum tēpus Socrates fuit in carcere, inter iudiciū & necem. Hęc Plato. Est uero theoria sacrificium illud ac celebritas, ut ait Thomas magistri, qua nauis in Delum mittenda, à theoro, id est, sacerdote coronabatur. Theoriā spectaculū uertit Marsilius, ineptius aliq; speculationē. Theoras & Suidas sacerdotes esse ait, qui ad ea sacra in Delū mittebantur, & simul qui res sacras custodiebant, curamq; gerebant: *θεορον* enim prisca curā sollicitudinēq; dicebant. Verum de theoris & theoria, plura idem colligit Thomas, qui & illud ait *κατεργασινος* theorida Charōtis nauem appellasse.

appellasse Æschylum poetā in fabula,
 ἡ τῶν ἠδὲ θύλας. Vocabatur & theoris na-
 uis paralus, ut diximus.

Trieris nauis, ut Ethicus Hister ait,
 magna, ex trib. nauib. fabricata, ferró-
 que plurimū affixa & copulata, ut ipsi-
 us Ethici utar uerbis: sed uerius est,
 quā nos triremē dicimus. Nam quos
 græci μονήρης, δίηρης, τριήρης, τετρήρης, πεντήρης,
 ἑξήρης, ἐπτήρης, ὀκτῆρης, ἐννῆρης, δέκαηρης, ἑνδεκά-
 ρης, δωδεκάηρης, πεντεκάδεκαηρης, εἰκοσήρης,
 τριακοντήρης, & reliqua nauium genera à re-
 morū ordinibus appellata, nostri uni-
 remes, biremes, triemes, quadri-
 mes, quinqueremes, & ut Hirtius, pen-
 tiremes, sex remigū nauis, septiremis,
 octo remigū nauis, nouē remigū, decē
 undecim, XIII. XV. XX. XXX. remigū,
 &c. Sed & Græcis sæpe nominib. usi
 sunt Latini, ut Liuius in iiii. decade, et
 alibi, hexeres, hepteres, & alijs quoq;
 nominibus. Sanē & ἑνῆρας apud Theo-
 philum, Suidam, & Phauorinum legi

cum dasea accentu, & unica v̄ litera, & interpretant̄ nauces quę uno remigum ordine sint: scribuntq̄ Syllam cū contra Mithridaten in Dardano Troiæ regionis uenisset, naues uniremes hoc est, heneres ducentas habuisse: qđ idem tradit in Sylla Plutarchus, sed eas Mithridatis, non Syllæ fuisse ait. Sed enim uir doctus ἑλὲς accentu ἑλὲς interpretari maluit, naues instructas ac paratas, idq̄ super aliquot Plutarchi loca aduocat. Sed ut ego propositam nauium rationem prosequar, T. Liuius sexdecim etiam uersuum naues commemorat in iij. decade: Quin, inquit, & regiam unam nauem inhabilis prope magnitudinis, quam xvi. uersus remorū agebant. Pollux xv. uersuum Ptolemæi naues celebrat, hoc est, πνευματικῆς. Item nauis Antigoni, quæ τριημις à tribus uelis nuncupata est. Sanè & triemis græcè uocatur τριημις, sicut & biremis διημις, tametsi quidam

ab instrumento quoopiã, quod in pro-
 ra & puppe affigi tradunt, diecroton di-
 ctam uelint, uel à duobus gubernacu-
 lis, ut iam dixi. Porrò & triremes à græ-
 cis ἀδελφάγους uocant, quod perfectam
 plenamq̄ exigant mercedem: idq̄ no-
 minis inuenitur in Lysia oratione,
 quæ inscripta est, ἰσὶς ἑκκεῖτου μαρτυρεῖται.
 Alij existimant eas sic uocari, in qui-
 bus immensæ expensæ absumuntur;
 quemadmodum & lucernam ad epha-
 gum Alcæus appellat. Alij ἀδελφάγους
 uoraces edacésque nuncupant, quo
 nomine uocatus est Hercules, ut in
 Hercule docuimus. Quidam duplici
 ἄδελφον, hoc ipsum nomen scribunt. Isido-
 rus triremem ait etiam uocari Durco-
 nem. Valla contra Raudensem Dura-
 conem uocasse uidetur. ut cunque, τὴν
 δούρα à Græcis ligna dicuntur, unde &
 durateus, & durius Troiæ ligneus e-
 quus dictus est. Fuerūt & duplicæ trire-
 mes, hoc est, διπλασίου τριήρους, ut est apud

Xenophontem in *iiiij. Hellenicôn. De mû* quod de diere diximus, præter Suidam & Phauorinû, qui à duob. remigum ordinib. ipsam uocatã fatent, Apollodorus quoq; duas stegas habentẽ nauem esse prodidit. At Euripides in *Phœniss. pro domo* accepit, ut Thomas et Theophilus fatent. *Tiremîs* à quibus inuenta, & quare uulgariter uer naculoq; sermone galca nuncupet, ut puto, abunde in superiorib. diximus.

Tabrica nauis, quod sit trabibus cõfixa, dicta est, ut ait Festus. Pacuuius: *Labitur tabrica in alueos. Trabarias* has uocat Isidorus: ait enim eas esse naues amnicas, hoc est, fluuiatiles, quod scilicet ex trabibus cauãtur. easdem & littorales & caudicas ait appellari, quin etiam & trabes ipsæ pro nauibus desumunt, ut illud est Ennij in *annalibus: Labit uncta trabes remis rostrata per altû.* Est & id uulgatissimû de *Argo: Utinam ne in nemore Pelio securibus*

Cæsa cecidisset abiecta ad terram trabes. Horatius: Attalicas conditionibus Nunquã dimouëas, ut trabe Cypria Myrtoũ pavidus nauta secet mare. Vergil. Vela damus, uastumq̃ caua trabe currimus æquor.

Trampis genus est nauigij barbaricum; ut obseruant Grammatici apud Nicandru, & Lycophronem. Nicander enim in Tneriacis ait, *τράμπις ὀλκὰς ἀκατέροισι*. hoc est, Trampis longæ acato similis, quo loco, ut ait interpretes, poeta abusiue pro quolibet nauis genere posuit. Lycophron uero in Alexandro: *τράμπις ὀχέσει, κὲ φέρει κλισίαι πίδακας*. id est, Trampis uehet tẽq̃ & Pherecloi pedes. Eius nauis meminit et Suidas. Isaacius quidem super hoc Lycophronis senario: Naues, inquit, Alexandri à Phereclo fabricatas ait. De Phereclo uerò qui Paridis naues construxit, & Homer. in Iliade meminit rhapsodia quinta: *μεγίστους ἢ φέρει κλον ὑπὲρ ἄλλων ἕως*

ἁρμονίῳ. hoc est, Artificis natum Har-
 monidę occiditq; Phereclū Meriones.
 Coluthos quoq; poëta Panopolitanus
 ex Ægypto, in raptu Helenę ita de Phe-
 reclo cecinit: *ἀρχικαὶσι πῶδες φροσύνησι φέρ-
 κλα, ὅς, πότε μαργαίνοντι χειζόμενος βασιλῆι,
 νῆας ἄλιξαιΐδρω δρυτόμῳ πεκτῖνατο χαλκῶ.* hoc
 est, etsi duriusculè inconditeq; aũden-
 dum tamen: Causa fuit qui prima ma-
 li arte Pherecli, Olim qui infano cum
 regi gratificatus, Struxit Alexandro
 naues, sylvasq; cecidit. De eodē ita
 in heroidibus poëta Naso: Hac du-
 ce Sichæo dubias à littore feci Puppe
 Phereclea per freta longa uias. Nec
 desunt qui putent promontoriū Pha-
 lacre Idæ montis Troiæ appellatū, ut
 Isaacius ait, quod arboribus à Phere-
 clo spoliatum fuerit in construendis
 Alexandri nauibus. Non me fugita-
 lios aliter sensisse. In hac aliquando di-
 uerti, ut te uaria lectione à fastidita le-
 uarem. Ad cętera quę restant attende.

Tiphys cursoria, nauigij nomen est apud unū, quod sciam, Sidoniū Apollinarem, à Tiphy, ut puto, illo Argūs nauis gubernatore adeò noto & peritō, ut in prouerbiū iam uulgatū id nomen cesserit, Alter Tiphys. Sidonij uerba hæc sunt lib. epistolarū primo: Tiphym, inquit, cursoriā, sic nauigio nomen est, ascendi. Sed quisq; sibi huiusmodi nauigiorū nomina facile cōfingere potest, quæ nostra annotatio-
ne parū digna uidentur. Nam nō modo Veneti & Genuenses, sed & reges ac principes sibi noua nauiū nomina hoc etiam tempore confingunt.

Vagiones nauiculas maritimas mirō artificio fabricatas, Ethicus Hister describit, easq; ex tabellis tenuib. leuigatis dolatisq;, ac æreis laminib. circūdatas ait, & circumsutas: dictas uagiones, quasi uagantes: easq; in bello Troiano fuisse in flumine Simoënte, idem est autor. Libet uero in huius capitis calce

quædam nauigiorū addere nomina, quorū uix aliud apud scriptores inuenias, q̄p̄ mera ipsa uocabula. Inter hæc ergo reponimus, naxiurges, cnidiurges, cantharus pro nauī, silphas, cydali, ampheres, ancyromagus, quem Isidorus dictū ait, pro eo quod celeritate sua, anchoris & instrumentis reliquis nauīū uehendis sit aptus. Fuit & nauis mimortauia, & aliæ, de quib. sparsim, prout occasio tulit, toto hoc uolumine meminimus: & aliæ etiamnū fortasse, quæ, nos dū dormitamus, præteriere.

Eorum qui in nauibus uersantur uocabula. Cap. XIX.



Superest, ut eorū qui in nauibus uersant, nomina adscribamus: quin & ordo sic exposcere uidetur, ut constructis & iam paratis nauibus, in eas iam nautas imponamus, quos, ut Vlpiani uerbis utar, accipere debemus pro eis qui nauē exercent: quāuis nautæ etiā appellentur

omnes, qui navis nauigandæ causa in
 nauis sunt, quos Anacharsis Scytha phi-
 losophus tantū abesse à morte dicere
 solitus erat, quot digitorū nauis esset
 crassitudo: cuius sententiæ & Satyricus
 noster allusit. Idem Anacharsis roga-
 tus aliquādo, quænam foret nauis secu-
 rior: ea, inquit, quæ in portū uenerit.
 Bias quoq; nauigātes nec inter uiuen-
 tes, nec inter uita functos numerādos
 censebat. Sed his & talib. missis senten-
 tijs, illud in primis scire oportet, in re
 nautica, ut ceteris in rebus, ordines es-
 se, ut per gradus quosdā ad summā gu-
 bernandę nauis officiū perueniamus:
 nam, ut rectè scribit Nazian. non ab
 initio gubernatorē nautę, nec subito fa-
 ciunt, sed quē primū per omnia nauti-
 ca officia exercuerint, expertique fue-
 rint. Remigem primū uidere uolunt:
 deinde in prora cōstitutū, uētos nosce-
 re, saxa & scopulos probè euitare assue-
 scunt: postremò in omnib. exercitatū.

muneribus in puppi collocāt, clauūq; in manu tradunt, gubernatoremq; cōstituunt. Hæc ille. De gubernatore igitur primū agamus. Gubernator, hoc est, κυβερνήτης, est qui nauem regit atque gubernat. Ridiculi sunt, qui gubernatorem dictum existimāt quasi cohiberatore. A gubernatore totius uitæ nostræ rationem Maximus Tyrius philosophus quodam sermone deflexit. Non uides, inquit, ut unus gubernator nauigationem moderetur, ut animus corpus; ut nauis gubernatoris imperio pareat, ut animo corpus; ut uenti nauem impellant, quemadmodum uirtutes fortuna; qui si tempestat exoritur, manente nauī incolumiq; gubernatore, salutis nunquam amittitur spes, siue nauis ipsa recto feratur cursu, siue arte tempestatem deuitet, dum tamen à gubernatore regatur. At si gubernatorem ipsum abstuleris, inutilis nauis efficietur, etiam si firmi-

tatem propriam seruat; & inutilis erit uentorum afflatus, etiam si secundus ac prosper fuerit; propterea & in mari, & in nauis, & in nauigatione, preciosissimus est gubernator. Tum ille paulò post subiungit: Sic in uitæ nostræ curriculo animus supremum sibi uendicat honorem, quemadmodum in nauis gubernator. Nobilis est illa etiam M. Tullij de gubernatore sententiã in Catone: Similes sunt, inquit, ut si qui gubernatorem in nauigando agere nihil dicant, cum alij malos scandant, alij per foros cursitent, alij sentinam exhauriant, ille autem clauum tenens se deat in puppi. Idem in Philippicis: Et summi, inquit, gubernatores in magnis tempestatibus admoneri solent. A gubernatore Iulianus Flaccus archigubernium deduxit lib. Digestorum xxxvi. pro eo qui sit gubernatorum princeps, uel classis præfectus: ita enim scribit ad senatusconsultum

Trebellianum: Saturnius, ait, archigubernius ex classe Britannica testamēto fiduciariū reliquit hæredē, Val. Maximum trierarchū. Legimus apud Stobæū, Cercitas fuisse Scythiæ populos, qui, si apud eos nauis gubernator forte aberrasset, nec nauigationis cursum rectum tenuisset, ignominia notare, et sputis impetere eum solerēt. Sed de gubernatore satis, iam ad alios qui in nauibus sunt, sermo dirigat. Nauarchus est in nauibus princeps. Est & nauis dominus, is qui ipsius nauigij possessor est, ut in l. i. de exercit. act. Siue, inquit, dominus nauis, siue à dño nauem per auersionē conduxit. Vbi obiter notandum, auersione, uel per auersionem dici, cum periculum uenditor à se in emptorē auertit. Eodem modo Modestinus dixit, res auersione empta. de contrah. empt. Sequit̃ porrò nauclerus, qui nauē regit, id est nauicularius. Tertullianus Florens de Marcione pōtico

nauclero & hæresiarcha: Quamobrē,
 ait, pontice nauclere, si nuncq̃ furtiuas
 merces uel illicitas in acatos tuas rece-
 pisti. Sunt & trierarchi, qui triremibus
 præfunt, qua uoce & Latini utuntur,
 ut Cic. in Verr. Cor. Tacitus, & Iabo-
 lenus Iurisc. Est & pentecontarchus,
 qui pentecontoro præest, ut diximus.
 Sunt & nauftologi & nauftodicae, qui
 in nauib. rationib. & iudicijs præfunt.
 Sunt & scribæ quos epistoleos græci uo-
 cant, quin & apostoles, hoc est ἀποστολῆς,
 magistratus fuere rei nauticæ iurisdic-
 tionem habentes, qui trierarchis iura
 dabant. Demosthenes pro Ctesiphon-
 te, & Philochorus. Apostoli quidem
 sunt classiū apparatus expeditionesq̃
 maritimæ, ut ex primo Philipp. De-
 mosthenis didicimus. repetūt Harpo-
 cration & Suidas. Nihil hic agendū de
 uarijs huius uocis significatib. Latini
 quidem alio modo nauales scribas in-
 telligunt quàm Græci, Naualem enim

scribam, teste Festo, eum dicebāt, qui in naue apparebat, interq̄ aliud genus scribarū minimæ dignitatis habebat, quod periculis quoq̄ eius ministeriū esset obiectū. Plautus: Non ego te noui naualis scriba in columbari impudens &c. ut suprā in nauium partibus retulimus. Sunt etiam qui in naui thalassometram, hoc est, maris mensorem constituāt, qualis scilicet qui hodie tabulæ nauticæ, uel pyxidi sedulus assistit: nunquam tamen se in Hexahemero thalassometram audiuisse ait Ambrosius. Geometram, inquit, audiuimus, thalassometram nunquam audiuimus. Sunt & celcustæ, id est, iussores, quos Latini hortat ores uocant, ut Plautus & Lactantius. Sunt uero qui uoce, uel sibilo remiges hortantur: unde & celcuma & celeusma ipsa uocis modulatio, cuius Pædianus, Diomedes, Seruius, aliq̄ meminere: ex quo & pes in poëtica dictus proceleusma-

ticus. Celeuma uero seu celeusma clamor est nauticus, cum uno aliquid iubente omnes pariter respōdent, quasi sibi inuicem iubentes, ἀπὸ τοῦ κελεύειν, quod est iubere. In nauibus quidem classarijs celeuma interdum assa uoce, uel tibia canebatur, ita ut remiges pro modulorum & harmoniæ ratione uel concitarent uel inhiherent remos. Pædianus quidem cani remigibus celeusma per symphonicos seruos solitū olim fuisse, & per assam uocem, id est, ore prolatā, & ut in argo nauī, interdum per citharā. Martialis: Quorū per uada tarda remigātes Len-
tis figitis ad celeuma remos. At nostri nautę fermē uoce, uel parua fistula hortantur & celeuma canūt. De celeustis ab his, quæ diximus, diuersa Suidas tradere uidetur. Celeustas enim tricrarchis & proretis præesse affirmat, & epibatis, maximamque in nauī utilitatem asserre, & cætera quæ subdit.

De celeuste meminit & Pollux. At certè hos hortatores remigum prisci Portifculos uocabãt, ut antè docuimus. Seneca lib. epistolarũ vij. pausariũ in re nautica appellat, cum qui dat remigibus modos, hoc est, qui eis uoce quadam clamando pausam imperat, ut uide licet celeustes ad remigandũ hortat. Est & in naui proreta, hoc est *προπάρης*, qui & *προηγὴς* dicitur, qui prore insistit, cuius officium Suidas esse ait, ut remigantibus imperet. Sunt & nauicularij, qui & nauicutores appellantur, qui naues meritorias agunt. Sunt & magistri, et ductores, & rectores, quorũ omnium crebra mentio, & poëtis in primis. Sunt & qui remigant remiges, qui & socij nauales dici uidentur à Liuiio, tametsi alij de euocatis præsijs in classibus intelligere malunt. Remigum uerò apud Græcos à remis ipsis uaria sunt deducta uocabula, ut est in primis apud Pollucem, *ἑπίτης*, *ἰσπότης*, *ἑμίνας*

προς ἐπιήρω, ἀντοπέτης, nã & sic uocat Thu-
 cydides remiges. Dicuntur & *πρόκωπτοι*,
 qua uoce Lucianus & Pollux utuntur.
 Remigantium autem tres ordines Sui-
 das & Aristophanis interpretes consti-
 tuunt. Qui enim subtus & in inferio-
 re nauis parte sunt, thalamitæ, & thala-
 maces, & thalami nuncupantur: qui
 in medio loco, zygitæ; qui uero in su-
 periore loco, thranitæ. Horum Thu-
 cydides, Aristophanes, Appianus,
 Pollux, alij meminere. Sed horū om-
 nium minorem exigebant mercedem
 Thalamitæ, quod breuioribus remis
 nauē impellerent: sicuti Thranitæ ma-
 iorem, quod longioribus uterentur,
 & ideo magis etiã laborarent, de quo-
 rum certa mercede uariè proditum ui-
 demus, nam & hoc tempore non sunt
 statæ mercedes. Sedenim iñdem ipsi
 Aristophanis interpretes id quoque
 tradunt, thranitas ad proram, zygitas
 in media nauī, thalamitas ad puppim

remigare. Sunt & nauium nauophylaces, à custodia denominati, & à lateribus tœcharchi. Sunt & qui naues trahunt, quos græca uoce Martialis, Firmicus, & Apollinaris, helcyarios uocant, ab helcyo, q̄d genus est funis, cuius uel Apulcius in ix. meminit. Helcyo, inquit, sparteo dimoto. Hoc nostrate uulgus nauticū, ut alibi diximus helcyanā uocat, quo fune naues ad amnium ripas & maris littora cum ab hominibus ipsis, tum sæpe à iumentis trahuntur. Helcyarios Budæus à nobis diuerse interpretatus est. Helcyarij, inquit, qui in naui onera funib. moliuntur, uel qui naues deducūt subducuntue, ad officia inuicē adhortātes, ut uno connixu pariter cōspirantes admoliri uniuersis uiribus possint, quod singulis nequeunt, ut fieri interdum uidemus. Sunt & epibatae, quorum frequens est mentio, non Græcis modo, quorum est uox, sed & latinis, nauales

milites & propugnatores classiarii, ut Herodotus, Xenophon, Demosthenes, Aristophanes, alij, ostendunt, & grāmatici exponūt, ut Harpocratio, Pollux & Suidas. Vitruuius in ij. Artemisiam in eo portu abstrusam classem cælatiſ remigibus, & epibatis comparatis, reliquos autem ciues in muro esse iussit. Sunt & qui epibatas & nau-machiarios eosdem putēt. De nau-machiarijs quidem Suetonius in Claudio meminit. Epibatas Isidorus Hispalensis aliter interpretat̃: Epibata, inquit, græco sermone appellat̃, qui latinè dicitur superueniēs; hic nihil habet negocij, sed nauulo dato in alias terras transire disponit: id quod & Græcorū quidam astruunt, quos inter Thomas magistri, qui & illud addit, quod ab Atticis epibatę dicunt̃ qui armati in pugnā parati sunt, quo modo uſos autores quos paulò antè citauī. *ναυαβηται* uero s̃j dicti sunt, qui ex curru pugna-

bant, ut apud Homer. At nautæ in bello *σαῖτιδ' ἄν* dicti sunt, ut Phauorinus obseruat. Sanè ab eo quod epibatę uectores appellantur, quidã & uectoria ipsa nauigia *ἐπιβάδ' ἄν*, seu *ἐπιβατιδ' ἄν* nūcupari tradunt, quæ & epibatæ & embatæ etiam dicantur, qui super hoc malè Plinium citāt, cum Vlpiani sint uerba ex xiiij. lib. ff. quæ nos in emphractis adduximus. Vocantur & Naubatæ ij qui superflui sunt, & in nauib. uehuntur, ut sequenti capite dicemus: qui & à Thucydide *πρόρινας*, quod & Pollux & Suidas probant. Idem & *πλωτῆρας* dicuntur, id est, nauigatores. Musæus tamen *πλωτῆρα* natatorem Leandrum dicere uideť. Est & in nauī qui *πορθμῆς* uocatur, quem nostrorū quidam portitorem dixere, ut Seruius in vi. *Æneidos*. Alij non portitorem, sed transfretatorem interpretantur, uel traiectorem, at ij quàm rectè, ipsi uiderint. certe quem Vergilius portitorem dixit,

& Propertius cum cecinit, Vota mo-
uent superos, ubi portitor gra recepit,

Obferat umbrosos lurida porta ro-
gos, Iuuenalis porthmea uocauit:

Tetrumq̄ nouitius horret porthmea.

Sed & portitor dicit̄ græcè ναῦλος, unde

& portoriū ναῦλον & πέρβμι, & nauis ipsa

ἡ πορβμείον, ut pridem notavi. Alij tamē

aliter, ut in Homeri Odyssea notant

grammatici. Sunt & in nauī qui meso-

nautæ nuncupantur, ut Vlpianus in

xiiiij. ff. tit. ut nautæ, caupones, stabu-

larij recepta restituant. Quo loco Her-

molaus & Budæus sic in nauī meso-

nautam interpretantur, uilis mancipij

nomen, ut mediastinus domi, qui ui-

lissima quæque ministeria obit. Addit

Vlpianus eodem loco dietarios, quos

& alij diæcureos uocant. Vlpiani sunt

uerba: Et sunt quidam in nauibus, qui

custodiæ gratia nauibus præponun-

tur, ut enim diætarij. quo loco uerba

græca desiderantur, quæ nec Budæus

nec Alciatus addidere, nescio an alius ad hanc diē: ego aliquando *καφύλακον*, nunc nihil statuo. Diætarios aliqui exponunt ministros in diætā deferuientes. Alciatus diætareos legit, *ἀπὸ τῆς διακταρ καὶ οὐρεὺς*, id est, à diætæ custode.

Sunt & à lintre lintrarij, quorū idem Vipianus meminit. Sunt & theori et parali à nauibus dicti, de quibus in superioribus actū est: paralios quidem & paralos legimus. Fuerunt & apud Milesios qui uocati sunt sempernauctæ, hoc est, *ἀναύτητα*, ciues & senatores, qui de rebus publicis consulere: id nanq; facturi naues conscendebant, ut est pluribus à Plutarcho proditum.

Nauis uocabulum unde, & quæ ab eotum græcè, tum latine breuiter declinentur: de porta, & nonnullis dicendi figuris. Caput xx. & nouissimum.



POstea uero quàm mihi satis superq; uideor de his quæ ad naues pertinet, & earū appellationibus, in medium pro ingenij meo

diocritate attulisse, nunc demū nauis
 quoq; uocabulū, & quid significet, &
 quæ ab eo deducta deriuataq; tum græ
 cè, tum latinè, si fuero, quam breuissi
 mē potero, rimatus, non paruum ope
 ræ precium fecisse uidebor, quando &
 hoc non parum ad rei cognitionem fa
 cere scriptorum pleriq; omnes existi
 mauere, idēq; ipsi in cōmentationū sua
 rum statim initio, quod ego in calce
 non absque ratione facere distuli, na
 turam uidelicet imitatus, quæ res pri
 mo in lucem producere, tum demum
 eis nomina imponere uidet̄. Vt cunq;
 & inter docendi modos & hunc apud
 philosophos repositum esse quis igno
 rat? Sunt ergo plurimi qui nauis uoca
 bulum græcū esse arbitrantur: ab illis
 enim *ναῦς* ἵδρα τοῦ ῥέου *ναῦς*, qd est fluo. Sed il
 lud sciendū, ab ipsis in recto casu nō u
 no modo proferri, *ναῦς* enim *ναῦς* in ge
 nerandi casu, uel *ναῦς* *ναῦς*, & interdū *ναῦς*
ναῦς usurpant pro linguarū ratione. Ex

nostris aliqui nauem non à græcis, sed à No uerbo, quod est, nato, deducūt: uel à nauo, quod rectorem nauum nauis exposcat, hoc est, strenuum & celerem. Sed Pomp. Festus nauū à naue potius dictū existimat, unde nauo uerbum, & nauitas, nauia, & alia, quæ hodie ex antiqua consuetudine g literam seruāt, ex quib. cōposita, ignauia, ignauus, gnauē & gnauiter. Igitur nauis uocabulum utcunq; sit uel græcū & latinum, præter eius notionē propriā etiā ad alia transfertur, atq; in primis ad ea quæ fortunæ quasi nutu regūtur. Vnde illud, Sumus in eadem nauī, & uento nauis agitur. Item, nauis est in portu, uel in uado: cum resest in tuto. sicuti etiam cum consilia non succedunt è uoto. M. Tullius ad Atticum: Prorsus dissolutum offendi nauigium, uel potius dissipatū. Sed et rimosam uel uetustam nauē dicimus, cū minus idoneū quempiā ad aliquid obeundum significamus.

ficamus. Sic & è nauī exire, cum è periculo nos subtrahimus. Sæpe & nauis ad rempub. transfert̃, quo modo Cic. & Demosthenes. Sed & Clemēs Roman. pont. in epist. ad lac. fratrē dñi, & item Anacletus, Christianam rempub. nauī instructæ cōpararūt. Nauis item uocabulum pro uasē capī, ut, nauis uinaria, quæ nunc à uernaculis Æmiliæ & Venetiæ, nauacia uocatur. A naue nauigium deducitur, quod modo pro naue ponitur, modo pro nauigatione, ut illud Iurisconsulti de uerb. oblig. Idēq̃ creditum esse in omnes nauigij dies. Sunt & qui nauigiū locum nauigabilem putent, alij nauis ductio nem. A nauigio nauigiolū. Lentulus in epistolis Cic. Nos uix ipsi singulis nauigiolis reciperemur. qua forma & Græci *πλοιωλειον* dicunt, Cicero alijq̃ nauiculam. Sedenim Græci nonnullam inter naues & nauigia differentiam faciūt, ita tradentib. Ammonio & Didy.

μο : αἰ νῆδον τῶν πλοίων διαφέρει, τὰ μὲν γὰρ ὄντι
 στρογγύλα, αἰ δὲ κωπήσεις κῆσρα πλώπιδες. hoc est,
 naues à nauigijs differūt, hæc quidem
 rotunda, illæ autem remigabiles & mi-
 litares. citāt Aristotelem de bellorum
 Ἰκαιοῦμασι. A naue nauta deducitur, qui
 & nauita & nauicularius : unde & na-
 uicularia ipsa nauigandi ars, & nauicu-
 lator & nauiger qui nauem regit. Item
 nauicula & nauicella, & uerba nauigo
 & nauicolor. Hinc & nauitibulum
 uas, & nauia in uindemijs, & nauti-
 cus adiectiuum : ut, clamor nauticus,
 & panis nauticus, hoc est, ναυτικὸς ἄρτος,
 & cætera quæ ad nauem pertinent,
 ut exuuiæ nauticæ apud Ciceronem,
 & nauticarum rerum scientia, apud
 eundem, & funis nauticus. Item & u-
 sura nautica, quæ duplex est. Vna quæ
 in alteram tantū nauigationem apud
 ueteres statuebatur, & græcè hetero-
 plus uocabatur. Altera ita contrahe-
 batur, ut nō aliter deberetur, nec ipsa

nec fors eius, quàm nauis cum mercibus' sospes ad domicilium usque redisset, & appellabatur amphoteroplus. De his mentio fit à Modestino cap. de nautico fenore, & à Demosthene aduersus Phormionem, & à Polluce in viij. Has Paulus maritimas usuras appellat. Traxere & hasin suum de asse Budeus, & in parœmias Erasmus. Deducitur & à nauis naufragium, naufragus, nauisragus, & uerbum naufragor, & nausea uomendi appetitus, & nauseo uerbum, & nauseolus. Item nautea pro aqua sentinæ, uel, ut alij dicunt, coriariorum: sed & nautca quoque herba est. Hinc & nauiscit, ut quidam tradunt, uerbum, quod de grano fabæ dicitur, cum aperitur ut nascatur, quod ferè sit nauis similis. hinc & nautilus piscis. Item Romæ Nauitorum familia, & Nauius, & Nauitius nomina propria, & Naugerius nostræ ætatis uir citra inuidiam doctiss.

Anaue etiam naualis adiectiuum, ut
 naualis corona, de qua actū est. Hinc
 & nauale, locus ubi naues fabricantur,
 ναύειον græcè dicitur, & ἐπίνειον, & ναύλοχον,
 & ναύσταθμῶ, nonnihil licet inter se diffe-
 rant. Significat & ναύσταθμῶ aliquando
 classē, est & promontoriū in Africa
 Straboni & Melæ. Est etiam nauale
 ναυσίικῶ, hoc est, tectum sub quo asser-
 uantur naues. Sed nauale quomodo
 construendum sit, & quale, præclare
 docet Vitruuius in fine v. uoluminis.
 Anauali, naualis porticus dicta est, quod
 naualibus esset uicina: hinc & naualis
 tuba. Martialis in primo: Et fræta na-
 uali sollicitare tuba. Hinc & nauales
 focij, Liiuo. Nauale bellum, naualis
 triumphus, Plinio. Naualis gloria, &
 nauale crimē, Ciceroni in Verr. A græ-
 cā quidem uoce, nauclerus, nauclerius.
 & naucleriacus, Plauto. Item nautes et
 nautia, id est, nauſea, & uerbū ναυπίαω,
 quod est nauſeo, & nautilia ars ipsa na-
 uigandi.

uigandi, & naulon præmium, seu portorium potius, ut dictum est: & *ναυαγίω* naufragor, & *ναυηγός* naufragus, & *ναυάγιον* naufragium. Item nauarchus, & naucrator, nauis rector & dux: & nauarchis eius nauis, id est, prætoria: & naumachia, naualis pugna: & naumachus, & naumachiarius, pugnator: & *ναυμαχίω* uerbum, & naumachiarius pons Romæ: & *ναύμαχα* numero plurium, hastæ & contiquib. in nauali pugna uti cōsuemus, ut apud Home, interpretes obseruāt: & uerbū *ναυτίλλομαι*, nauigo: & *ναυβάτης*, nauta, hoc est, qui naue uehitur, item qui in nauibus superflui sunt, ut est apud Vlp. in fine xij. Pandect. Et quidem, si quis, inquit, sit ex ijs quos uulgò *ναυβάτας* dicunt. Est & *ναυσολία* nauigatio, & uerbum *ναυσολίω* *ναυσολᾶ*, quod est nauigo, & naues orno, & dalsem paro: & *ναυπηγός* nauis artifex: & uerbū *ναυπηγίω*, & *ναυπηγισμός*, & *ναυπηγισμοῖ*

quod nauibus construendis aptū est: et si hi nauium artifices à Græcis recentioribus dicti sunt *καλαφαταί*, qua uoce omnis fermè Venetia passim nunc utitur, calaface uocādo. Eo certe calaphate cognomine iam nonnihil declinante imperio Constantinopolitano, Michaël Imperator cognominatus est, quod parentes ipsius apud Paphlagonas naues cōstruxissent, ut Græci eorum temporum scribunt historici. Est & nauftologus uel nautologus apud Clementē Romanū pontificē, rationū uel calculi in nauī magister, *ναυσίποδες* uero insulani dicuntur, quod ex nauibus pedes habere uideantur. Item *ναυλόδικαι* nauīū iudices, & magistratus hoc nomine fuit Athenis: hinc & nau phylaces & nau phraçton, ut antè scripsimus. Sunt etiā nomina propria pleraq; græca à nauib. deducta, Nausicaa, Nausistrata, Nausicydes, Nauplius, Nausithous, Nauatus hæreticus, quæ

Nouatum nostrorū plerique uocant; item Nausicrates poëta, & Nautiorū familia; & Naucrari, qui principes dicebantur, ut est apud Herodotū. Notat & Suidas, licet in uulgatis codicibus Naucrati legatur. Meminit & Aristoteles in repub. Atheniensium, & Harparotion. Sunt item urbium & locorū nomina penè innumerabilia, ut Naupactos, Naucratis, & Nauplię aliquot, & Nausiporus fluuius, quod nauibus ad trañciendum facilis sit, & Nauportū, ubi Argo nauis trauecta est prope Tergeste in sinu Adriatico. Sunt & prouerbia à nauibus non parum multa, quę tūm nos sparsim toto libro attigimus, tum eorum pleraque sunt copiose & eleganter ab Erasmo collecta.

Sed nostra iam perfecta nauigatione, quum ex alto in portum inuehamur, aliqua de portu ipso afferre, de quibus nonnullis dicendi figuris, non à pro

posito alienū duxi. Portus igitur locus est conclusus, in quo se tutò naues recipiunt, hyemantq̃: à portando dictus, quod & in eo importētur exportenturq̃ merces. Portus est uel naturalis, uel artificio, uel manu factus: ille græce λιμὴν, hic ὄρμος & κώβων dictus. Est & statio, ubi ad tempus stant naues, ut ait Seruius, & quam plagiā uocamus, de qua poëta: Statio male fida carinis. Sed de cothone, quia id minus notū, nonnulla hic subiungam. Festus: Cothones, inquit, appellantur portus in mari interiores arte & manu facti. Seruius in i. Æneid. super ea Poëtæ uerba, Hic portus aliij effodiunt: portus, ait, effodiunt, cothona faciunt. Cothones sunt, inquit, portus in mari nō naturales, sed arte & manu facti. Est autem & masculini & neutri generis. Hæc ille. Vtitur autem hac dictione Appianus in Libyco, ut cum ait: Appetente uere Scipio Byrsam aggredi

& portum, qui cothon dicitur, expugnare instituit. Idem nec semel infra meminit. Strabo quoque in fine ferè xvi. libri quum de Carthagine agit, Cothona insulam parvam dicere uide tur: ait enim, ὑπόκλυτς ἢ τῆ ἀκροπόλεως ὄντε λιμῆς, καὶ ὁ κόθων νησίον πεδισφίρες ἐνρίπῳ περιχώ μισον. hoc est, subiacēt arci, & portus & cothon parua insula in orbē ducta, eu ripocōprehēsa. Et paulò pòst: καὶ τῷ στόματος Ἐ κόθωνος φρουρουμλίνσ διώρνεσαν ἄλλο στόμα. hoc est, ostio Cothonis custodito, effoderunt aliud ostium. Cothonis & Diod. Siculus meminit, cum de Car mutha alio portu ageret: Portus, inquit, in medio insulam continet, aquis abundantem, hortisq; accōmodam, Carthaginensium quidē portu quem Cothona dicunt, persimilis esse uideēt. De portubus autem ita diligenter Vi truius in quinto: De opportunitate quidem portuum non est prætermittendum, sed quibus rationibus tuean

tur naues in his tempestatib. explicandum. Hi autē naturaliter si sint positi, habeantq̃ ἀκρωτήρια, siue promontoria procurrentia, ex quibus introrsus cur naturæ, siue uersus ex loci natura fuerint conformatæ, maximas utilitates uidentur habere: circū enim porticus siue naualia sunt facienda, siue ex porticibus aditus ad emporia, turrēque ex utraq̃ parte collocandæ, ex quibus catenæ traduci per machinas possint. Sin autem non naturalem locum neq̃ idoneum ad tuendas ab tempestatibus naues habuerint, ita uidetur esse faciendum, uti si nullum flumen in his locis impedierit, sed erit ex una parte statio, tunc ex altera parte structuris siue aggeribus expediatur progressus, & ita conformandę portuum conclusiones. Haftenus Vitruuius. Portus uerò laudes, seu uituperationes si cupis, Iulius Pollux in primo exequitur: & perinde iam nos pauca

de dicendi modis ac figuris, ut polliciti sumus, reddamus. In primis, inhibere remos dicimus, & nauim, ut apud Ciceronē, Quintilianum, Liuium, alios. Vergiliū ex nauigantium ratione illud appositè in VI. dixisse uidemus, quanquam id parum notent interpretes: Obuertunt pelago proras. Sunt & illa, tenere, subire, petere portū, ostia. Item, nauem edificare, cōstituere, instituere, Cæsari, Plinio. Deducere è naualibus, educere è portu, subducere nauem, & ad terram detrahere, instruere nauem armamentis, comparare nauem, sumere, conducere, unde illud, nauis cōducta, quoad peruētum sit eò quò sumpta est. Nauis non domini est, sed nauigantiū. Se in nauim incitare, nauim conscendere, ingredi, è nauis egredi, desilire, se proijcere. Sunt & aliæ figuræ plurimæ, in quibus alij iam elaborarunt: græcè uerò diligentissimè collectæ sunt ab Iulio

Polluce in primo, atque adeò ab hoc labore supersedendum mihi uisum est.

Habes Dux maxime, quæ de tota re nautica mihi dicenda uisa sunt, imò pleraq; etiam quæ uideri possint à me curiose, ne dicam anxie conquisita. Sed id certè mihi præstandum fuit, ut ne si qui post me idem fortasse conabuntur, ulla nauigationis ratio requirenda esset, sed orationis tantum cultus adhibendus, quæ ut ego minus præstare meapte natura potui, ita illum etiã sepe neglexi, ut, quod uolebam, planius rem patefacerem, nihilq; præterirem. Nostra tamen hæc qualiacumq; sunt, si cum ijs conferantur quæ ab alijs adhuc prodita sunt, non à te modò, qui tuos semper ornasti, sed à candido lectore spero studij ac diligentiae commendationem habitura.

F I N I S,